

МИРЗО УЛУГБЕК НОМИДАГИ ТОШКЕНТ ДАВЛАТ  
УНИВЕРСИТЕТИ, ОЛИЙ ВА ЎРТА МАХСУС МАКТАБ  
МУАММОЛАРИ ИНСТИТУТИ,  
ТЕМУРИЙЛАР ТАРИХИ ДАВЛАТ МУЗЕЙИ

## ИСО ЖАББОРОВ

# БЮОК ХОРАЗМШОҲЛАР ДАВЛАТИ

(Қадимий тарих саҳифалари)

«ШАРҚ» НАШРИЁТ-МАТБАА КОНЦЕРНИ  
БОШ ТАҲРИРИЯТИ  
ТОШКЕНТ  
1999

М а съул мұхаррір:

Ўзбекистон ва Қорақалпоғистон Республикаларида хизмат  
күрсатған фан арбоби, академик,  
тарих фанлари доктори  
С. К. КАМОЛОВ

Т а қ р и з ч и л а р:

ЎзФАнинг муҳбир аъзоси, тарих фанлари доктори, профессор  
К. Ш. ШОНИЁЗОВ,  
тарих фанлари номзоди  
Н. Н. ҲАБИБУЛЛАЕВ

**Жабборов И.**

Буюк Хоразмшоҳлар давлати: (Қадимий тарих  
саҳифалари) //Масъул мұхаррір: С. К. Камолов/. —  
Т.: Шарқ, 1999. — 1446.

Сарл. олдида: Мирзо Улуғбек номидаги Тошкент  
Даимиат уи-ти, Олий ва Ўрта маҳсус мактаб муаммолари  
ини-ти, Темурийлар тарихи Давлат музейи.

Қолимий даврлардан бүён Ўрта Осиёда рўй берган турли хил сиёсий  
нижтимоий ҳодисалар, ўтмишда ҳар хил элатларни бириктириб этник  
жараёнларга сабаб бўлган кудратли давлатлар, ноёб моддий ва маънавий  
обидаларнинг пайдо бўлиши башарият цивилизациясининг кўхна мар-  
казларидан бири Хоразм билан боғлиқ. Унинг ахолиси тарих саҳнасида  
қайси номда пайдо бўлмасин илк давлат яратишда ва шу асосда жаҳон  
маданияти хазинасини бойитишда жуда катта ҳисса қўшган ўзбек эли-  
нинг муқаддас тупроғи бу.

Жасур саркарда Жалолиддин Мангуберди таваллудининг 800 йил-  
лигига бағишлаб ёзилган ушбу рисолада бир неча минг йиллар давомида  
ўз кудрати ва тарихий воқеаларга бойлиги билан тарих саҳифаларини  
тўлдириб келган хоразмликларнинг узоқ ўтмишидан Буюк Хоразмшоҳлар  
давригача ривожланиб келган қадимий давлат ва унинг маданияти тари-  
хи тўғрисида ҳикоя қилинади. Асар кўпсонли тарихий, археологик,  
этнографик адабиёт ва манбалар асосида ёзилиб, олий мактаб ва маҳсус  
ўкув юртлари талабалари ҳамда кенг ўкувчилар оммасига мўлжалланган.

**ББК 63.3(5У)**

© «Шарқ» нашриёт-матбаа концерни  
Бош таҳририяти,  
1999.

## МУҚАДДИМА

«Бизнинг миллатимиз, халқимиз кўхна  
Хоразм заминида «Авесто» пайдо бўлган за-  
монлардан бўён ўз ҳёти, ўз маданияти, ўз  
тарихи билан яшаб келади».

*Ислом Каримов*

Давлат ва давлатчилик. Асрлар давомида буюк мутафаккирлар, донишманд арбоблар, оддий фуқаролар мазкур атамаларнинг моҳиятини тушунишга, уларнинг илоҳий қудрати ва зўрлиги нимада эканлигини билишга интилиб келганлар. Ўткир тафаккур ва теран билимга эга улуғ Зотлар давлат ва давлатчилик тушунчалари доирасида турли мулоҳазалар юргизиб, ҳар хил назариялар ва фалсафий фикрлар яратганлар. Собиқ Совет Иттифоқи парчаланиб мустақил давлатлар пайдо бўлгандан сўнг, истиқдол йўлига ўтган халқлар ўзлигини англашга ва миллий мафкура яратишга ҳаракат қилиб давлат ва давлатчилик тўғрисида турлича ўй-фикрлар ва боялар, ҳатто маҳсус концепция ва дастурлар кашф этишга интилмоқдалар.

Хўш, тарихий жиҳатдан ниҳоятда муҳим аҳамиятга эга бўлган мазкур атамаларнинг чинакам моҳияти ва мазмуни нимадан иборат? Уларнинг нафақат ҳозирги даврдаги ўрнини, балки инсоният тарихида, жумладан Ўрта Осиё халқлари тарихидаги мавқеи ва аҳамиятини объектив таърифлаб бериш илмий-амалий жиҳатдан ҳам жуда зарур. Чунки Республикамиз мустақилликка эришгандан сўнг илмий доираларда, айниқса оммавий ахборот воситаларида, газета ва журналлар саҳифаларида халқимизнинг ўзлигини англаш ва миллий тарурини тиклаш мақсадида бальзан тарихий ҳақиқатга зид ҳолда тор миллатчилик қараашлар ҳам юзага кела бошлади. Бундай нохуш ва илмий-сиёсий жиҳатдан хато ҳам зарарли тушунчаларга барҳам бериш учун мазкур сиёсий атамаларни илмий жиҳатдан тушуниб олиш, уларнинг тарихий илдизларини аниқлаш ниҳоятда долзарб муаммолардан бири.

Собиқ Совет тузуми даврида ақидавийлаштирилган яккаҳокимлик мафкура ўрнатган марксча-ленинча таълимот синфий кураш назариясига асосланиб барча ил-

мий асарлар ва дарсликларда давлат ва давлатчилик тушунчаларини бир хил баҳолаб келган эди. Бу таълимотга биноан, қисқача таърифлаганды, давлат иқтисодий жиҳатдан ҳукмронлик қилувчи синфнинг манфаатини кўриқловчи ва бошқа синфларнинг қаршилигини бостирувчи, ҳалқ оммасини эксплуатация қилишга хизмат қилувчи, жамиятни бошқариб турувчи қурол сифатида пайдо бўлган сиёсий ташкилот. Мазкур таълимотга биноан давлатнинг ташкил топиши жараёни ўз армияси, полицияси (милицияси), қамоқхоналари ва ўзаро боғлиқ идоралар ва ташкилотлар мажмуи, давлатчилик эса ҳалқ оммасини бошқарувчи ҳукмрон тизими асосида пайдо бўлган турли хилдаги мажбур қилиш муассасаларидан иборат тарихий ҳодиса сифатида юзага келган. Фалсафий нуқтаи назардан асл маънодаги давлат — ўзини кўпроқ ҳалқдан бегоналаштирадиган, унга қарама-қарши бўлиб турадиган ва асосий вазифаси ҳалқни ҳукмрон синфга бўйсундириб итоаттўйликда сақлашдан иборат куч, деб таърифланиб келган. Бунга зид ҳолда пайдо бўлган пролетариат диктатураси эса, гуёки, ўз моҳиятига кўра ҳалқ манфаатларини ифодалайдиган сиёсий ташкилот. Бундай таъриф барча совет нашрларида ўз инфодасини топган эди.

Юридик энциклопедия лугатида ҳам давлатни ҳуқуқ назариясига асосланган жамиятни бошқарадиган муайян усул, сиёсий тузумнинг бош элементи, зарур бўлган тақдирда зўрлик воситасига ва қонун-қоидаларга ҳам тадбирларга таяниб бутун жамиятга тарқалган ва унинг номидан расмий равишда ташкил этилган оммавий сиёсий ҳокимият, деб таърифланади. Унда давлатни фуқаролик ҳуқуқий муносабатларни бошқарувчи услуг сифатида хизмат қилувчи фуқаролик ҳуқуқ субъекти қилиб кўрсатилган.

Давлат ва ҳуқуқ тарихига оид кейинги йилларда чоп этилган адабиёт ва дарсликларда ҳам давлат тушунчасига аниқ таъриф берилмаган. Аммо унда ҳаққоний равишда қайд қилинганидек, давлат тарихи жамият тарихи билан узвий боғлиқ дейилади. Чунки давлат асли жамият яратган сиёсий ташкилот бўлиб, унга хизмат қилувчи ва бошқарувчи муҳим восита сифатида намоён бўлади. Ўзбекистонда узоқ даврларда қашф этилган тахминан уч минг йилдан ортиқ тарихга эга давлатчилик тузуми ҳам минтақада пайдо бўлган жамият тарихи билан чамбарчас боғлиқ.

Ўзбек тилининг изоҳли луғатида асосан мазкур таърифни мазмунан қайталааб, унинг халқ тилида оддий фуқаролар тушунчасидаги таърифи ҳам келтирилган. Оддий халқ тасаввурида давлат тушунчasi бойлик, молдунё, мол-мулк, кўчма маънода ҳам баҳт, бойлик, омад деб таърифланган. Давлатчилик атамаси тўғрисида эса, давлат тузуми, давлат сифатида ўюшганлик, деган таъриф берилган. Масалан, халқ орасида «давлат тугар, билим тугамас», «яхши ният — ярим давлат», «давлатинг — ота-онанг», «сихат-саломатлик — туман бойлик» каби мақол ва иборалар ҳозиргача сақланиб келмоқда. Бирорни омади келганлигини қайд қилмоқчи бўлганда ҳам «унинг бошига давлат қуши қўнган», деган иборалар ишлатилиди.

Мазкур тушунчаларни умумийлаштириб олганда давлат атамаси давлатчилик сўзига нисбатан торроқ маънода бўлиб инсоният жамияти ташкил топган даврдан бошлаб муайян тарихий бирликни ташкил қилиб, унинг нормал ривожланиши ва равнақи учун зарур қонун-қоидалар ва одат тартиботи, уларни тадбиқ қилиш механизми ва воситалари ишлаб чиқилган. Халқ тушун-часи билан сиёсий мазмундаги давлат атамасининг умумийлиги халқ фаровонлиги, унинг бойлиги, мол-мулки ва дунёсини таъминлайдиган ва кафолатлайдиган ташкилот, деб таърифлаш мумкин. Дастлабки даврларда бундай ташкилот чинакам демократик тарзда пайдо бўлиб, уруғ-қабила томонидан сайланган жамоа манфаатларини кўриқловчи осойишталик ва фаровон ҳаёт кечиришга хизмат қиласидиган восита сифатида юзага келган. Кейинчалик, жамиятда юз берган социал табакаланиш, мулкчиликнинг пайдо бўлиши, мол-мulkнинг анча қисми аҳолининг бой қисмida тўпланиши давлатни хукмрон табақаларга хизмат қилувчи, ҳатто айрим шахс ёки бир сулола манфаати фойдасига ишләётган восита сифатида намоён бўлади.

Демак, давлат ва давлатчилик узок тарихий давр-нинг маҳсали экан, уларни нафақат Ўзбекистон ёки Ўрта Осиё минтақасида, балки жаҳон тарихи билан боғлиқ ҳолда тадқиқ қилиш илмий жиҳатдан ниҳоятда муҳим аҳамиятга эга. Ваҳоланки, давлатни энг зарур сиёсий ташкилот сифатида юзага келиши антик замонларда барча қитъаларда мулкчиликнинг пайдо бўлиши ва шу асосда жамиятнинг табақаланиши оиласлар, қабилалар, элат ва халқлар орасидаги муносабат-

ларини муайян тартиб-қоидалар асосида «хуқуқийлаштириб» бошқариш зарурати аслида ибтидой жамиятлар пайдо бўлиши билан боғлаш тарихий ҳақиқатга тўғри келади. Чунки давлатчилик ришталари жамиятнинг дастлабки ва энг муҳим ҳужайраси оиласдан бошлаб, айрим уруғ ва қабилалар ҳам элатларнинг тикланишида ҳал қилувчи ва бош омил уруғ-қабилачилик муносабатларни жамоатчилик томонидан муайян тартиб ва ёзилмаган одат қонун-қоидалар асосида юзага қелганлигини инобатга олиш ниҳоятда зарур. Бундай фикрни тасдиқлайдиган тарихий-этнографик маълумотлар барча қитъяларда ҳаддан ошиқ етарли.

Агар Америка қитъасидаги ирокезлар, апачи ва ацтеклар, Ҳиндистондаги мунда ва дравидлар ёки бепоён Евроосиё даشتларида яшаган қадимий қабилавий бирималар ҳаёти билан ибтидой хоразмликларнинг турмуш тарзи, жамиятни бошқаришдаги илк давлатчилик ришталарини қиёс қиссан бизнинг ўлкамизни ниҳоятда ранг-баранг тарихи жаҳон цивилизациясининг таркибий қисми бўлиб уни анча бойитганлигининг гувоҳи бўламиз. Ҳозиргача сақланиб келаётган ўз-ўзини бошқариш маҳаллачилик анъаналари асли ибтидой жамоаларда ҳукмронлик қилган қишлоқ ва қўшничилик жамоалари анъаналари билан узвий боғлиқ бўлган.

Ҳар бир ҳалқ ўзининг ўтмишини билишга интилади, бой тарихий мероси ва унтуилмас саналари, буюк сиймолари ва баҳодир саркардалари билан фууруланди. Қадимий даврлардан буён Ўрта Осиёда рўй берган турли хил сиёсий ва ижтимоий ҳодисалар, бир вақтлар Европани ларзага келтирган тарихий воқеалар, ўтмишда кўп жамиятларни тубдан ўзгаришга ва ҳар хил элатларни бириттириб этник жараёнларга сабаб бўлган қудратли давлатлар, ноёб моддий ва маънавий обидаларни пайдо бўлиши башарият маданиятининг кўхна марказларидан бири Хоразм билан боғлиқ эканлиги илмий жиҳатдан жуда кўп тарихий-археологик асарларда исботланган.

Хоразмда ибтидой жамоа муносабатларидан шарқона қулдорлик тузумига ўтиш даврига оид анчагина археологик ёдгорликлар мавжуд. Машҳур шарқшунос ва тарихчи олим, Ўзбекистон фанлар академияси фахрий аъзоси С. П. Толстов маълумотларига кўра, урушдан олдинги тўрт йил ичida унинг экспедицияси аъзолари аниқлаган ёдгорликлардан 400 дан ортиғи кейинги ярим асрлик тадқиқотлар туфайли ўрганилиб эраги

миздан аввалги IV минг йилликдан эрамизнинг XIV—XV асрларгача Хоразм тарихини янгича кўз билан кўриш имконини яратган эди.

Мен Хоразм воҳасида туғилиб, унинг муқаддас тупроғини ялаб, Аму сувини шимириб вояга етдим. Озми-кўпми асарлар ёзид, тиришиб-тирмашиб олим бўлдим. Эҳтимол шунинг учундир яқинда ЮНЕСКОнинг қарори билан жаҳонда 2500 йиллиги нишонланган Хива сўзини эшитиб юрагим жизиллаб кетган эди. Бу афсоналарга чўлғангандек қўйнинг менинг азиз онам ва падари-бузрукворим туғилиб ўсган шаҳар бутун Ўрта Осиёning зиёратгоҳи. Мана энди Юртбошимиз фармони билан Хоразмнинг буюк фарзанди афсонавий саркарда Жалолиддин Мангуберди таваллуди муносабати билан зўр шодиёналар ўтқазилмоқда. Шу туфайли асли хоразмлик бўлганлигимдан истеъодли шоир Эркин Са-мандаровнинг қуйидаги жўшқин сатрларини фурур билан эслайман:

Мен туғилган воҳа шуҳратини олам билар,  
Кўп замондин кўп шуаро унга ошъор битдилар.  
Донгини мен ҳам жаҳонга бонг уриб айтгим келар  
Хоразм фарзандиман мен, Хоразм фарзандиман...

Бундан бир неча йил муқаддам каминангиз Буюк Ипак йўли бўйлаб халқаро экспедициясида иштирок қилиш баҳтига мусассар бўлган эди. Сафарга чиқишидан олдин эса кўп тарихий китобларни ва манбаъларни вараклаб чиқишига тўғри келди. Албатта ундан илгари ҳам мен Хоразм воҳаси, Хива, Кўхна Урганч тарихи билан батафсил танишганман. Ҳатто буюк рус олими Сергей Павлович Толстовнинг машҳур археология-этнография экспедициясида иштирок этиб, нафақат Ўзбекистон, балки бугунги Туркманистон ва Қорақалпоғистон республикаларига мансуб ҳудудда олиб борилган қазишмаларда иштирок этиб, машҳур устозимни бу тупроқни севишинг, ундаги сон-саноқсиз обидаларни, Хива, Кўхна Урганч, Хазорасп каби антик шаҳарларни яратган Хоразм халқига абадул-абад хизмат қилишинг керак, деган гаплари ҳали-ҳануз қулогимда.

Шу боисдан бўлса керак Хоразмда бўлиб антик Хиванинг бетакрор гўзал қадимий кўчаларидан ўтганимда, харобага айланган Кўхна Урганчининг муқаддас тупроғига қадам ташлаганимда, Беруний, ал-Хоразмий,

Абдулфози, Мунис Хоразмий, Огаҳий, Паҳловон Маҳмуд, Феруз юрган кўчалари, таълим олган мадрасалари ва бу мадрасалар пештоқига ёзилган муқаддас оятларни кўзойнак тақиб ўқиганимда хаёлим мени узоқ-узоқларга олиб кетади. Ёдимга қадимий Хоразм шоҳи Ибн Маъмун подшоҳлик қилган даврида яратилган ва бугунги тил билан айтилган «академия» деб аталадиган илм маскани ҳақида ўйлаб ҳайратдан ёқамни ушлайман. Ахир, бу академияда Беруний ва Ибн Синолар илмий анжуманлар олиб боришган. Бу анжуманларда ўша даврнинг жуда кўп улуғ алломалари иштирок этган. Улар фалакиётдан тортиб тиббиётгача, ал-жабр илмининг мураккаб муаммоларидан тортиб курраизамин текисми ё юмaloқми, деган ҳатто бугун учун ҳам чигал масалалар ҳақида баҳс-мунозаралар олиб боришган.

Табиийки, турли ўйларга чўлғониб узоқ мозий тарихий саҳифаларни варақлар эканман менинг ҳам ижодий фаолиятимга бош омил бўлган ўлкам доим қалбимни тўлқинлантиради. Чунки, яна Эркин сатрлари билан айтганда:

Ватан — ажиб севимли достон,  
Унда битта варақ Хоразм.  
Шаффоғ нурлар эли бу бўстон  
Унда битта чароф Хоразм...  
Сувим, ноним, сўнмас эҳтирос,  
Ҳаётимсан, гўзал Хоразм.  
Юксакларга этаман парвоз,  
Қанотимсан, гўзал Хоразм.

Яқиндагина ана шундай муқаддас замин ва унинг қадим сирларини сақлаган кўркам шаҳар Хиванинг 2500 йиллик тўйини ўзбек эли зўр кўтарикилик билан нишонлаган эди. Яширмайман, бу тантаналарга сабаб бўлган ЮНЕСКО қабул қилган қарор мени, Хоразм тупроғидан чиққан камтарин бир инсонни, бениҳоя қувонтирди, ҳаттоки, мазкур тантана менга ижодий илҳом бағишлиб, бу антик маданият ва маънавият ҳизинаси тарихига оид маҳсус илмий-оммабоп асар яратишга сабаб бўлди.

Кенг кўламда олиб борилган археологик-этнографик тадқиқотлар туфайли Орол бўйида, Амударё ва Сирдарёнинг қуи оқимида хоразмликлар маданияти ва маънавиятининг қадимий ўчоқларини аниқлаш им-

кони туғилди. Бу тадқиқотлардан маълум бўлишича, хоразмликлар маданияти илдизи ибтидоий жамоа даврига бориб тақалади. Калтаминор маданияти эрамиздан аввалги IV—III минг йилликларга, яъни неолит даврига оиддир. Улкан худудда (Амударё, Ўзбойнинг кўхна дельтаси, Сирдарёнинг қуи оқими, Ички Қизилкўмда) топилган неолит даври овчилари ҳамда балиқчилари манзилгоҳларида ягона калтаминор этник-маданий бирлигига оид қабилалар яшаган. Улар Америка индейсларига ўхшаб муайян худудда ўзига хос жамоа бўлиб, маҳсус қонун-қоидалар ва бошқарув тизимига асосланган уруғ-қабилачилик муносабатлари ўрнатгандар. Уруғ жамоачилик муайян оқсоқоллар кенгаши томонидан бошқарилиб, одат қонун-қоидаларига қатъян амал қилинган.

Калтаминор топилмалари Хоразмнинг қадимги аҳолисининг Қозогистон, Сибирь, Ҳиндистон ва Эронда яшаган қабилалар билан маданий алоқаларини аниқлаш имконини беради. Масалан, милоддан аввалги III минг йилликдаги Минусинск ўлкаси қабрларида Амударё чифаноқларидан тайёрланган буюмлар, калтаминор манзилларида эса Ҳинд океани чифаноқларидан тайёрланган мунчоқлар учрайди. Бундай далиллар хоразмликларнинг ибтидоий жамиятда муайян давлатчилик шакллари орқали нафақат ички, балки ташқи социал-иқтисодий алоқалар ўрнатиш функциясини олиб борган бўлса ажаб эмас, деган фикрни уйғогади.

Тозабоғёп маданияти мавжуд бўлган давр (милоддан аввалги II минг йиллик ўрталари)да ҳам шундай манзара кўзга ташланади. Бу маданият манзилгоҳи барханларда ҳамда тақирларда топилди. Бу ерда калтаминорликларни эслатувчи кремний ва мис қуроллар қолдиқлари ҳамда Сибирь ва Қозогистоннинг бронза асрига оид идишларига ўхшаётган, таги текис, нақшинкор сопол идиш парчалари топилди. Моддий маданият топилмаларига қараб тозабоғёпликларни Евроосиё дашт бронза маданиятига киритиш мумкин. Суформа дехқончилик хусусияти эса жанубий дехқончилик маданияти таъсирини кўрсатмоқда. Мазкур хўжаликни бошқариш ва шу асосда қабиладошлар ва уруғ аъзолари орасидаги муносабатларни тартибга солиш учун ҳам муайян қонун-қоидаларга амал қилиш, ўзаро низоларга барҳам бериш учун айрим шахс ёки жамоа кенгаши ҳокимлиги, яъни давлатчилик элементлари зарур бўлган.

Шу тариқа, икки дарё ҳавзасида унумдор текисликлар бўлган ҳамда дашит яйловлари билан ўраб олинган Амударё қуи оқимидағи маҳаллий табиий-географик шароит Жанубий Оролбўйида шимолий ва жанубий компонентларни ўз ичига олувчи, этник жиҳатдан мурракаб аҳоли шаклланишида муҳим омил бўлди. Масалан, Кўкча-З қабрида андронов, шарқий ўрта денгиз ва ҳинд-дравидоид ирқ турлари аниқланган. Сўнгги бронза даври амиробод манзилгоҳлари, айниқса Чирикрабод обидалари қазишмаларида топилган қурол-аслаҳалар, отлиқ аскарларнинг (рицарлик) яроғ-аслаҳа ва кийимлари Хоразм воҳасида эрамиздан аввалги ІІ минг йилларда муайян ҳарбий кучга эга бошқарув тизими мавжуд эканлигини исботлаб воҳада давлатчилик ришталари теран илдиз отганлигидан далолат беради.

Агар зардуштийлик дини муқаддас китоби «Авесто»нинг яратилиши шубҳасиз бир неча асрлар давомида шаклланиб келган диний таълимот эканлигини иnobatting олганда, унда тасвирланган қулдорлик тузуми ўзига хос давлатчилик билан боғлиқ бўлганлиги Зардуштдинг ватани Хоразм ҳам Олд Осиёдаги қадимий давлатлар қатори энг кўхна давлат яратган ўлка деса бўлади.

Келинг энди мазкур фикрни тасдиқлаш учун ибтидоий хоразмликлар яшаган даврдан илк давлатчилик намуналари шаклланиб, машҳур сулолалар бошқарган империялар ҳукмронлик қилган давлатлар тарихини бирма-бир варактаб кўрайлик. Узоқ ўтмишга саёҳат қилиб, жасур тадқиқотчилар бепоён Қизилқум ва Қорақум саҳроларида, Аму ва Сирнинг қуи оқимида каашф этган сон-саноқсиз тилсимли обидаларни текшириб ўрта асрларда жаҳонга машҳур бўлган бир неча мингийиллик Буюк Хоразмшоҳлар давлати тарихига бир назар ташлайлик.

Антик замон ва ўрта асрларда яшаб ижод қилган, жаҳон цивилизациясига зўр ҳисса қўшган улуф сиймолар, жасур саркардалар, қудратли давлат арбобларининг пайдо бўлиши учун ҳам узоқ давр шаклланиб келган ижтимоий-иқтисодий тузум зарур бўлганлигини ҳеч ким инкор қила олмайди. Бундай муҳим омиллардан бири энг қадимий замонлардан Шарқ билан Фарбани боғлаб шарқдаги қудратли давлатлар билан фарбадаги антик цивилизация орасидаги иқтисодий-маданий кўприк бўлиб хизмат қилиб келган Буюк Ипак йўли аслида бутун Евроосиёни ўзаро боғлаган ноёб восита эканлигини алоҳида қайд қилиш лозим.

# **ИБТИДОЙ ЖАМОА ТУЗУМИ ВА ИЛК ДАВЛАТЧИЛИК РИШТАЛАРИ**

Мадад сўраб келдим, тош сағаналар,  
Улуг аждодларим муқаддас руҳи.  
Тилсиз сукунатнинг бағрида бедор  
Эшитилмас, ҳатто шамоллар уҳи.

*Ойгул Суюндикова*

Маълумки, бизнинг асримиз бошларида ўзбек элатлари турар жойига қараб хоразмликлар ёки хиваликлар, бухороликлар, қўқонликлар, андижонликлар, наманганликлар, фарғоналиклар, тошкентликлар деб номланар эди. Чунки ўзбек миллати ҳали тўла шаклланмаган, миллий ўзлигини ва ҳис-туйғуларини, ҳудудий ва иқтисодий-социал бирлигини англаш даражасига кўтарилиб ултурмай дастлаб рус мустамлакаси даврида, кейин октябрь тўнтаришлари туфайли ленинча «миллий» сиёсатга таяниб туркистонликлар тупроғи бўлинниб кетиши янги мустамлакачилик мағкураси асосида сунъий равишда маъмурий жиҳатдан қайта парчаланиб юборилишига асос бўлди. Оқибатда собиқ совет республикалари ташкил этилиб, яхлит ҳудудимиз бўлинниб кетган. Аммо ўзбек, қозоқ, туркман, қирғиз, қорақалпок, каби туркий халқлар маъмурий жиҳатдан гўёки мустақил давлатларга бўлинсада, аслида марказлашган тоталитар тузум ҳам бошқаришга қулай тарзда парчаланганд ҳолда ташкил этилиб, ўлка харитаси қайта тузилган эди. Барча туркистонликларни советлаштириш сиёсати билан ленинча мағкура байроғи остида янги мустамлакачилик амалга оширила бошлаганлиги миллий қадриятларни чеклаб, мустақилликдан маҳрум қилди. Чораккам бир аср давом этган совет мустабидлиги даврида миллий онг ва руҳ, ўзлигини англаш, юксак маънавият ва ҳис-туйғулар, ниҳоятда бой тарихимиз тор қолипга солиниб шафқатсиз топталган эди.

Ўзбек элининг бир асрдан ошиқ давр ичида дастлаб чоризм, кейин совет мустамлакачилигига бўлиб эндиликда чинакам мустақилликка эришиб, ҳақиқий ҳуррият нури ёқтирган илму маърифатга йўналган истиқдол ўйлига ўтиш бутун Хоразм аҳлини ҳам нафақат ижтимоий-иқтисодий, балки бутун маданий-маиший ҳаётида янги мисли кўрилмаган тараққиётига зўр замин яратиб

берди. Антик замонлардан илк давлат, ўзига хос санъат ва юксак маънавият яратган хоразмликлар Ўрта Осиё минтақасидаги жаҳонга машхур қадимий шаҳарлардан бири — она шаҳар Хиванинг 2500 йиллик таваллудини яқиндагина зўр қайфият ва кўтаринкилик руҳда нишонладилар. Нафақат хоразмликлар, бутун ўзбек эли жуда муҳим бир воқеа ҳисоблаган мазкур тантанани баланд руҳ, жўшқинлик ва зўр гайрат билан кутиб олган эди.

Асли Хива тантаналари ва анъаналари, Президентимиз ибораси билан айтганда, кўхна Хоразмнинг қадимий ноёб маданият, юксак маърифат ва нафис санъатининг ўзаро узвий боғлиқ бўлганлигининг ёрқин далили эканлигини мустақиллик туфайли намойиш қилган эди. Энг муҳими жасур саркардалар ва доно арбоблар фаолияти, ҳалқ шоирлари ва ижодкорлари яратган ажойиб асарлар моддий ва маънавий маданият билан бевосита боғлиқ бўлган кўп қиррали санъат намуналари — монументал бадиий обидалар, турли хилдаги амалий безак маҳсулотлари билан ҳамоҳанглиги. Моҳир аждодларимиз узоқ тарих давомида бунёд этган ажойиб обидаларнинг кўпчилиги шу кунгача етибгина қолмай, уларнинг ишлаб чиқариш анъаналари авлоддан-авлодга ўтиб истеъдодли усталар томонидан ривожланиб келган.

Асрлар оша бизгача етиб келган барча катта-кичик тарихий обидалар, меъморий ва амалий безак санъати намуналари хоразмликларнинг социал-иктисодий ва майший турмушининг, маданияти ва маънавиятининг таркибий қисми сифатида маҳаллий аҳолининг ўзига хос хусусиятларини мужассамлаштирган. Санъатнинг қайси бир соҳасини олманг — бадиият ва шеъриятида, ашуласи ва рақсида, тарихий обида ё бадиий амалий санъат асарларининг барчасида узоқ асрлар шаклланиб келган нафосатли Хоразм руҳи сақланган. Албатта узоқ ўтмишдан бизгача етиб келган хўжалик ва қурилиш анъаналари, бадиият ва санъат соҳалари ўзининг моҳиятини ва яратиш услубини асосан сақлаб қолган бўлсада, мазмунан ва шакл жиҳатидан давр билан ҳамоҳанг бўлиб бир оз ўзгарган. Буни, айниқса, Тупроққалъя ва Қўй-қирилганқалъя обидаларида топилмаларида, Кўхна Ўрганч ва Хиванинг ҳар бир иморати тошида, ҳовли эшигигида, уй безагида, кийим-кечагида, оддий майший буюмлар ва хашаматли меъморчилик иншоотларида

қўриш мумкин. Шу муносабат билан мен истеъодли хоразмлик шоир Эркин Самандаровнинг қўйидаги жўшқин мисраларини фурур билан эслайман:

Бу шаҳарми на ё бир сеҳр,  
Тошларми бу, мўжизами ё,  
Обидалар бағрида на сир,  
Нақшларда ёнар не зиё,  
Пештоқдаги ғазалми ё ранг  
Нафосатнинг сеҳри эмасми?  
Тошда нидо қилувчи мисра  
Оғаҳийнинг шеъри эмасми?

Хақиқатан ҳам Хоразм санъатининг қайси бир соҳасини олманг ўзига хос сирли чиройи ва нафосати ҳозиргача ҳар бир кишини ҳайратда қолдиради. Антик давр ёдгорликларидағи, Хива ёки Кўхна Урганч обидаларидағи ганчкорлик, кошинкорлик, наққошлиқ, хаттотлик, тоштарашлик намуналари, музейларда сақланиб келган каштачилик, мисгарлик, заргарлик ва бошқа майший буюмларнинг афсонавий даражада уйғуллашган гўззалик, сирли равишда ажойиб ҳалқ оғзаки ижоди намуналари билан чатишиб ҳамоҳанг бўлиб кетиши ёрқин ифодаланган. Бундай ҳолат ўлкада осоишишталиқ ўрнатилган давлат сиёсати оқибати деса бўлади.

Ҳалқ ижодининг ўсиши мамлакатнинг равнақи ва фаровонлиги, мустақил давлатнинг тинч ва осоишишталиги билан бевосита боғлиқ. Санъат ва маънавият элда осоишишталиқ, тўқлиқ, эркин ва тинч ҳаёт бўлмаса ҳеч вақт ривожланмайди ва ўзини намоён қила олмайди. Ҳалқ ижодининг муҳим омилларидан яна бири мамлакатда рўй берәётган улкан социал-иктисодий ва сиёсий ўзгаришлар билан ҳам боғлиқ. Республикализнинг мустақилликка эришиши ўзбек элининг қадимий миллий қадриятларини қайта тиклашга ва уни янги давр талабига жавоб берадиган даражага кўтарилишига зарур имкониятлар яратиб бермоқда.

Жасур тадқиқотчиларимизнинг кўп йиллик ажойиб каашфиётлари туфайли миллий мафкура ва истиқтолояларига таянган ҳолда таҳлил қилиниши энг қадимий аждодларимиз ҳаётини янгича тасвирлашга имконият туғдирди. Ва лекин бу соҳада ҳам баъзи бирёзлама субъектив мулоҳаза ва фикрларнинг пайдо бўлиши та-

рихий ҳақиқатни тўлалигича тиклашга салбий таъсир қилмоқда. Биз фаннинг сўнгги ютуқларига таяниб Хоразм воҳасида ибтидоий даврларда яшаган аждодларимиз ҳаёт фаолияти, турмуш тарзи ва маданияти билан танишишга ҳаракат қиласиз. Шуни алоҳида қайд қилиш лозимки қадимий археологик топилмалар, айниқса меҳнат қуроллари, уй-рўзгор буюмлари ва санъат на-муналари этнографик маълумотлар билан қиёс қилиниб таҳдил этилса, улар давр талабига жавоб берадиган замонавий услубда жиддий ўрганилса узоқ ўтмишдаги жамият қиёфасини тўлиқ тасвирилаш мумкин бўлади. Чунки барча моддий буюмлар, айниқса амалий санъат намуналари ўтмиш билан ҳозирги даврни боғловчи муҳим кўприк бўлиб хизмат қиласи. Мазкур кащфиётлар узоқ аждодларимиз давлатчилиги ва маданияти, балки ҳозирги музокарали бизнинг қадимий насл-насаб муаммоларини ва ўзбек шажараси каби мураккаб масалаларни ҳал қилишга ҳам ёрдам беради.

Кейинги ўн йилликларда ўтказилган тадқиқотларга қараганда, минтақада бир неча минг йиллар давомида чегаралари ўзгариб турган муайян тарихий-маданий ва этник бирикмалар юзага келган. Олимларнинг таърифига биноан бу бирикмалар қуйидагича: 1) ярим ўтрок овчи балиқчи элатлар; 2) дарё қуи оқимида ва водийларда ярим ўтрок чорва-дехқончилик билан шуғулланувчи аҳоли; 3) суформа ва баҳори ерлардаги омоч дехқончилиги билан чорвачилик хўжаликлари; 4) қуруқ иқлимли дашт ва ярим даштларда қисман дехқончилик билан шуғулланувчи кўчманчи ва ярим кўчманчи этник гуруҳлар. Ўрта Осиёда яшаган ҳалқларнинг пайдо бўлиши мазкур хўжалик-маданий типларнинг тарихи билан бевосита боғлиқ бўлиб, уларнинг этник хусусиятларини белгилаб берган.

Шуни алоҳида қайд қилиш лозимки, бу ерда ибтидоий жамият ташкил топган неолит давридаёқ (эрэмиздан аввалги IV—III минг йилликлар) мазкур хўжаликлар бир жойда пайдо бўлиб, кейин бутун минтақага тарқалган. Айниқса жуда кўп топилган неолит маконлари (Хоразмдаги Калтаминон, Зарафшондаги Чинкелди, Марказий Фарғонада ва Устюртда, Жайтун ва бошқа маданиятлар) турли қабилаларнинг ўзаро боғлиқ эканлигини тасдиқлайди. Масалан, машҳур калтаминонликлар ўз маданияти билан чекланган ҳолда ҳаёт кечирмай, атрофдаги узоқ-яқин қабилалар билан до-

имо ўзаро алоқада бўлиб турганлар. Улар шимолда уралликлар, жанубда жайтунликлар ва улар орқали Каспийбўйи ва Эрон қабилалари билан алоқада бўлганликларини кўп археологик тадқиқотлар тасдиқлайди.

Энг қадими маданият ўчоғларидан ҳисобланган Ўрта Осиё ва бепоён Евроосиё даштларида эрамиздан аввалги III минг йилликда ҳиндевропа тил туркумига оид тилларда гапирадиган жуда кўп кўчманчи қабилалар ва ўтроқ элатлар яшаган. Урал тоғларидан Ҳинд дарёсигача кенг территорияда яшаган мазкур қабила ва элатлар фақат тили жиҳатидангина эмас, хўжалик фаолияти, маданияти, келиб чиқиши жиҳатидан ҳам умумий бирликка эга бўлганлиги аниқланган. Бу этник груп ўша даврда ўзларини «арий» (яъни бир уруф одамлари) деб аталган қисмлари қўшни халқлар тарихида муҳим роль ўйнаган. Дарё қирғоқларида, жумладан Аму ва Сир бўйларида яшовчи «арийлар» дехқончилик, тош, мис ва жез қуроллар ишлаб чиқариш билан шуғулланган бўлса, қўшни кўчманчи «арийлар» чорвачилик билан шуғулланганлар. Шубҳасиз мазкур жамиятлар муайян қонун-қоидалар ва одат нормалари асосида бошқарилиб турган илк давлатчилик тузумига ва ҳарбий кучга эга бўлганлар.

Эрамиздан аввалги III минг йиллик охирларида фанда скиф-сармат, сак-массагет номи билан машхур бўлган мазкур кўчманчи ва ярим ўтроқ қабилаларининг бир қисми Қозогистонга, Ўрта Осиёнинг шимолий қисмига асосан Орол бўйига жойлашиб, ўзига хос юксак маданият яратганлар. Кейинчалик кўхна Хоразм, Марғиёна, Сўғдиёна ва Бақтрияда яшовчи ўтроқ сугориладиган дехқончилик билан шуғулланувчи, қадим хоразм ва сўғд тилларида гапирувчи халқлар билан яқин алоқада бўлган сак-массагетлар бутун Яқин ва Ўрта Шарқни ларзага келтириб турган. Геродот ва бошқа кўпгина қадимги юон музаллифлари таърифлаган, буюк Фирдавсийнинг ўлмас «Шоҳнома»сида куйланган, жаҳон маданиятининг ажойиб дурдоналиридан бири «Роланд ҳақида қўшиқ» номли француз достонида тилга олинган «дашту биёбон Оссиана юртдининг худога ишонмаган лаънати қабиласи» асрлар давомида машриқдан мағрибгача қўшни давлатларга ўз таъсирини ўtkазиб келган. Достонда таърифланганидек:

Уларнинг ҳар бирининг сийнаси  
Пўлатдан ҳам мустаҳкам  
Тошдан ҳам метин эди!  
Уларга на дубўлға, на совут эди даркор.  
Уларнинг мардлигига ғалаба ҳам эди ёр.

Аммо бундай жангвор қабилалар иттифоқи пайдо бўлгунга қадар бу ерда, яъни мазкур достонда тилга олинган Оссиана (Оқс дарёси бўйи) юртининг илк аждодлари жуда кенг худудга тарқалган калтаминонликлар тўғрисида бир оз тўхталиб ўтиш зарур. Калтаминонликлар маданияти обидалари неолит ва энеолит (эрамиздан аввалги IV—III минг йилликлар) даврига оид бўлиб, тош қуроллари шаклларининг бирлиги, сопол идишлардаги нақшларнинг ўзаро ўхшашлиги билан ажралиб туради.

Калтаминон маданияти жуда кенг худудда яшаган қабилаларни бириктирган. Мазкур ёдгорликлар Сариқамиш ва Узбўйда, Сирдарёнинг пастки оқимида, Орол бўйларининг шимолий-шарқий қисмида, гарбий Қозоғистонда, Марказий ва Шимолий Қизилқумда кўптопилган. Уларнинг кўпчилиги балиқчилик ва овчилик билан шуғулланувчи қабила жамоаларининг муваққат маконлари бўлган. Шунинг учун бу маконларда яшовчи қабилаларнинг турмуш тарзи тўғрисидаги маълумотлар фақат тош қуроллар ва қўлда ясалган сопол буюмларнинг парчалари асосида анча чекланган тасаввурга эгамиз.

Сариқамишнинг жанубида, Узбўй соҳилларидағи маконлар оралиғи бир неча юз метрда жойлашган бўлиб, овчилик ва балиқчилик билан тириклий қилганлар. Масалан, Узбўйдаги Кегенек — 22 номли калтаминон макони қадимий кўл бўйида 200 метрга чўзилган, айрим маконлар бир-биридан 300—400 метр масофада жойлашган. Эрамиздан аввалги IV—III минг йилликларда Сариқамиш ва Узбўй соҳилларида яшаган калтаминон қабилалари ярим кўчманчи турмуш тарзида асосан балиқчилик ва овчилик билан шуғулланганлар.

Калтаминон маданияти ёдгорликлари гарбий Қозоғистоннинг кўп қисмида, Сирдарёнинг пастки оқимида, Орол бўйларининг шимоли-шарқ қисмида, Амударёнинг ўрта ва пастки оқимида, Ўзбўй ва Сариқамиш бўйларида, Марказий ва Шимолий Қизилқумда ва Қоракумнинг кўп қисмида учрайди. С. П. Толстовнинг бу

ёдгорликларни текшириш асосида яратган айрим асарлари — Ўрта Осиё ибтидоий археологиясига қўшган зўр ҳисса ҳисобланади. Чунки, Сергей Павловичнинг бу соҳадаги кўп ишлари Ўрта Осиё, Қозоғистон ва ҳатто қўшни мамлакатларнинг неолитик ёдгорликларини текширишда турткى бўлиб ҳисобланади.

Сўнгги вақтларда қилинган неолит даврига оид кашфиётлар калтамиор маданиятини ҳам территориал, ҳам хронологик жиҳатдан анча кенг тарқалғанлигини кўрсатади. Бинобарин, бу ажойиб маданият устида ба-тафсил тўхтаб ўтиш зарурдир.

Калтамиорликлар яшаган даврда Хоразмнинг иқлими ибтидоий ҳаёт кечирувчи кишилар учун қулай бўлган. Амударё ва Сирдарё эса дайдиб жуда кўп кўл ва ботқоқлар, катта-кичик ўзанлар ташкил қилган эди. Сувга сероб бўлган Оқчадарё воҳасини С. П. Толстов «Ўрта Осиё Венецияси» деб атайди. Балиқчилик ва овчилик билан тирикчилик қилган калтамиорликлар ўзларининг оддий маконларини шу сон-саноқсиз кўл ва ботқоқ бўйларида тиклаган. Қадимги грек ёзувчиси Страбоннинг бу ерда яшовчи қабилаларни «Ботқоқлик ва орол массагетлари» деб атаси ҳам бежиз эмас. Кўлга бой бу ўлка Зардуштнинг муқаддас китоби Авестода «Вуруктарта денгизи», яъни «қўирғоқсиз денгиз» номи билан машхур. Ҳақиқатан ҳам сўнгги неолит даврида аҳолиси зич Хоразм ўзаро ўзанлар билан боғланган жуда кўп табиий сув ҳавзаларига эга бўлиб, уни «Буюк кўллар ўлкаси», деб ҳам аташ мумкин.

Калтамиор маданияти икки даврга бўлинади. Илк калтамиор маданиятига Жонбос-4, Кунак-1, Кугинак-22, 195, 198, Болаэшим-9 каби ибтидоий маконлар киради. Бу маконларда топилган сопол идишлар маҳаллий соғ тупроқдан бир оз йирик қум ва туюлган чиганоқ аралашмасидан ясалган. Шакл жиҳатдан улар хилма-хил бўлиб, кўпинча қорни чиқсан кўзага, чуқур ва кенг косага ҳамда катта чўмичга ўхшаб кетади. Идишларнинг деярли ҳаммасига нақш берилган. Берилган нақшлар жуда оддий бошоқ, синиқ, чизик, юқоридан пастга ва горизонтал ўтказилган тўғри чизиклар ва айрим геометрик шакллардан иборат бўлган. Нақшларнинг айрим шакллари фақат калтамиор маданиятига хос бўлиб, қисман Ўрта Осиёнинг жанубидаги илк дехқончилик (Жайтун) маданияти, Бухоро воҳасининг катта ва кичик Туз конида ҳам шимолда

пастки беъз маконларида тошилган баъзи сопол идишларнинг нақшларига ўхшаб кетади.

Илк калтамиорликларнинг иш қуроллари чақмоқтош, кварцит каби тошларнинг ҳар хил турларидан ясалган. Бу тош қуролларининг асосий хусусияти — анча архаик типда бўлганилигидир. Аммо бундай ҳолат калтамиорликлар тошни ишлашда орқада қолган, деган фикрни туғдирмаслиги керак. Чунки илк калтамиорликлар тошни ишлашдаги деярли бутун неолитик усулларни билганлар. Улар тош ва суяқ қуролини оддий парчалаш ёки синдириб олиш билан бирга, унга анча аниқ шакллар берувчи икки томонлама учирини, пармалаш ва силлиқлаш техникасини ҳам билганлар. Бунга мазкур маконларда топилган сон-саноқсиз икки томонлама ишланган япроқсимон ўқ ёй учлари, бир томонлама ўткир пичноқсимон қуроллар, ҳар хил шаклдаги қирғич ва кескич асбоблар далил бўла олади. Калтамиор усталари катта кул ранг қумтошлардан ёргўчоқ ва қармоққа бойланадиган лангарчалар ҳам ясаганлар. Топилган нарсалар орасида турли хилдаги зеб-зийнат сифатида ишлатилган чиганоқлар диққатга сазовордир. Илк калтамиор даврига оид сопол идишлар ва тошдан ясалган асбоб-ускуналар бошқа бир қанча сўнгги неолит ёдгорликларида қазиб олинган нарсаларга ўхшаб кетади.

Калтамиор маданиятини сўнгги этапини характерловчи маконлар Оқчадарё дельтасини Жингалди ва Тожиқозган, Қизилқумнинг Лавлакон ва Бешбулоқ каби ҳудудларида, юқори Узбўй ва гарбий Қозогистоннинг айрим жойларида топиб текширилган. Бу маконларда топилган сопол идишлар ва тошдан ишланган асбоб-ускуналар илк калтамиорликларнинг анъаналарини сақлаб келганликларини кўрсатади. Аммо топилган кўп нарсалар ичida янгилик элементлари ва мукаммалластирилган қуроллар ҳам учрайди. Янгиликлар асосан кулолчилик буюмларига солинган нақшларда кўпроқ сезилиди. Мазкур маданият учун хос нақшлар юқоридан пастга, горизонтал ва қийшиқроқ ўтказилган тароқсимон геометрик чукурчалар ва учбурчакка ўхшаш шакллардан иборат.

Сўнгги калтамиорликларнинг тош қуроллари ҳам ўз аждодлариникига ўхшаб кетса-да, сон жиҳатидан кўп ва юқорида айтганимиздек, анча такомиллаштирилган. Икки томонидан ретушь берилган ромбсимон

ва учуорчакка ухаш ўқ ей учлари кўп топилган. Бу маданият тошдан ясалган асбоб-ускуналар ичида кўпгина катта пичноқ, найзача (дротик) ва найза учлари учраши билан ажralиб туради. Найза учлари япроқ шаклига ўхаш бўлиб, 7—10 сантиметр узунликдаги тош парчаларидан ясалган. Сўнгги калтаминорликларнинг пичноқлари ҳам тош парчаларидан ясалиб, ишлов берилган, айримларининг эса икки томони ҳам кескир бўлган. Пичноқларнинг узунлиги 8—10 см, ҳар томонлама йўниб олинган тош ўзаги (нуклеус) билан бир қаторда илк калтаминорликларнига ўхаш ёргўчоқ, лангарча ва чиганоқ безаклар ҳам учрайди. Айрим далиллар сўнгги калтаминор маданиятида миснинг эритиш технологиясини, оддий металл буюмларни ясани билганлигидан дарак беради. Бешбулоқ маконида топилган мис шакллари, Иргиз маконида топилган тўрт қиррали мис бигиз бунга далил бўла олади.

Калтаминор маконларининг деярли ҳаммаси, юқорида қайд қилганимиздек, бир-биридан анча узоқдаги-лигига қарамасдан, моддий-маданият формаларининг бирлиги билан ҳарактерлидир. Шундай бўлса ҳам сўнгги калтаминорликлар маданиятида бирмунча ўзига хос хусусиятлар бўлган Оқчадарё, Узбўй ва гарбий Қозоғистон маданиятлари алоҳида ажralиб туради. Бу маконларнинг кўп қисми эрамиздан илгариги учинчи минг йилликнинг иккинчи ярми ва иккинчи минг йилликнинг бошлари билан саналади.

Бутун калтаминор маконларидан топилган сүяқ қолдиқлари калтаминорликлар балиқчилик ва овчилик билан шуғулланганлигини кўрсатади. Балиқ сүяқларининг кўп қисми (86 фоизи) сазан, чўртон ва лақقا балиқларницидир. Илк калтаминорликларнинг хўжалигига асосий ролни балиқчилик ўйнагани туфайли, уларнинг маконлари ҳам балиқقا бой сув манбаларига яқин—қўл ва дарё қирғоқларида бўлган. Сүяқ қолдиқлари балиқни санчқига ўхаш қуролқармоқ билан, топилган лангарчалар эса тўр билан тутилган деб фарауз қилишга имкон беради. Калтаминорликлар қушларга, чўлда яшовчи кийик турларига ва бошқа ҳайвонларга ов қилганлар. Улар ахён-аҳёнда ҳар хил моллюска ва қуш тухумларини ҳам истеъмол қилганлар.

Сўнгги калтаминор маконларида ўқ ёй ва найза учларининг, катта пичноқсимон қуролларининг ва йирик

сут эмизувчи ҳайвон сүякларининг кўп учраши — бу даврда калтамиорликлар хўжалигидан овчилик катта ўрин тутганлигидан дарак беради. Айрим маконларда топилган сигир ва қўй сүякларининг қолдиқлари эса калтамиор маданиятининг сўнгги этапида чорвачилик пайдо бўлганлигини кўрсатади.

Калтамиорликларнинг ўтроқ ҳаёт кечирганликларини тасдиқлашда Жонбос — 4 маконида топилган ибтидоий кулба қолдиқлари жуда характерлидир. Кулба конус шаклида бўлиб, катта ўқи 24 метрга, кичкина ўқи 17 метрга яқин, марказий устунларнинг баландлиги тахминан 8—10 метргача бўлиб, синчбоп ходалардан тикланган ва улар устига қамиш ёпилган. Жуфтлаштириб ўрнатилган устунлар устига қўйилган страпиллар бир-бирига жуда яқинлаштириб маҳкам боғлаб қўйилган. Маълумки бундай қурилиш усувлари Африка, Океания ва Америкада яшаган ибтидоий халқлар архитектурасида ҳам кенг тарқалган эди. Томнинг четидаги куйиб кетган материал массасининг зичлиги — кулбанинг унча баланд бўлмаган деворга таяниб турганлигини кўрсатади. Икки қатор устунлар билан ўралган тор йўлак томнинг ўртасида доимо ёниб турадиган марказий ўчоқقا олиб боради. Бу ўчоқнинг диаметри бир метрга яқин бўлиб, у ярим метрли куйган қизил қум қатлами остида, оппоқ зич қалин қатламли кул ҳолида сақланиб қолган. Эшикнинг ўнг томонида, марказий ўчоқнинг орқасида эса овқат пишириш учун жуда кўп кичикроқ ўчоқлар бор. Кундалик турмуш буюмларининг кўпчилиги мана шу ўчоқлар атрофидан топилган. Кираверишда чап томонда асосий турар жой бўлими бўлиб, унда ўчоқлар, асбоб-ускуна ва буюмлар деярли йўқ. Бу кулбада тахминан 100—120 киши она уруфи тартибида яшаган. Кулбанинг катталиги ва унда кичкина-кичкина ўчоқларнинг борлиги бу коллективнинг хўжалик жиҳатдан жуфт-жуфт оиласаларга бўлина бошлаганини кўрсатади. Катта ўчоқда доимо муқаддас олов сақланиб тургани ва бу ўчоқ, С. П. Толстов фикрича, шу кулбада яшовчи уруғ жамоасининг диний маркази ҳисобланган. Жонбосқалъя ҳаробалари яқинида топилган ҳамда шу даврга оид сополдан ясалган хотин ҳайкалчаси ҳам калтамиорликларнинг эътиқодлари тўғрисида фикр юритишга имкон беради. Бу маконда яшовчи уруғдошлар жамоачилик қонун-қоидаларга амал қилиб бошқарилган.

Калтаминор маданиятига оид ёдгорликларнинг кенг територияда тарқалишига қарамасдан, уларнинг моддий ва маънавий ўхшашлиги, этник ва тил жиҳатдан қандайдир бирлик борлигидан дарак беради. Иккинчидан, бу ҳолат калтаминорликларнинг қўшни мамлакатлар билан яқин муносабатда бўлганлигини кўрсатади. Калтаминор маконларида учрайдиган чиғаноқларнинг айrim турлари бу муносабатларнинг бир учини Ҳинд океани қирғоқларига элтади.

Бинобарин, илк калтаминорликлар Ҳинди斯顿даги дравид ва мунда тилларидағи қабилалар билан яқиндан боғлиқ бўлган. Маълумки, бу фикр илгаридан ҳам адабиётда мавжуд. Аммо калтаминор маконларида то-пилган кўп нарсалар бу маданиятни жанубий Туркманистондаги (Жайтун) ва Яқин Шарқдаги, яъни Эрон ва Ироқдаги илк дәҳқончилик неолитик маконлари билан анча яқинлаштириб қўяди. Бу яқинлик мазкур маконларда топилган тош асбоб-ускуналарда, сопол идишларнинг шакллари ва уларга берилган нақшларда жуда ҳам аниқ сезилади.

Юқорида кўрсатилган иқтисодий ва маданий яқинликларни фақат оддий муносабат ёки бир маданиятнинг иккинчи маданиятга таъсири деб тушунтириш билан чекланиб қолиш мумкин эмас. Кейинги йилларда жанубий Туркманистонда ва Яқин Шарқда ўтказилган археологик текширишлар щуни кўрсатадики, сўнгги неолит даврига оид илк дәҳқончилик маданияти маҳаллий овчи ва термачи аҳолининг ўтроқ ҳолатга ва дәҳқончиликка ўтиши натижасида пайдо бўлган. Маълумки, бу даврда хўжаликда рўй бераётган ўзгаришлар туфайли кўп овчи қабилаларнинг шимолга кўчиш ҳаракатлари бўлиб ўтади. Демак, тўртинчи минг йилликнинг охирида Орол бўйларига янги этник гуруҳлар кўчиб борган деб фараз қилиш мумкин.

Сўнгги калтаминор маданиятининг Пастки Обь ва Кама дарёлари бўйларида, Уралда топилган неолитик маконлар билан жуда яқин муносабатда бўлганлигини кўрсатувчи далиллар кўп. Ҳатто, айrim олимларнинг таъкидлашича, калтаминорликлар Пастки Обь, Урал бўйларидағи неолит маданияти шаклланишида ҳам иштирок қилганлар. С. П. Толстов, кейинчалик атоқли археолог С. В. Кисилёв ва бошқа тадқиқотчилар Ўрта Осиё неолитининг жанубий Сибирда топилган машҳур Афанасьев маданиятига қисман таъсир қилганлигини

бир қанча марта таъкидлаганлар. Кўп далиллар калтаминор маданиятининг сўнгги, яъни энеолит (эрэмиздан аввалги III-II минг йилликлар) даврида гарбий Қозоғистон билан муносабати бошқа ерларга нисбатан анча яхшиланганини кўрсатади.

Хоразм ибтидоий тарихининг кейинги даврлари ҳам калтаминор маданиятининг бевосита давоми ҳисобланади. Бу маданият босқичидан иккинчисига ўтиш жараёни Хоразм иқлимининг ўзгариши билан белгиланади. Шамолнинг асосан шимолдан нам ҳавони олиб келиши туфайли илгариги қурғоқчилик бир оз камаяди.

Бу даврда хўжаликда бронза, яъни жез қўлланила бошланган. Лекин Ўрта Осиёда, шу жумладан Хоразмда дастлабки даврда мис унча қаттиқ ва мустаҳкам бўлмаганлиги туфайли тош қуролларнинг ўрнини босмаган. Бинобарин, мисдан фойдаланиш ишлаб чиқариш кучтарининг тараққий этишида катта ўрин эгаллаган. Шундай бўлса-да, хўжаликда миснинг қўлланилиши ибтидоий хоразмликларга метални ўзлаштириш ва унга зарур ишлов бериш йўлини очиб берган эди. Бронза ихтиро қилиниши бутун ўрта осиёликларнинг узоқ ўтмиши тарихида муҳим бир босқич бўлиб ибтидоий жамият хўжалиги, ижтимоий ва маданий ҳаётнинг ҳамма соҳаларини олға силжитишда катта аҳамиятга эга бўлди. Маълумки, бронза ишлов бериш ва ҳар хил асбоб-ускуна ҳамда қурол ясашга жуда қулай. У яна бошқа ажойиб хусусиятларга ҳам эга: мисга нисбатан анча паст температурада эрийди, қирралари ўткир ва чиройли чиқади. Шунинг учун бронза тошни турмушдан аста-секин чиқара бошлайди.

Бронза асри бошланиши билан ибтидоий кишиларнинг хўжалик фаолияти ва ижтимоий тузумида тубдан ўзгаришлар юз бериб, маданият нисбатан юқори пофонага кўтарилади. Бу жараён бутун инсониятга хосдир. Бронза даврида илгари хўжалик асосини ташкил қилган овчилик ва балиқчилик ўрнига анча самарали ҳисобланган чорвачилик биринчи ўринга кўтарилади. Дехқончилик аста- секин хўжаликнинг мустақил, муҳим тармоғига айлана бошлайди. Баъзи ҳудудларда, археологларнинг исботлашича, бу даврда омоч билан ишлов бериш пайдо бўлган. Дастлабки омочлар ёғочдан ясалганлиги туфайли бизларгача етиб келмаган.

Хўжаликнинг ривожланиши жамият тарихида энг

муҳим ҳодисалардан бири ҳисобланган биринчи йирик ижтимоий меҳнат тақсимотига олиб келади. Айрим вилюятларда табиий шароитга қараб чорвачилик хўжаликнинг энг асосий етакчи тармоғига айлана бошланган. Ба, аксинча, чорвачилик учун зарур кенг яйловларнинг етишмаслиги бошқа ҳудудларда дехқончиликни етакчи тармоққа айлантирган. Оқибатда икки йирик хўжалик соҳаси —дехқончилик ва чорвачилик ҳамда уларга хос маданият ташкил топади.

Мазкур жараёнда ўз навбатида яна бир муҳим ўзгариш рўй беради. Ижтимоий меҳнат тақсимоти натижасида аҳоли ўзини барча зарур буюмлар ва маҳсулот билан таъмин қила олмай қолади: кўчманчи чорвадорлар дехқон меҳнати яратган маҳсулотга мухтож бўлиб қолган ва, аксинча, чорвачилик маҳсулоти ўтроқ аҳоли учун зарур эди. Бу ҳолат бир томондан кўчманчилик чорва ёки комплекс хўжаликка эга қабилалар, иккичи томондан ўтроқ дехқон аҳолиси орасида айрибошлишнинг, яъни савдонинг пайдо бўлишига ва ривожланишига олиб келади.

Хўжаликнинг ривожланиши, овчиликдан ва уй ҳайвонларини урчишидан чорвачиликка, примитив дехқончиликдан омоч асосида такомиллашган дехқончиликка ўтиш ижтимоий тузумда ҳам зўр ўзгаришларга олиб келди. Илгари эркак овчилик билан, аёл дехқончилик ва таом тайёрлаш билан шуғулланган бўлса, эндиликда хўжаликнинг муҳим етакчи тармоғига айланган чорвачилик ёки дехқончилик эркакларнинг асосий машғулотига айланади, аёллар эса фақат уй-рўзғор ишлари билан шуғулдана бошлайди. Бу ҳолат аёл ва эркакларнинг ижтимоий турмушда тутган ўрнини белгилаб беради. Хўжаликнинг асосий тармоғи эркакнинг қўлига ўтганлиги туфайли тош даврига хос матриарҳал, яъни она уруғи ижтимоий муносабатлари емирилиб, ўрнига патриарҳал, яъни ота уруғи тузуми ҳукмронлик қила бошлайди. Оқибатда жамиятни бошқариш учун давлатчиликнинг ilk шаклари патриарҳал типидаги қишлоқ жамоаси юзага келади.

Хоразмнинг бронза маданиятини Жонбосқалъа ҳудудида ва Анкоқалъанинг шимоли-шарқида топилган маконлар, Бургутқалъа воҳасининг гарбий чеккасида Норинжон ҳамда Тешикқалъа ҳаробалари ўртасида топилган ибтидоий ёдгорликлар тасвиirlайди. Бу маконлар тақиrlар устида ёки емирилган тақири қатламлари ора-

сидадир. Хоразмдаги бу даврга мансуб бўлган биринчи ёдгорликлар қумлар орасида қадимий сугорилган ерларга қарашли кимсасиз Бургутқалъа воҳасида топилган. Узоқ ўтмишда бу воҳа орқали, Пахтаарна сугориш системасига кирувчи Тозабоғёп канали ўтган. Шунинг учун ҳам бу маданият Тозабоғёп номи билан юритилади.

Тозабоғёпликлар эрамиздан аввалги икки мингинчи йилда тақириларни ўзлаштириб, дехқончилик ва чорвачилик билан шуғулланганлар. Бу даврга оид мақонларнинг кўпгина қисми Амударёнинг қадимги ўзани Оқчадарё бўйларида топилган. Мазкур ёдгорликларнинг ичидаги энг муҳими Анко-5 номли макон бўлиб, унинг майдонида узун тор эшикли тўғри бурчак шаклдаги ярим ертўла диққатга сазовордир.

Тозабоғёп маданияти қолипда босилган ва ўйилма нақшлар берилган сопол идишларнинг бўлиши, ишлаб чиқариш техникасининг оддийлиги ва майда тошлардан қилинган (микролитоид) қуролларнинг камайиб кетиши билан характерланади.

Кўкчатоғ тизмаларининг жанубида топилган Кўкча-3 номли қабристон археологларнинг диққатини ўзига жалб қилган. Бу қабристон яқинида Тозабоғёп маданиятига оид қишлоқ ҳам бўлган. Қишлоқ атрофида қадимги вақтда сугорилган далалар бўлганлигини кўрсатувчи белгилар бўлиб, улар ўша ерда ҳам дехқончилик қилинганлигидан дарак беради. Қабристоннинг тақириламлари қазилганда юзга яқин гўр топилиб, унда дағн қилинган жасадларнинг бошлари фарбга қаратиб ётқизилганлиги аниқланган. Улар якка-якка ва жуфт-жуфт қилиб кўмилган. Жуфт кўмилганлар ичидаги бирга ётқизилган эркак ва хотинларнинг, айниқса, болалар жасадларининг бошлари фарбга қаратиб ётқизилганлиги аниқланган. Аммо жуфт кўмилганларнинг бирни аввал, иккинчиси кейин дағн қилинган. Текширилган қабрларда жуда кўп нақшли бутун сопол идишлар, бронзадан ясалган билагузуклар, бигизлар, ўқ ёй учлари ва попуклар топилган. Кўмилган жасадларнинг ётқизилиши ва қабрлардан топилган нарсалар тозабоғёпликларнинг диний эътиқодларини тушунишда қимматли маълумотлар беради.

Тозабоғёпликларнинг дағн қилиш маросимларини чуқур ўргангандаги С. П. Толстов ва М. А. Итина муҳим холосалар қилган эдилар. Уларнинг фикрича, бу давр-

да жамият ҳали патриархал тузумга тўлиқ ўтиб етишмаган. Эр ва хотин орасидаги қариндошлик муносабатлари анча мустаҳкам, уларнинг жамиятда тутган ўрни тенг бўлган. Жиддий тадқиқотлар шуни кўрсатадики, жуфт кўмилганлар ичida деярли ярмиси аввал хотин киши жасади, кейин эса эркак киши дафн қилинган. Маълумки, кейинроқ патриархал қулдорлик тузумида яшаган скиф қабилалари эри ўлгандан кейин унинг хотинини қатл қилиб бирга дафн қилганлар.

Гўрлардан қазиб олинган скелетларни текширишган антрополог Т. А. Трофимова Тозабоғёпликлар орасида шимоли-гарбий ҳудудлардан келган ҳинд европа ёки эроний қабилаларининг намояндалари билан бирга жанубликлар ҳам учраганлигини қайд қиласди. Бу алоқаларнинг манбалари, Кўкча-З даги скелетларнинг антропологик хусусиятларида ўз аксини топган бўлиб, бу скелетлар орасида Андронов маданиятлари, Грузия ва Мозандароннинг неолит даври аҳолисига жуда ўхшаб кетган типлар ҳам анча аралашганлиги кўринади: умуман олганда экватор ирқининг ҳиндурадвиод турлари доирасига киравчи бу тип Эрон, Ироқ ва Шимолий Ҳиндистоннинг бронза даври обидаларида учраб туради. Археологик материаллар ҳам бу фикрни тасдиқлади.

Мазкур яқинлик сиртидаги пушти ва жигар ранг ангоба ойнадек ялтиратилган сопол буюм парчаларида айниқса яққол кўзга ташланади. Бронза даври охирларига яқин Сирдарё дельтасида, Жангадарё ва Оқчадарё ҳавзасида истиқомат қилган турли этник-маданий элементлар бир-бири билан тўқнашган ва ўзаро чатишган. Мазкур этник гуруҳларнинг маданияти заминида бу райондаги сак(скиф) қабилаларнинг Кўкча денгиз маданияти деб аталган ниҳоятда ўзига хос маконлар вужудга келган. Бу маданият намояндалари бирмунча кейинги этник манбаларда Гекатей-Страбон «Ботқоқлик ва орол массагетлари» деб атаган апасиаклар ўрнини олади: апасиакларнинг, яъни «сув» ёки «дарё» сакларининг ўзлари эса македониялик Искандарнинг тарихчиси Арриандаги «скиф-абийлар» бўлса керак, деб фараз қилиш мумкин.

Тадқиқотлар шуни кўрсатадики, антик даврда Сирдарёning қадимги дельтасида жойлашган қабилалар ўша вактнинг ўзидаёқ комплекс хўжалик юргизганлар, ҳам чорвачилик (хусусан, қорамол боқиши) билан шуғул-

ланганлар, ҳам обикор деҳқончилик қилиб, тариқ, арпа экканлар. Жангадарёнинг ўрта оқимида апасиак қабилалари қадимги иттифоқ пойтахтининг улуғвор ҳаробалари жойлашган бўлиб, ҳозир улар мӯгуллар истилосидан кейинги ўрта асрларга оид ном билан Чирикработ ёки Чириккалья деб аталган. Сўнгти йилларда мазкур қалъа апасиак ёдгорликларидан Бобиш-мулла ва Баландида ўтқазилган тадқиқотлар натижасида Хоразм воҳасини ўраб олган скиф қабилаларининг турмушини ўрганишда муҳим материаллар қўлга киритилган. Бу тўғрида кейинроқ батафсил гапирамиз.

Қадимги сугорилган жойларда Жонбосқалъа районида Тозабогё маданиятига яқин Суёргон номли деҳқончилик маданияти пайдо бўлади. Суёргонликлар ёғоч устунларга ўрнатилган енгил шийпон билан ёпилган тўғри бурчакли кулбаларда истиқомат қилганлар. Ундаги ўчоқларнинг камлиги эса аввало бу даврда илгариги катта она уруғидаги оиласлар ўрнига кичик ёки айрим ота уруғидаги оиласлар келганлигини кўрсатиб ибтидоий Хоразмнинг жамоа тузумида катта ўзгаришлар рўй берганлигидан дарак беради. Айрим тадқиқотчиларнинг айтишича, бу ҳол ярим интенсив деҳқончилик билан бирга пода ҳайдаб чорвачилик қилиш шароитида юз берган янги хўжалик ўзгаришлари туфайли содир бўлган. Шу маданиятга оид маконларнинг бирида ўтқазилган текширишлар илк деҳқончилик ва чорвачиликка ўтган ибтидоий хоразмликлар гоҳ у ерда, гоҳ бу ерда бўлиб тургани учун тез-тез бир жойдан иккинчи жойга кўчиб юрганини кўрсатади. Бинобарин, бу ерда ибтидоий деҳқончиликнинг Шарқий Фарғона ва Жанубий Туркманистандагидек доимий ўтроқ қишлоқлари учрамайди.

Ибтидоий сугориш деҳқончилиги билан бир қаторда қадимги хоразмликлар кайрларда, яъни дарё тармоқлари ва сунъий каналларнинг этаклари бўйлаб жойлашган, ер ости суви юқорида бўлган ерларда деҳқончилик қилганлар. Кайрларда қадимдан полиз экинлари экилиб юқори хосил олинган. Бундай ерларда экилган Хоразм қовунлари кўп асрлардан бери дунёга машхур. Тарихий манбаларда бу қовунларни зардан ишланган маҳсус тўрларга солиб узоқ Бағдодга, араб ҳалифаларига олиб борилганлигининг хабар қилиниши бежиз эмас.

Я. F. Гуломовнинг айтишича, эрамиздан олдинги

иккинчи минг йилликда Хоразмнинг бронза даври маданияти, афтидан, Копетдог этакларида топилиб текширилган илк дәхқончилик маданияти билан Шарқий Европадаги дашт бронза маданиятини бир-бирига бөгловчи ҳалқа бўлиб хизмат қиласди. Бошқа бир қанча олимларнинг (С. П. Толстов, А. Н. Бернштам ва А. В. Збруева) таъкидлашига қараганда Хоразм бронзаси Тянь-Шань этакларидан Кама дарёси бўйлаб то Дон дарёсигача чўзилган кенг территорияда топилган дәхқончилик ва чорвачиликка кўчган бепоён дашт (срубандронов) маданияти билан жуда яқин бўлган.

Эрамиздан аввалги XI-X асрларга мансуб ҳисобланадиган кечки Суёргон маданиятининг ўзига хос хусусияти шундаки, у Суёргон ва Тозабоғёт анъаналарининг чатишмасига Қорасун маданиятининг бальзи элементлари аралашувидан вужудга келган. Мальумки, Қорасун маданиятининг маркази Минусин ўлкаси ва Олтойда бўлиб, унинг Хитой шимолий чеккасининг бронза давридаги маданияти билан яқин алоқада эканлигини археолог С. В. Киселев исботлаб берган.

Шу тариқа бронза даврида, С. П. Толстов тасдиқлашича, Амударёнинг ҳозирги ўзани шаклланиш арафасида Хоразмда — Ўрта Осиё «Улуг кўллари»нинг аҳолиси фоят зич жойлашган ва сув чиқарилган бу музофотида, Авестодаги «Вурукаша денгиз» музофотида шимолий, жанубий ва шарқий этник-маданий элементларнинг чатишиши жараёни боради. Шу асосда ўзига хос маҳаллий тилда сўзлашган қадимги Хоразм элати — Амударё дельтасидаги буюк ирригация системасининг ижодкори бўлган ҳалқ мазкур этник элементлар негизида вужудга келган.

Эрамиздан аввалги XIII—VIII асрлардаги ибтидоий сугоришнинг сўнгти йилларида топилган жуда кўп ва ҳар хил ёдгорликлари, Хоразмда ирригация ривожланишини дельтанинг куриб бораётган ён ирмогига дамба солишга асосланган квадрат шаклидаги кичик экинзорларнинг оддий «Ҳавзалари системаси»дан бошланиб, сўнгра кечки Суёргон даврига келиб уларнинг ўрнини дамба солиши йўли билан чиқарилган тақсимловчи тор каналининг суви билан сугорилган далалар олганлигидан дарак беради. Кейинги маданият даврининг бошларида дамба солинган ўзандан бир қанча параллель каналлар чиқарилган. Албатта мазкур мураккаб хўжаликка асослан-

ган жамиятни бошқаришда ҳам анча такомиллашган давлатчилик тузуми мавжуд бўлган.

Сүёргон маданиятининг ўрнига эрамизгача бўлган биринчи минг йилликнинг бошларида, яъни илк темир даврида янги, Амиробод маданияти вужудга келади. Кўлда ясалиб, қора ва тўқ қул рангга бўялган ҳамда оғзи тўғри ва паст қилиб ишланган сопол идишлар ана шу маданият учун характерлидир.

Амирободликлар ўз аждодлариdek ёғоч устунлар қўйиб қилинган тухум шаклидаги чайлаларда эмас, балки лойдан анча мустаҳкам қилиб ишланган узун уйларда яшаганлар. Бундай уйларнинг узунлиги 70 метргача бўлиб, иккита параллель даҳлизга ўхшаган ва бир-бирига параллель бўлган иккита ҳужрадан ташкил топган. Афтидан бу даврда амирободликларнинг ижтимоий-иктисодий турмушида ва уларнинг ибтидоий жамоа тузумида ўзгаришлар рўй берган бўлса керак. Кўп далиллар бу маданият ваарварлик даврининг юқори босқичида бўлганлигини кўрсатади. Аммо айрим тадқиқотчиларнинг фикрича, амирободликларнинг цивилизацияга ўтишига озроқ вақт қолган бўлиб, улар бу муҳим босқичга эрамиздан аввалги VIII—VII асрларга келиб ўта бошлайдилар. Натижада Хоразм тарихида янги эра бошланади. Мазкур ўзгаришнинг энг муҳим томони жамиятнинг аста-секин табақаланиши натижасида уни бошқариш қуроли сифатида давлатчилик ришталари теран илдиз отиб ёзма қонун-қоидалар, муайян мафкура ва қуролли кучларга эга илк давлатлар пайдо бўлишига замин яратилади.

Шуни алоҳида қайд қилиш лозимки, Хоразм қадимги Шарқ цивилизациясининг шимол томонга, даставвал скиф-сарматларнинг, сўнгра эса туркларнинг дашт қабилалари оламига қараб жуда ичкари кириб борган таянч нуқтаси бўлган. С. П. Толстовнинг таърифика, Ўрта Осиёдаги бошқа цивилизация марказларининг ва улар билан чегарадош музофотларнинг тарихини дашт қабилалари тарихидан ажralган ҳолда тасаввур этиш асло мумкин эмас; бу гап айниқса Хоразмга тааллукли эканини алоҳида таъкидламоқ зарур. Текширишлар шуни кўрсатдики, дастлаб Хоразмнинг шимоли шарқ томонида, Амударёнинг энг қадимги шарқий ўзанлари атрофида ва айниқса Сирдарё қадимги ҳавзасининг қуриб қолган тармоқлари бўйлаб жойлашган жуда кўп тарихий обидалар мавжуд бўлган.

Эрамиздан аввалги II ва I минг йилликлар оралигидан мазкур ҳудудда дашт бронзаси маданиятининг нафояндаси бўлган қабилалар анча зич ўрнашганлар. Бу ерда Хоразмнинг бронза даври учун характерли Тозабоғёп маданиятининг бир қанча йирик маконлари топилган. Айниқса Сирдарё ҳавзасида, Жангадарё ва Оқчадарё бўйларида истиқомат қилган қабилаларнинг маданияти заминида пайдо бўлган сак қабилаларнинг Кўкчатенгиз номи билан машхур ўзига хос маданияти диққатга сазовордир. Кейинги антик манбаларда Гекатей-Страбон «Ботқоқлик ва орол массагетлари» деб аталган юқорида тилга олинган апасиаклар ўрнида пайдо бўлган. Мазкур қабилалар ўша вақтда комплекс хўжалик юритганлар, ҳам чорвачилик (асосан қорамол боқиши) билан шуғулланганлар, ҳам обикор дехқончилик қилиб, тариқ ва арпа экканлар.

Юқорида тилга олинган обидалардан Жангадарёнинг ўрта оқимида апасиак қабилалари пойтахтининг улугвор ҳаробалари жойлашган бўлиб, улар мўғуллар истилосидан кейинги давларга оид ном билан ҳозиргacha Чирикработ ёки Чириккалья деб аталади. Бу атама асли «қўшин работи» ёки «қўшин жойлашган қалъя» деган маънени англаради. Чирикработ қалъя ҳаробалари тухум шаклидаги 850—600 метрли улкан истеҳком бўлиб, атрофи қўшдевор ҳалқаси ва чуқур қазилган хандак билан ўралган. Деворлар теварак-атроф сатхидан 15 метр кўтарилиган тепаликдан иборат бўлиб, унинг ясси юзасида апасиакларнинг қабила бошлиқлари ёки подшоларининг чиройли қилиб ишланган бир тўп гўртепалар ва уларнинг асосий қисми атрофида икки қадимий қаср қад кўтаради.

Мазкур қабилалар маданиятининг энг муҳим томони шаҳар архитектураси яратишда зўр санъатга эга бўлганлигида. Бу ерда кашф этилган кўхна ҳаробалар ичида апасиакларнинг истеҳкомлари ва шаҳар қурилиш анъаналарининг ўзига хослиги диққатга сазовор. Айниқса йирик шаҳарлар планировкасида маҳаллий усталарнинг қадимги Хоразм маданиятининг ижодкорлари билан узвий боғлиқлиги аниқ сезилади. Хоразмнинг эрамиздан аввалги VII—V асрларда яратилган архаик шаҳар истеҳкомларини қуришдаги Чирикработ сингари йирик обидалар планировкасида қадимий хоразмликлар билан теварак-атрофдаги дашт қабилалари ўртасида насл-насаб жиҳатидан муштараклик

борлиги ниҳоятда муҳим аҳамиятга эга. Чунки айрим тадқиқотчилар ҳозиргача археологик қашфиётларга зид ҳолда дашт қабилалари билан ўтрок аҳоли орасидаги муносабатларни мутлақо қарама-қарши маданиятлар деб таърифлаб, улар гўёки доимо тўқнашиб келгандар.

Асли Хоразмни классик антик Шарқ шаҳар маданияти яратишда намуна деса бўлади. Бу ерда эрамиздан аввалги I-минг йилликда пайдо бўлган шаҳар қурилиш санъати шундай юқори даражада бўлганки, унинг анъаналари кенг ҳудудда истиқомат қилувчи дашт қабилаларнинг турмуш тарзини ўзгаришга ва ўтрок маданият яратишга зўр таъсир ўтказганлигини археологлар исботлаб берган. Масалан, жуда кўп апасиак қабилаларининг шаҳар қурилишида нафақат бинокорлик конструкциясида, қурилиш услуби ва материалларида ҳам антик хоразм анъаналарининг сақланганлиги аниқланган. Апасиакларнинг барча қалъаларининг деворлари архаик хоразмнинг типик бўлган тўғри тўртбурчак шаклида стандарт фиштлардан урилганлиги мазкур фикрни тасдиқлайди. Бундай хоразм ҳом фиштларига хос катталиқ ва мутаносиблиқдан ташқари, Чирикработ деворлари мисолида классик Хоразм учун хос бўлган қурилиш планировкаси ва конструкцияси батамом қайтарилганлигини кўрамиз. Ўрни келгандан шуни ҳам айтиш керакки, ҳудди шу археологик услубда биз кўҳна Хива шаҳрининг 2500 йиллигини аниқлашда фойдаланган эдик.

Яна апасиак маданиятига қайтайлик. Чирикработ каби обидаларнинг деворлари классик Хоразмга хос қалинликда, ташқарига қаратилган шинакларнинг ўқсимон шаклида бўлиб, девор бўйлаб бир-биридан 25 метр оралиғида жойлашган тўғри тўртбурчакка ўхшаш шинакли буржлардан қурилган. Бундай ажойиб истеҳком иншоотнинг машҳур Жонбосқалъя шаҳар қурилишига ўхшаб кетганлиги, бу яқинлик ундаги на бурчакларда, на деворлар ёқалаб буржларнинг йўқлигига ҳамда шинакларнинг икки қаватли бўлиб шахматсимон жойлашганлигига намоён бўлади.

Чирикработ, Бобишмулла каби обидалардаги қадимий гўрларни қазиашда топилган буюмлар энг ноёб ва қадимий ҳисобланади. Эски подшо гўрларида сопол идиш парчаларидан ташқари, скиф-сакларга мансуб камонларнинг бронздан ясалган учлари, пичоқ ёки хан-

жар сопининг тилла қопламаси ва энг муҳими — ясси сопли узун қиличнинг чириган қисмлари, ҳар хил тилла ва кумуш безаклар, маржонлар, афтидан тобутнинг ёғоч парчалари, кўплаб суюклар топилган. Бу ердаги энг муҳим кашфиётлардан бири темирдан ясалган ҳарбий анжомнинг топилиши. Мазкур анжомнинг сақланган қисмлари апасиак аскари яроғ-аслаҳаларининг қарийб бутунлай тиклаш имконини берди. Қайта тикланган совут балиқ тангасисимон ва пластинкасимон темир парчалардан ташкил топган бўлиб, аскарнинг бутун танасини қоплаган ва вазмин бўлишига қарамай, жангда бемалол манёвр қилиш имконини берган; душман қурол совутнинг ҳар бир нуқтасида қатлам-бақатлам туриб совутни ташкил этган икки-уч танга ва пластинкага дуч келган.

С. П. Толстовнинг таърифича, мазкур совутли аскар тарихчи Арриан тасвирилаган Македониялик Искандарнинг Яксарт соҳилида скифларга қарши олиб борган жангда иштирок қилиб ҳалок бўлган. Шуниси қизиқки, бундай совутли отдаги скиф-сармат аскарларнинг тасвири нафақат антик муаллифларнинг асарларида, қадимий Ассирия ва Мидия ҳам Эрон обидаларида ясалган расмларда ҳам учрайди. Унинг фараз қилишича, Хоразмнинг антик давр охиридаги ва илк ўрта асрдаги яроғ-аслаҳалари, исломдан аввалги сўғднинг яроғ-аслаҳалари сингари, апасиакларнинг қурол аслаҳалари билан шубҳасиз, узвий боғлиқ бўлган. Бу ернинг аҳолиси бирқанча оралиқ воситалар орқали Европада ўрта асрларда мавжуд бўлган қуролланиш типи-рицарларнинг пайдо бўлишида муҳим ўрин тутгандир. Балки француздар эпосида тилга олинган оссианалик ҳеч нарсадан қўрқмайдиган мард ўғлонларининг образлари апасиакларнинг жасур аждодлари бўлса.

Қазишмаларда топилган буюм ва безаклар кўп учрайдиган афсонавий тасвиirlар, айрим худоларнинг образини ифодаловчи ҳайкал ва расмлар узоқ ўтмишдаги аждодларимизнинг диний эътиқодлари, урф-одатлари ва дунёқараашлари тўғрисида мулоҳаза қилишга имкон беради. Ҳар хил идишлар, ханжар ва пичноқ дасталари, билакузук ва сиргалар, тўғнағич ва тўқаларга ясалган эчки ва қўйлар, қанотли қўчкорсисимон ёки отсимон маҳлуқлар, ярим илон ёки шер шаклидаги афсонавий образлар, тамға ва муҳрлардаги ҳар хил қуш ва ҳайвон-

ларнинг тасвири оддий санъат намунаси бўлибина қолмай, балки илк дин шакллари, чунончи тотемизм билан боғлиқ тасаввурлар маҳсулидир. Асосан дәхқончилик билан шуғулланувчи ўрта осиёликлар эрамиздан олдинги III—II минг йилликларда яратган хилма-хил ҳайвон ва қушларнинг образлари (қадимги Месопотамия, Эlam ва Эрондаги сингари), албаттa муайян зооморф, яъни ҳайвонсимон тасвиirlар мавзуига боғлиқ дунёқарашнинг аксидир.

Тарихий маълумотларга қараганда Евроосиё даштларида яшовчи аҳолисининг хўжалик, ҳарбий ва маданий ҳаётида эрамиздан аввалги II минг йиллик ўргатларига келиб жиддий ўзгаришлар рўй беради. Табиат ўзгариши (ҳавонинг совуши) ва бошқа баъзи бир сабабларга кўра ўша даврда сон-саноқсиз дашт қабилалари ҳаракатга келган. Юқорида қайд қилинган «арийлар» номи билан маълум ҳинд-эрон жамоаси иккига бўлинib, катта бир қисми Кавказ тоғлари устидан Олд Осиёга кўчиб ўтади. Бу ерда улар маҳаллий элатларга отни парвариш этиш ва аравада жанг қилиш тактикасини ўргатиб ўзлари туб аҳоли билан араласиб, тарих саҳнасидан йўқолиб кетганлар. Уларнинг Ўрта Осиёning шимолида яшаган иккинчи қисми эрамиздан аввалги II минг йилликнинг иккинчи яrimida жанубдаги тоғ довонларидан аста-секин ошиб, шимоли-гарбий Ҳиндистон, Гўмал, Сват ва Гандҳарага кўчиб жойлашганлар. Бу «буюк кўчиш» натижасида мазкур қадимий этник гуруҳлар босиб ўтган йўлда ҳозиргача қадимий скиф қабристонлари, отлар дафн қилинган мозорлар, аравалар сурати солинган қоялар учрайди.

Хозиргача Шимолий Ҳиндистон аҳолиси орасида Европадаги илк ватан тўғрисида афсона ва ривоятлар сақланиб келади. Эрамиздан аввалги II ва I минг йилликлар ўртасида пайдо бўлган зардуштийлик динининг муқаддас китоби Авестода ҳам ҳинд-эрон қабилаларининг илк ватанида жанубга бир неча марта кетма-кет тўлқин бўлиб кўчганлиги ҳикоя қилинади. Унда тилга олинган ўлкалар қатори Хоразм ҳам борлиги диққатга сазовор.

# АНТИК МАДАНИЯТ, ШАҲАР ВА ҚАЛЪАЛАР ЯРАТГАН ДАВЛАТ

Дунё бинокори тузар қаср-айвон,  
Тузиб бўлади-ю, қилади вайрон.  
Фалакка етказиб бугун тоқуни  
Эртага этади ер билан яксон.

*Паҳлавон Маҳмуд*

Жаҳондаги барча илк цивилизацияларнинг пайдо бўлиши даставвал шаҳарларнинг шаклланиш жараёни ва ёзувнинг кашф этилиши билан бевосита боғлиқ. Ибтидоий жамоа тузумининг емирилиши ва унинг харобаларида куртак отиб келаётган давлатчилик ришталари ҳам асли мазкур омиллар билан белгиланади. Иккинчи томондан, ҳар бир давлатчилик ҳам ўз навбатида ўз хукмронлигини мустаҳкамлаш мақсадида табиийки муайян мафкурага эга бўлишга, гоявий воситага муҳтожлик сезади. Бундай маънавий жиҳатдан энг қулай ва кенг омманинг онги ва дунёқарашини шакллантирувчи дастлабки омиллар ибтидоий жамиятда пайдо бўла бошлаган диний тасаввурлардан иборат эди. Юқорида қайд қилганимиздек, бу даврга келиб астасекин жамиятнинг табақаланиши билан файритабиий кучлар ҳам табақаланиб ҳомий руҳлар ва авлиёлар, муқаддас маъбудалар образи шакллана бошлайди.

Дастлабки пайдо бўлган политеистик, яъни кўпхудолик тасаввурлар ўрнига Шарқ подшоларининг мустабид ҳокимлиги мустаҳкамланиб борган сайин монотеистик тасаввурлар юзага кела бошлайди. Энг муҳими мазкур мафкуравий жараён ёзувлар пайдо бўлиши билан одат тусидаги қоидалар қонун даражасига кўтарилиб янги тузумга хизмат қиладиган қудратли қуролга айланади. Бунга, Хоразм билан қўшни қадимий Шарқ давлатлари — Эрам, Эрон, Хитой, Ҳиндистонда хукмрон диний ақидалар асосида яратилган қонун-қоидаларни мисол келтириш мумкин. Агар аҳамонийлар даврида Хоразм давлати Эроннинг вассали (сатрапи) ҳисобланниб ўзига хос қонунчиликни яратибина қолмай, қўшнилар амал қилинаётган қоидалар тизимига ҳам амал қилганлигига шубҳа йўқ. Мазкур фикрни нафақат ёзма манбаълар, археологик кашфиётлар ҳам тасдиқлайди. Бу ерда эрамиздан аввалги II-I минг йилликлар оралигига келган шаҳар маданияти ва Олд Осиёга

кенг тарқалган арамей ёзуви ушбу фикримизни қўллаб-кувватлайдиган муҳим далиллар деса бўлади.

Аммо шаҳарлар пайдо бўлиши учун инсон ҳаётини таъминлайдиган қишлоқ ва чорва маҳсулотлари етка-зид берадиган маданият шаклланиб, нафақат мамлакатда, балки бутун Олд ва Ўрта Осиёда меҳнат тақсимоти зарур бўлған. Бундай тақсимот асли юқорида қайд қилинган калтаминар, тозабоғёп ва жайтун маданиятлари даврида юзага келган илк деҳқончилик ва чорвачилик даври, яъни IV—III минг йиллардан бошланганлигини унутмаслигимиз керак. Худди шундай жараён ўша энеолит даврида Месопотамия (кеийинчалик Ассирия), Эрам ва Эрон давлатларида бўлганлигини ва бу мамлакатларнинг кейинги иқтисодий ва маданий равнақи халқаро савдо алоқалари билан бевосита боғлиқ эканлигини археологик маълумотлардан биламиз.

Демак, қадимий шаҳарларнинг қаср ва қалъаларнинг пайдо бўлиши даставал минтақада, балки бутун Олд ва Ўрта Осиёда ижтимоий меҳнат тақсимоти туфайли илк деҳқончилик, чорвачилик ва ҳунармандчилик хўжаликларнинг юзага келиши билан антик давлатларнинг ички ва ташқи ўзаро савдо-сотиқ муносабатларининг ўрнатилиши учун ҳал қилувчи омил бўлған. Бундай муҳим тарихий ҳодиса археологик топилмалар билан тасдиқланади. Мазкур жараён жез ва темирнинг кашф этилиши билан яна ҳам равнақ топади. Асли Буюк Ипак йўлининг бошланиш ришталари ҳам мазкур жараён билан боғлиқ деса хато бўлмайди.

Тадқиқотчилар аниқлашиб, масалан, Месопатамия ўша даврларда, яъни III мингинчи йилларда бирнече савдо йўлларига эга бўлған: жанубий денгизга Тигр ва Евфрат дарёлари орқали Форс бўғозига чиқадиган йўл мис конларига ва қиммат баҳо ёғоч маҳсулотларига олиб борган; шарқий қуруқчилик билан ўтадиган йўл Эрон тоф конларига, Афғонистоннинг симоб ва лазурит чиқадиган ҳудудига, ундан Ўрта Осиё ва Ҳиндистонгача етиб борган; вақти-вақти билан мазкур савдо алоқалари хавф-хатарга қараб ўзгариб турган. Бундан ташқари Шимолий ва фарбий савдо йўллари мавжуд бўлиб, улар шимолда Таврия ва Кичик Осиё мис ва кумуш конларигача; фарбда юқори Евфрат ва Тигр воийиси орқали Сирия ва Финикия денгиз портларига чиқиб кемаларда ҳатто Кипр ороли ва Кора денгиз

соҳилларигача етиб боргандар. Қадим Ассирия, Бобил орқали мазкур маршрутларда Ўрта Осиё карvonлари антик даврларда ёқ ўтганлигини фараз қилиш қийин эмас. Бунга далил сифатида шарқ ўлкаларидаги бино-корлик қурилиш анъаналари айрим усусларининг, отлик қуролланиши ва рицарлик аслаҳаларниң, баъзи санъат намуналари ва хунармандчилик маҳсулотларининг, айниқса, илк давлатлар чиқарган тангаларниң фарбда пайдо бўлиши ушбу фикримизни тасдиқлаши мумкин. С. П. Толстовниң таърифича, Хоразмда биринчи пайдо бўлган гумбаз шаклида қурилиш услуби, скиф-сарматларниң рицарлик қурол-аслаҳалар ва отлик аскарларниң ҳарбий тактикаси, аравали қўшин балки Олд Осиё савдо йўллари орқали фарбга Ўрта Осиёдан етиб боргандир.

Шубҳасиз мазкур иқтисодий-маданий ўзаро таъсирлар давлатчилик масалаларида, бошқарув усуслари ва қонун-қоидачиликда ҳам ўзлаштиришлар мавжуд бўлган. Афсуски Ўрта Осиёда, жумладан Хоразмда, қадимги давлатлар пайдо бўлганлиги тўғрисида бевосита ёзма манбаълар ва бошқа ҳужжатларниң ниҳоятда кам бўлганлиги туфайли уларниң қонунчилигини ҳам қўшни мамлакатлардаги тизим орқали тиклаш мумкин. Албатта яхши қуролланган аскарнинг мавжудлиги ҳам қудратли давлат мавжудлигидан дарак беради.

Эрамиздан аввалги I минг йиллик ўрталарига оид апасиаклар дафн иншоотларидан топилган темирдан ясалган ҳарбий анжом аскар танасини қоплаган ва вазмин бўлишига қарамай, жангда бемалол манёвр қилиш имконини берган. Эҳтимол Аҳамонийлар ва Македониялик Искандарниң Ўрта Осиёга келган даврдаги мазкур анжомли аскар Дорий солномаларида ва тошга ўйилган расмларда, Искандарниң тарихчиси Ариан асарларида тасвирланган Хоразм қўшинларидан биридир. Ариан Искандарниң Яксарт соҳилида скифларга қарши олиб борган жангини тасвирлар экан, ана шу аскарнинг замондоши, балки қабиладоши ёки унинг ўзи тўғрисида ҳикоя қилгандир. Бунда у македонияликларниң ўқ отадиган машинасидан отилган найза скиф отли аскарнинг совутини тешиб ўтиб, уни отдан қулатганлигини алоҳида таъкидлайдики, афтидан бу эпизод юнонларни ҳайратда қолдирган бўлса ажаб эмас.

Яна шуниси қизиқки, Шимолий қораденгиз соҳилларидаги дафн иншоотларida топилган отлик аскар тел-

мир анжомларининг деталлари ҳамда Ўрта Осиё жануби ва Шимолий Ҳиндистондан топилган тангалардан, қудратли давлат Кушон императорлари тасвиirlанган тангалардаги чирикработ анжомли аскарларга ўхшаш тасвиirlар кейинги вақтларга оид бўлса-да диққатга сазовор. Бундай ҳарбий чавандозлар тасвиirlарининг Пантикапея ва Дура-Европосда шу даврда ва бир оз кейинроқ пайдо бўлиши ҳам тасодифий эмас. Балки сакпарфия отлиқ анжомли аскарларнинг ёппасига пайдо бўлиши ва Қарри яқинидаги жангда улар қўллаган тактика Красснинг мағлубиятга учрашига ва ҳалок бўлишига сабаб бўлгандир. Римликлар Осиё ичкарисидан гарбий санъатнинг бундай шакллари чиқишини мутлақо кутмаган ва улар Искандарнинг Яксарт бўйидаги мағлубият сабоқларини бу вақтга келиб тамомила унтиб қўйган эдилар. С. П. Толстов ўзининг «Древний Хорезм» номли ажойиб асарида «Кангюй отлиқлари» деган бобида отлиқ аскар қурол-яроғлари ва тактикаси Хоразм воҳаси аҳолиси билан сак-массагетлар алоқа қилган бир жойдан чиққан бўлиши мумкин, деган фарзни айтган эди. Кейинчалик у Хоразмнинг антик давр охиридаги (Тупроққалъя) ва илк ўрта асрдаги яроғ-аслаҳалари, қадимий сўғднинг ҳарбий анжомлари сингари, апасиак отлиқ аскарлари яроғ-аслаҳалари билан узвий боғлиқлигини исботлаб берган. Шу асосда олимнинг фикрича, хоразмликлар давлати қўшинлари бир қанча оралиқ воситалар орқали Европада ўрта асрларда мавжуд бўлган қуролланиш типи ва тактикаси рицарликнинг пайдо бўлишида намуна бўлмаганикан?!.

Мазкур воқеаларнинг хаққонийлигини ва хронологик жиҳатдан ўша даврга тўғри келганлигини Беруний асарларидан ҳам аниқлаш мумкин. Энг муҳими Хоразмда илк давлатнинг пайдо бўлишини буюк аллома аниқ рақамлар билан кўрсатиб беришга интилади. Унинг тарьифича, маҳаллий тарихий анъана Хоразм давлати тарихини ташқи схемасинигина беради, чунки хоразмликларнинг ўзлари бу анъанани илк ўрта асрда деб тасаввур қилганлар.

Хоразмликлар, деб ёзади Беруний, йил ҳисобини ўз мамлакатларида аҳоли жойлашган вақтдан Искандардан аввалги 980 йилдан, яъни селевкийлар эрасидан олдин (Селевк эраси Бобилни Селевк босиб олган вақтдан — эски ҳисоб билан 312 йил), яъни эрамиздан

аввалги 1292 йилдан бошлайди. Шундан кейин улар эрамиздан аввалги 1200 йиллардан бошлаб муқаддас Авесто ва қадимги Ўрта Осиё — Эрон достонларидағи «туркий салтанат»ни бўйсундирган афсонавий қаҳрамон Сиёвуш Ибн Кайковуснинг Хоразмга келган ҳамда унинг ўғли Кайхисрав гўёки хоразмшоҳлар сулоласига асос солган. Демак, Берунийнинг сўзларига қараганда, X асргача ҳукмронлик қилган буюк хоразмшоҳлар сулоласининг пайдо бўлиши эрамиздан аввалги XIII аср охирларига тўғри келади. Унинг таърифича, форслардан қабул қилган йил ҳисоби «уларнинг (хоразмликларнинг) мамлакатини идора этган ва шоҳ унвонига эга бўлган Кайхисравлар сулоласидан чиққан ҳукмронлик қилган йилларга қараб» юритилган. Бу сулолага мансуб подшоҳлардан Африф ҳукмронлигига қадар шундай бўлиб келган.

Янги сулолага номи билан асос солган шоҳ Африф Эрон подшоси Яздигирд I сингари баджаҳл деб шухрат қозонган. Ривоятларга кўра, Хоразмда илк шаҳарлардан ал Фир қалъаси ортидаги улкан қасрни «Искандардан кейинги 616 йили» (эрамизнинг 305 йили) Африф қурдирган эмиш; бу қасрни селевкийлар эрасининг 1305 йилида (эрамизнинг 997 йили) дайди Амударё ювиб кетган. Хоразмийлик сиёвушийларнинг Африф бошлаб берган қуии авлоди Хоразмда 995 йилга қадар ҳукмронлик қилган. Африф қурдирган мингийиллик қасрнинг бузилиб кетиши билан афригийлар сулоласининг қулашиб символик тарзда бир вақтга тўғри қелиши қизиқарли ҳодиса. Беруний мазкур сулолага мансуб 22 шоҳни санаб ўтади ва 305 йилдан 995 йилгacha ҳукмронлик қилган бу подшоҳлардан баъзиларининг ҳукмронлик қилгани тўғрисида маълумотлар ҳам келтиради.

Шуниси қизиқки, Беруний хронологиясига биноан илк хоразм подшоҳлари сулоласи бошланиши, яъни сиёвушийлар подшолиги давридан то афригийлар сулоласи ҳукмронлиги бошланиш асрларигача бутун Хоразмда кенг ҳудудда йирик шаҳар-қалъалар ва қасрлар қуриш, катта-кичик каналлар қазиб кенг майдонларни ўзлаштириш даврига тўғри келади. Бунга машҳур Хоразм археология-этнография комплекс экспедициясининг ярим асрдан кўпроғ олиб борган самарали фаолияти туфайли қилинган қимматли кашфиётлар далил сифатида мазкур фикрни тасдиқлайди.

Келинг энди Сиёвшулар даврида бунёд этилган жа-

сур тадқиқотчиларимиз қазиб текширган қадимий антик даври обидаларга мурожаат қиласылар. Археологларнинг кўп йиллик изланишлари ва кенг ҳудудда ўнлаб қазиб текширган қўхна харобалар эрамиздан аввалги VII—VI асрларда Хоразмда ишлаб чиқариш кучларининг ривожланиши натижасида илгариги ибтидоий жамоа тузуми ўрнига, Шарқ мамлакатларидаги классик антик давлатлари сингари, аммо ўзига хос қудратли патриархал типидаги давлат пайдо бўлади. Янги тузум тахминан минг ярим йиллар ҳукмронлик қилиб келган.

Хоразм воҳасида ўтказилган тадқиқотлар ва мавжуд ёзма манбаларга қараганда бу ҳудудда шаҳар деб ном олган 64 та археологик обидалар аниқланган. Шулардан 32 таси тўғрисида тарихий маълумотлар сақланган, 20 тасида эса муайян қазишма ишлари олиб борилган ва улар тўғрисида ўрта аср муаллифлари асарларида ҳам қисқача маълумотлар топиш мумкин.

Амударёнинг чап қирғоғида — Туркманистондаги Тошқовуз вилоятининг қадимги суфорилган ерларидаги юқорида тилга олинган кўхна Чарманёп канали ҳудудидан Хоразмнинг илк қулдорлик даврига оид ёдгорликлар топилган. Мавжуд қадимий истеҳкомлар теварак-атрофи узун кетган халқоб сувли ботқоқликлардан иборат табиий баландликларга курилган. Бу антик шаҳар харобалари тарихда Қалъалиқир ва Кўзалиқир номи билан машҳур.

Кўзалиқир ўзи ишғол қилган табиий баландлигининг шаклига мувоффиқ сатҳи 1000x400 метр келадиган учбурчақдан иборатdir. Текшираётган қўхна харобалардан энг қадимиysi ҳисобланган бу ёдгорлиқда икки қурилиш қатламишининг топилиши мухим аҳамиятга эга бўлди. Куйи қатламишининг (янги эрадан аввалги VII—V асрлар) қурилиш техникаси классик Хоразмнинг қурилиш техникасидан кескин суратда ажralиб турувчи бир талай хусусиятларга эга. Чунончи, хом фишт стандарти бу ерда тамомила бошқача, классик давр учун характерли бўлган ўчоқ ўрнида икки хонали ўчоқ-печни кўрамиз; ясси бостирмалар кўп бўлиб, гумбазлар учрамайди. Агар бунга керамиканинг архаик характерга эга эканини ҳамда сопқонда отиладиган тошлилар мутлақо бўлмагани ҳолда, скифларнинг бронздан ясалган камон ўқларининг ниҳоятда кўплигини, шунингдек, чорва состави ҳам бошқача эканини (эрамиз-

дан аввалги IV асрдан бошлаб Хоразмнинг чорвачилик хўжалигида қўй ва эчкилар етакчи ролни ўйнаган бўлса, бу даврда қорамол, от ва туялар кўпчиликни ташкил этади) бирга қўшиб ҳисобласак, қадимги Хоразм кўз ўнгимизда бир талай ўзига хос хусусиятлари билан намоён бўлади. Кўзалиқирнинг юқори қурилиш қатлами шу билан характерлики, илгариги тўғри тўрт бурчак (ўлчами 52x26x10 см.) фишт ўрнига янги, бутун антик Хоразмга хос квадрат (40x40x10 см.) шаклдаги фиштга ўтиш жараёни шу даврда тугалланади. Архитектура жиҳатдан эса юқори қатлам классик Кангюй даври архитектурасига кўп жиҳатдан яқинлашиб кетади. Шаҳар планировкаси ажойиб хусусиятга эга: жуда қалин ва бир неча километр узунликдаги девор билан ўралган кенг майдон истиқомат белгиларидан холи бўлиб, шаҳар харобасининг деворлари қатор қилиб солинган тор йўлаксимон киши яшайдиган бинолардан иборат.

Қальъалиқир шахрининг шимолидаги деворга ичкаридан ёндошлириб кўп ҳужрали бино солинган. Текширишлар шуни кўрсатадики, бу бино дафн этиш маросими билан боғлиқ бўлиб, уни археологлар «жасадлар уйи», яъни хилхона деб атаганлар. Чунки бу бинода маҳсус сополдан ясалган катта қути (оссуарий)ларда киши жасадларининг суюклари сақланган. Муқаддас китоб Авестода ҳам бу шаҳарлар ҳақида кўп нарсалар ёзилган. Бу китобда афсонавий шахс Йимо (Ўрта аср достонларида Жамшид) асос солган, «Тўрт бурчакли Вара» истеҳкоми Қальъалиқир ва Кўзалиқир каби шаҳарларнинг архитектураси ҳамда ўша даврдаги Хоразмнинг ижтимоий ва иқтисодий ҳаётининг баъзи томонлари тасвир этилган.

Баланд ва қалин деворлар билан ўраб олинган шаҳар ичидаги кенг майдон молқўра эканлиги — хоразмликларда ўша даврларда чорвачилик устун бўлганлигини кўрсатади. Шаҳар теварагидаги суғориш иншоотларининг қолдиқлари эса ундаги яшовчиларнинг дехқончилик билан ҳам шуғулланганлигидан дарак беради. Шунга ўхшаш ёдгорликлар Фарғона водийсида ҳам то-пилган.

С. П. Толстов таъкидлашича олти-етти километр узунлиқда қатор (параллель уйларни қўшганда) қурилган бу бинода кам деганда бир неча юз киши яшаган. Унинг фикрича шаҳар ичидаги уйларнинг ижтимоий жиҳатдан унча фарқ қилмаслиги ундаги жамоанинг ҳали

анча архаик тузум-уруг, қабила анъаналарини сақлаб келаётганлигини кўрсатади. Иккинчидан, мустаҳкам дэворлар билан ўралган қалъаларда яшовчилардан ташқари чорва молларининг сақланиши — бу даврда жамоалар орасида уларнинг асосий бойлиги бўлган чорва учун ўзаро зўр курашлар бўлганлигидан дарак беради.

Авесто ва қадимги ёзувчиларнинг кўпчилик асарлари мазкур фикрни қувватлайди. Авестода Ўрта Осиёда, шу жумладан Хоразмда ҳам илк қулдорлик давридаги ижтимоий тузумни тарифловчи муҳим маълумотлар мавжуд. Унда таърифланган жамоада чорва моллари жуда кўп бўлиб, ўтроқ чорвадор ва дехқон хўжаликларидан иборат бўлган. Чорва моллари кўп бўлган ҳарбий аристократия бошқалардан ажралиб туради. Бу эса ибтидоий жамоанинг юзаки ҳукмрон бўлишига қарамасдан унинг ичида бой ва камбағалларнинг, яъни жамиятда табақаланиш пайдо бўла бошлаганлигини кўрсатади. Хўжалиқда асосий меҳнат — пода боқиш ва уни сақлаш, дехқончилик қилиш ва ҳарбий хизматда бўлиш эркакнинг вазифаси бўлгани туфайли бу даврдаги ижтимоий-иқтисодий ҳаётда ота уруфи ҳукмрон роль ўйнаган. Аммо, ижтимоий тузумда, ота алоҳида даражада бўлса ҳам, узоқ вақтлар она ўзининг таъсирини ўtkазиб келган.

Қадимги юонон ёзувлари, айниқса Милетлик Гекатей ва Страбон асарларида маҳаллий аҳоли массагет — сак ёки апасиак номи билан маълум (орол бўйи скифлари деб ҳам юритилади). Сўнгги йилларда Сирдарёнинг қадимги ўзани — Жонидарё ёдгорликларини текшириш туфайли мураккаб комплекс хўжалик — чорвачилик, дехқончилик, балиқчилик ва овчилик билан шуғулланувчи қабилаларнинг турмуши қандай бўлганлиги аниқланди. Эрамиздан аввалги VII—VI асрларда Сирдарё воҳасида апасиак қабилаларининг ёдгорликлари, яъни археологлар кўкчаденгиз деб атаган маданият пайдо бўлади. Бу маданиятга оид жуда кўп жойларда илгариги бронза маданиятининг анъаналарини давом эттириш билан бир қаторда уларнинг хўжалик фаолиятида бир қанча ажойиб янгиликлар содир бўлганини кўрамиз. Кўкчаденгиз маданияти II асрларгача тараққий қиласди.

Текширилган ёдгорликлар орасида энг ажойиб Жонидарёнинг ўрта оқимидағи дабдабали Чирикработ ёки Чирикқалъя харобаларидир. Чирикработ истеҳкоми

тухум шаклида ва катталиги 850—600 метр бўлиб, чор атрофи икки қатор девор билан ўралган. Деворлар ораси эса чуқур хандакдан иборат. Бу истеҳком баландлиги 15 метргача бўлган тепаликка қурилган. Қалъанинг ичидағи иморатлар жуда зич солинган. Текширишлар шуни кўрсатадики, Чириқработ эрамиздан аввалги V асрлар арафасида пайдо бўлиб, ундаги ҳаёт II асрларнинг ўрталарига келиб тугаган. Қалъа жойлашган тепаликнинг баланд қисмида топилган апасиак қабила бошлиқлари ёки шоҳларнинг мақбаралари жуда ажойиб. Мақбаралар яқинидаги номаълум қўрғон харобалари ҳам киши эътиборини жалб қиласди.

Кўкчаденгиз маданиятига оид Бобишмулла, Боланди каби ёдгорликларни текшириш натижасида апасиакларнинг комплекс хўжаликка эга эканлиги яна яққол кўринади. Бу маданиятга оид сопол идишлар шакл жиҳатидан Хоразмнинг Амударё воҳаси маданиятидаги идишларидан фарқ қиласди. Курилиш ва фортификация ишлари, ҳунармандчилик апасиакларнинг ўз кўли билан эмас, аксинча, Ўрта Осиёнинг жанубий ўлкаларидан олиб келинган қуллар қўли билан қилинганлиги текширилган ёдгорликлардан кўриниб турибди. Аммо апасиак усталари чет элдан келтирилган қуллар бўлсада, қурилиш ва ҳунармандчиликни ўз хўжайинларининг талабига биноан хоразмликларнинг архитектура ва касб санъатига тақлид қилиб ишлаганлар.

Анчагина мақбаралар текширилганда уларда одам суюкларидан ташқари бошқа ҳар хил буюмлар ҳам бўлганлиги аниқланди. Топилган нарсалар орасида ҳар хил сопол идишларнинг синиқ бўлаклари, уч қиррали скиф камон ўқлари, олтин ва кумушдан ясалган безаклар, мунчоқлар, темирдан ясалган найза учлари ва бошқа нарсалар кўп учрайди. Айрим ҳужраларда одам суюкларининг куйдирилганлиги кўкчаденгизликларнинг кўмиш маросимида янги урф-одат пайдо бўлганлигидан дарак беради. Ҳатто жасадларни куйдирадиган маҳсус ҳужралар ҳам учрайди. Мурдани куйдириб кўмиш одатини Сенгиртом, Бобишмулла, Тагискен каби ёдгорликларда ўтказилган тадқиқотлар ҳам тасдиқлайди. Аммо кўпчилик мақбараларда кўмилган жасадлар юқорида таърифлаган бронза даврига оид Кўкча — З қабристондагидай дафн қилинган. Бобишмулладаги қабрларнинг (улар 70 га яқин) бирида дафн қилинган жасад қолдиқлари билан бошқа кўп буюмлар орасида

жездан ясалган 90 та мих топилган. Эҳтимол бу михлаф қабила бошлигини кўмиш маросимида мақбара деворларига қоқилиб уларга ажойиб безаклар осилгандир. Ваҳоланки, мазкур ваҳщий урф-одатлар ва ибтидоий жамоа турмушнинг шакллари ижтимоий тузум негизида рўй бераётган буюк ўзгаришларни инкор қила олмайди, албатта.

Эрамиздан аввалги биринчи минг йилликнинг ўрталарига оид Боланди харобалари архитектура тарихи жиҳатидан жуда ҳам муҳим аҳамиятга эга. Бу ёдгорликнинг баландлиги 4,5 метр бўлиб, диаметри тахминан 16 метр келади. Унинг марказида бутун айланасига ғалати конструкцияли еттига тор ҳужралар билан ўралган гумбазли зал жойлашган. Ҳужралар бир-бирига пештоқлар билан тулашиб туради. Мақбараға кирадиган жой ҳам гумбаз шаклида ишланган. С. П. Толстовнинг фикрича жаҳон архитектурасида гумбаз шаклидаги қурилиш биринчи марта кўхна Ўрта Осиёning чўлларида пайдо бўлиб Парфияга тарқалган ҳамда у орқали, эҳтимол, қадимги Римга ҳам ўтган.

Кўкчаденгиз маданиятида қашф қилинган яна бир ажойиб нарса Чирикработ қўргонларининг бирида топилган скиф, яъни апасиак жангчисининг темирдан ясалган суратидир. Бу совут, юқорида қайд қилинганидек, Искандар юришлари даврига оид бўлиб ҳозирги Ўрта Осиёда энг қадимги шу хилдаги темир қурол-аслаҳаларнинг нусхаларидан ҳисобланади. Қора денгиз шимолидаги қадимги мақбараларнинг бирида топилган совут қолдиқлари ва шунга ўхшаш қурол-аслаҳа кийган жангчи расми солинган тангалар Ўрта Осиёning жанубида ва Ҳиндистоннинг шимолида мавжуд бўлиб, Чирикработ совутига нисбатан анча кейинги даврга оиддир. Бундай совутларни тактика жиҳатидан анча кучли бўлган кўп мингли массажет жангчилари кийиб юрган. Минг йиллардан кейин фарбий Европа мамлакатларида кенг тарқалган рицарлик қурол-аслаҳалари узоқ Орол бўйидаги дашт қабилаларидан Европа скифлари ва бошқа халқлар орқали ўтган, деб фараз қилиш мумкин.

Айрим олимларнинг айтишича, Геродот ва Страбон асарларида учрайдиган массажет қабила иттифоқига асосан қўйидаги қабилалар: хорасмийлар, апасиаклар, Хоразмнинг то Нуротагача етган жануби-шарқ чегараларида яшаган сакараваклар, Амударёning ўрта қисмида

ўрнашган дебиклар, тухор ёки дохлар (Қувондарё бўйларида), осий ёки яксартлар (Сирдарёнинг ўрта оқимида) ва овгос (овгол)лар кирган. Бу ёш ва қудратли Хоразм давлати остида бириккан зўр иттифоқ анча кучли аҳамонийларниң жаҳонда биринчи буюк давлат бўлиб танилган Кир ва Дорий монархиясига қараганда ожиз бўлиб, эрамиздан олдинги VI асрда Эронга бўйсунган ҳамда унинг XVI сатрапи (вилояти)га айланган. Асли аҳамонийлар давлати тарихи ўнлаб мамлакатлар ва халқларни ўзига бўйсундирган бутун Яқин Шарқ ва Ўрта Осиё тарихи деса бўлади.

Аммо Хоразм ўз ҳукмронлигини аслида сақлаб қолган, ҳатто у аҳамонийлар империясининг давлат ишлари ва ҳарбий юришларида бевосита иштирок қилган. Геродот ажойиб қурол-аслаҳали ва зўр тактикали хоразмийлар, сакараваклар, сүғдлар, бақтрияликлар билан бирга эрамиздан аввалги 480 йилда Ксеркснинг Элладага қилган юришида иштирок қилганлиги ҳақида ёzáди. Аҳамонийлар ҳукмронлигидаги Яқин Шарқ ва Африка мамлакатларининг ҳарбий ва давлат ишларида хоразмийлар юқори лавозимларда турганлиги маълум. Хоразмлик Артаикт Дарданелл бўйидаги Сест шаҳрининг ҳокими қилиб тайинланганлиги ва бошқа фактлар аҳамонийлар монархиясида Хоразм катта ўрин тутганини яққол кўрсатади.

Шу маънода айтиш мумкинки, Хоразмийлар давлатида ҳам Бақтрия сингари эрамиздан аввалги IX—VII асрларда пайдо бўлган шаҳар маданияти заминида йирик сиёсий бирикмалар юзага келган. Авестода тилга олинган Айранам-Вайжа номли мамлакат, айрим олимларнинг фикрича, зардуштийлик таълимотининг ватани бўлибгина қолмай шу асосда тузилган қонун-қоидалар тизимиға эга бўлган давлатчилик ташкил топган Хоразм ҳисобланади. Масалан, шарқшунос И. Маркварт Айранам-Вайжа аҳамонийларгача Кирни тор-мор қилган марказий Хоразм билан йирик давлат бўлган деган фикрни В. Б. Хеннинг, И. Гершевич ва С. П. Толстовлар ҳам қўллаб қувватлаганлар. Дастлабки шаҳар-қалъалар 50—60 га территорияни эгаллаб, 10—12 км деворлар билан ўралган. Аммо улар ҳали мустаҳкам сиёсий тузумга эга бўлмаган.

Баъзи бир маълумотлар Македониялик Искандар Ўрта Осиёга келиши арафасида Хоразм бутунлай мустақил бўлганлигини кўрсатади. Дорий III нинг Ис-

кандарга қарши фожиали курашида хоразмликларнинг иштирок қилмаганлиги бежиз эмас, албатта. Хоразм ҳатто Искандарга нисбатан ҳам мустақил сиёsat юргизган. Маълумки, Хоразм шоҳи Форосмон эрамиздан аввалги 329—328 йилларнинг қишида 1500 отлиқ лашкар билан Искандарнинг резиденцияси Марокандага келади ва Искандар билан унинг ҳарбий юришларида иттифоқдош бўлишига шартнома тузади. Аммо Хоразм шоҳи аслида истилочиларга қарши курашишга тайёр эди. Тузилган шартнома аҳамонийлар хукмронлигининг охиригача эмирилиши учун бир восита ролини ўйнаган, холос. Шунинг учун Форосмон шартнома тузилган вақтдан бир йил ўтмасданоқ, македониялик истилочиларга қарши партизанлик ҳаракатини олиб борган сўғдларнинг бошлифи Спитаменни қўллаб-кувватлайди.

Мазкур воқеаларга қадар Ўрта Осиё халқлари тўғрисидаги илк маълумотлар эрамиздан аввалги VII—VI асрларга оид бўлиб, ўша даврда Ассирия подшоси Нин бу ерни босиб олишга мусассар бўлган. Ривоятларга кўра Нин 17 йил давомида Осиё қабилаларининг деярли барчасини ўзига бўйсундирган. Бақтрияни босиб олиш учун катта қўшин тўплаб (200 минг отлиқ ва 1600 аравали аскарлар билан) юриш қилган ва уни ўзига бўйсундирган. Ривоятлар ҳикоя қилганидек, Ассирия подшоси Семирамида (эрамиздан аввалги 810 йилдан подшолик қилган) Бақтрияга бир неча марта борган ва Ҳиндистонга юриш қилишга тайёргарлик кўрган. Бундай афсонавий ҳикоялардан ташқари асли ҳаққоний тарихий Ўрта Осиё тўғрисидаги маълумотлар эрамиздан аввалги VI асрга оид бўлиб, Эрон подшоси Кир Катта Мидия подшолигини босиб олгач Ўрта Осиёга қарши юриш бошлайди. Айрим муаллифларнинг таърифича, Кир Ўрта Осиёни забт қилгандан сўнг ўша ерда ҳалок бўлади (дербиклар билан жангда, балки массагетлар кўлида ўлдирилган). Страбоннинг ёзишига қараганда, у тирик қолган ва сакларга ўтиб кетган.

Тахтга Дорий I келгач, қилич ва олов билан ўз давлатини мустаҳкамлаб, Бақтрия, Сўғдиёна ва сакларни бўйсиндириб, улардан солиқ олиб турган. Шу билан бирга айрим маълумотларга биноан, Сўғдиёна ва саклар ўлкасида Эрон босқинчиларига қарши мунтазам равишда қўзғолонлар бўлган. Геродотнинг хабар

беришича, Дорий бутун Эрон подшолиги ҳудудидан, мамлакатни 20 қарам вилоятларга (сатрапга) бўлиб (шу жумладан Хоразм ва Сўғдиёнадан) 300 кумуш талант солиқ тўлашга мажбур қилган. Геродот, Диодор, Страбон, Помпей Трог Ўрта Осиёда иссадон, сак, массагет, дан номли кўчманчи скиф қабилалари яшаганлиги тўғрисида хабар берадилар. Қабилалар умумий мулкка эга, оқсоқоллар томонидан бошқарилган. Уларнинг хабар беришича, Ўрта Осиё дарёлари водийларида ўтроқ дехқончилик билан шуғулланувчи элатлар (Хоразм, Сўғдиёна, Бақтрияда) яшаганлар, улар социал ва маданий жиҳатдан «скифлардан» анча юқори даражада тургандар. Аҳолиси суғориш дехқончилик ва йирик иншоотларига эга бўлиб социал табақаланиш пайдо бўлган ва қабилавий задоганлар муҳим роль ўйнаган. Мустаҳкам қалъа деворли шаҳарларнинг мавжудлиги, аҳамонийлар хукмронлигига марказлашган давлатчилик тузумини ўрнатилиши, шаҳар атрофида қишлоқларнинг пайдо бўлиши тўғрисида маълумотларни қадимий муаллифлар хабар беради.

Эрон шоҳларининг Ўрта Осиёдаги хукмронлиги (эрамиздан аввалги VI—IV йиллар) мустаҳкам ва барқарор бўлмаган. Хоразм ва Сўғдиёна аҳамонийлар давлатининг узоқ чеккасидаги сатрапи (вилояти) ҳисобланиб доимо нотинч бўлган. Бу ерга Эрон подшолари одатда форслардан ҳоким тайинлаб, улар ўлкада қуллар ишлатадиган йирик ерларга эга бўлганлар. Тайинланган ҳокимдорлар сатрапияни бошқариш ва мунтазам равищда солиқ тўплаб подшоҳ ҳазинасини тўлдириш билан шуғулланганлар. Эрон шоҳлари ўзининг бошқариш сиёсатида маҳаллий задоганлар ва қабила бошлиқларига таянган ва бу ерда ҳатто эрон қўшинлари сақланган. Грек форс урушларини таърифлаган Геродот бу жангда ўз қурол-аслаҳалари билан бақтрия ва сак отлик аскарлари иштирок қилганлигини тилга олади.

Дастлабки даврларда ўртаосиёлик, жумладан хоразмлик давлат хукмдорлари ўзларини яримқарам деб ҳисоблаган бўлсалар, кейинчалик мамлакат ривожланиб қулдорлик мустаҳкамланган сайин қарамликдан бутунлай озод бўлишга интилганлар. Улар ўз мустақиллиги учун бир неча марта кучли қўзғолонлар кўтариб, ўзларини Эроннинг қарами эмас, балки иттифоқдоши деб ҳисоблаганлар. Юқорида айтганимиздек, Эрон шоҳи Кир массагетлар билан курашда ҳалок бўлган. Искандар-

нинг шарқ юришлари арафасида Бақтрия вилоятини бошқариб турган Бесс Дорий III нинг узоқ қариндоши ҳисоблансада хоразмликлар билан Эрондан ажралиб чиқиш сиёсатини олиб борган. Шу мақсадда Бесс қўшинлари Искандарнинг Гавгамелдаги жангдан кейин Дорийни қатл қилинишига сабаб бўлган. Шундан сўнг Бесс ўзини аҳамонийларнинг шоҳлик унвони Артаксеркс номи билан подшо деб эълон қиласди. У янги қўшин тўплаб хоразмликлар билан бирини грекларга қарши ватан мустақиллиги учун курашга чақиради. Ўзи форс бўлсада истилочиларга қарши кўтарилган ўртаосиёликларнинг ёрдамида, айниқса сак ва бақтриялик отлиқ аскарлар билан, яхши қуролланган ва ҳарбий жиҳатдан тартибли Искандар армиясига қарама-қарши туради. Арияннинг хабар беришича, Ксеркс билан Элладага қарши юришда катта жасорат кўрсатган хоразм (сак) ва бақтрия отлиқ аскарлари Гавгамелда бўлган жангда ҳам грек-македонияликларни довдиратиб қўйганлар. Барча антик муаллифлар массагетларни жуда яхши қуролланган, отлиқ ва пиёда уруш тактикасини эгаллаган моҳир аскарлар деб таърифлайдилар. Улар ҳар хил ўқ-ёй, калта найза, ханжар, ўткир ойболта, ҳарбий арава, қалқон ва бошқа ҳарбий аслаҳалар билан қуролланган. Уларда туялик кавалерия ҳам бўлган (Геродот).

Манбаъларнинг таърифича, жангларда ҳатто сак аёллари иштирок қилган ва улар ўқ-ёй отища зўр маҳорат кўрсатганлар. Ариян, Страбон, Диодорлар Ўрта Осиё аёллари урушда эркаклардан қолишмай зўр жасорат кўрсатганлар, деб таърифлайдилар. Антик муаллифлар ўртаосиёликларда кўпсонли мустаҳкам мудофаа иншоотли шаҳар-қалъалар мавжудлиги тўгрисида ҳам хабар берадилар. Улар нафақат ҳарбий иншоотлар қуриш санъатига эга бўлибгина қолмай, балки уларда қалъаларни емирадиган ва забт қиласдиган қуроллар ҳам бўлгандир, деб фараз қилинади.

Хуллас грек-македониялик қўшинларнинг босиб келиши арафасида Ўрта Осиё ҳалқлари, айниқса Хоразм, Сўғдиёна ва Бақтрия, ниҳоятда зўр ҳарбий санъатни эгаллаган қўшинга эга ривожланган давлат тузумида бўлганлиги тарихий ҳақиқат. Ҳарбий тактика жиҳатдан отлиқ қўшин билан душман сафиға ёпирилиб кириш, сохта чекиниш, пиёдаликларнинг пичноқбозлик ва найзабозлик санъати, кичик гуруҳлар билан саф тортиб жангга кириш ва душманни шиддат билан қувиб атака

қилиш каби ҳарбий усуллар сак-массагет ва сўғд ас-карларига хослиги бу ерда узоқ даврлардан тартибли қўшинга эга құдратли давлатчилик тизими борлигидан далолат беради.

Аммо бор кучини тўплаб македонияликларга зарба беришга интилган Бесс янги қўшин тузушга имкони бўлмай Окс (Аму)дан ўтиб шимолга қочишга мажбур бўлади. Унинг кетидан эришган 7—8 минглик бақт-риялик аскарлар ҳар томонга тарқалиб кетади. Фақат унинг сафдош дўстлари сўғдлик Спитамен ва бақт-риялик Оксиарт қолган кичик отрядли Бесс билан бирга бўлган. Грек-македонияликлар катта жасорат кўрсатиб жўшқин Окс (Аму)ни беш-олти кунда кечиб ўтиб Бессни таъқиб қилишни давом этган. Шу мақсадда македониялик подшо катта отряд ажратган. Дарёдан ўтгандан кейин Сўғд ҳудуди ичкарисига кириб, саккиз кунлик йўлни тўрт кунда босиб ўтган Искандар Спитамен турган жойга етиб боради. Бессга қарши чиққан Спитамен ва Датаферн уни кичкина отряд билан бир қишлоқда қолдириб кетадилар. Бақт-рия сатрапини қувиб келган Искандарнинг лашкарбошиси Птолемей Бесс қолган қўргонни қамал қилиб шоҳни беришни аҳолидан талаб қилган. Шаҳарликлар Птолемей қўшинларига қўргон дарвозаларини очиб киргизадилар ва Бессни топширадилар. Бақт-рия ҳокимини ялангоч ҳолда бўйнига ип солиб Искандарнинг олдига олиб келадилар. Бошқа бир маълумотларга қараганда, Бессни Искандарга Спитамен ўзи топширган. Македониялик подшо уни яхши савалаб Дорий қариндошларига топширади, улар эса сотқин сатрап ҳокимини Бақт-риядага қўл-оғини ва бошини чопиб қатл қиладилар.

Манбаълар асосида шундай хulosа қилиш мумкин. Ватанпарвар Спитамен, Датаферн каби жасур лашкарбошилар Бессдан қутилиб истилочиларга қарши Ўрта Осиё халқларининг курашига ўзлари бош бўлиш нијатида эканлиги аниқланган. Окс дарёси орқасига қочган Бесс грек-македонияликлар Амудан ўтмас, деб ўйлаган бўлса керак. Жангдан қочган Бесс ўз сафдошлари олдида бутунлай обрўсизланиб, ундан дўстлари юз ўгириб, тахтдан афдариб ташлайдилар. Бессни асир олиб қатл қилдирган македониялик греклар Ўрта Осиёнинг ичкариси томон юришни давом қилдирадилар. Аммо истилочилар бир неча марта қандайдир маҳаллий қабилалар билан тўқнашиб жанг қилганлар. Арриан ва Кур-

ций таърифича, бундай «қароқчи» варварларнинг полохмон ва ўқ-ёйлар билан қуролланган 20 минглик лашкарлари македонияликларга ҳужум қилғанлар. Яна бир ҳикояда Искандарнинг олд отрядига қандайдир қабилалардан 30 мингга яқин киши ҳужум қилиб, деярлик истилочиларнинг кўпчилигини ўлдириб, ўзлари чекинганлар. Умуман олганда, мазкур чиқишлилар асли келгинди босқинчиларга қарши ташкил қилинган озодлик кураши намунаси деса бўлади. Бундай қаршиликларни Македониялик Искандар бераҳимлик билан бостириб Танаис (Сирдарё) томон юришини давом қилдирган. Бу ерда саклар билан қаттиқ жанг бўлиб ва икки томондан кўп курбонлар бўлган: саклардан бир мингта яқин киши ўлдирилган, 150 киши асирга тушган; македонияликлар 160 киши йўқотган, мингта ярадор бўлган.

Танаисда бўлган жангдан сўнг сак (скиф)лардан элчилар келиб, гёёки «толончи ва қароқчи»лар томонидан душманлик ҳаракатлари учун Искандардан кечирим сўраганлар ва сулҳ тузишни таклиф этганлар. Улар скиф-сармат ўлкасига ҳужум қилмасликни, акс ҳолда македонияликлар муқаррар равишда қасосга ҳукм бўлишларини огоҳлантирганлар. Скиф элчиси ҳатто Искандарни нафси ёмонлиқда айблаб, уни «бутун инсон уруғи»ни забт этиш мақсадларидан қайтишини насиҳат беришга журъат қилган. Македония подшоҳи скифнинг айтганларини менсимай Танаис (Сирдарё)дан кечиб ўтиб, оғир жангда ғолиб чиққан. Сак қабилалари сўғдийлар ва бақтрияликлар қўзғолонларига ёрдамга ҳам келгандир. Искандар «скифлар уруши»ни ғолибона тугатиб, асирларни ҳеч қандай тўловсиз озод қилиб юбориб, қўзғолонларни бостиришга киришган. Айниқса Спитамен бошчилигида бутун Сўғдиёна, Бақтрия ва скифлар тупроғида кенг кўламда бўлиб турган озодлик курашини қанча бераҳимлик билан бостиришга интилмасин тинчтишиш анча қийин бўлган.

Манбаъларнинг хабар беришича Искандарга Хоразмнинг ҳокими Форосмон 1,5 минг отлиқ лашкар билан келиб, Македония подшоси билан дўст бўлиб уни ҳарбий куч билан Кавказ ва Осиё юришларида ёрдам беришни таклиф қилғанлиги ўша вақтда Хоразм мустақил қудратли давлат эканлитини, унинг Каспий ва қораденгиз даштларидағи қабилалар билан савдо-сотиқ му-

носабатида бўлганлигини исботлайди. На Хоразм, на Яксарт (Сирдарё) дашт қабилалари Искандарга бўйсунмаганлар, аксинча у билан дўстона ва иттифоқдош бўлиш ниятида эканлигини намойиш қилганлар. Шуниси қизиқки мазкур учрашувдан маълум бўладики, Македония подшоси Хоразм шоҳига ўзининг ҳарбий юриш режаларини очиб берган. У Ҳиндистонни забт қилиб, кейин Кавказ томон колх ва амazonка ўлкаларини босиб олишини баён этган.

Демак, илгари оламни бўйсундириб жаҳон давлатини яратишни мақсад қилиб юрган шуҳратпараст македониялик подшо Хоразмлик ҳукмдорга ўз сирларини очиб берган. Аммо эрамиздан аввалги бутун 328 йили Спитамен қўзғолонини бостириш билан банд бўлган Искандар ўртаосиёликларнинг озодлик учун курашини тўхтата олмаган.

Шундай қилиб, мустақиллигини сақлаб қолган қудратли Хоразм давлати сиёсий кураш майдонига чиқа бошлайди ва эрамиздан аввалги III—II асрларга келиб Ўрта Осиёни чет эл истилочиларидан озод қилишда катта роль ўйнайди.

Маълумки, эрамиздан аввалги IV асрнинг охирларида Ўрта Осиёning жанубий ва шарқий қисми Грек-Македония империясига, кейинроқ Искандар босиб олган Осиё мамлакатларидан ташкил топган Селевкий давлатига кирган эди. Тахминан эрамиздан аввалги 250 йилга келиб, aka-ука Аршак ва Тиридат раҳбарлигидаги (жанубий Туркманистон территориясидаги) дашт қабилалари қўзғолон қўтариб селевкийлардан ажralиб чиқади ва аршакийлар сулоласи бошчилигига Парфия давлатига асос солади. Мустақил Хоразм давлати Аршакий монархияси ташкил топишида муҳим таянч бўлган, чунки у селевкийларга қарши қўзғолон қўтарган қабилаларга ҳар томонлама ёрдам берган. Бу қабилалар орасида Орол бўйидаги дайлар ҳам бўлган. Аршакийлар билан бир вақтда селевкий давлатидан ажralиб чиқсан Грек-Бақтрия давлатини тахминан 140-йилларда Хоразм атрофида жипслашган массагет қабилаларининг иттифоқи босиб олади.

Хулоса қилиб айтиш мумкинки, эрамиздан аввалги III асрнинг иккинчи ярмига келиб, Хоразм гарбда Каспий денгизигача, шарқда эса то Мўгулистон чегарасигача бўлган кенг территорияда ўз сиёсий таъсирини ўтказа бошлайди. Хитой манбаларида «катта юечжи»

деб аталган массагетларда оғир яроқ-аслача билан қуролланган отлиқ қўшинлар бўлиб, улар қўшни мамлакатларга хавф түгдирив турганлиги ёзилган.

Биринчи марта Хоразмда пайдо бўлган бундай отлиқ қўшин билан жанг қилиш тактикаси аста-секин сарматаланлар орқали Шарқий Европа ундан Римга; Шарқда эса гуннларга ўтади. Эрамиздан аввалги I асрларда парфияниклар Марв темирчилари қўли билан ясалган союз кийган отлиқ қўшин билан римликларга қарши Карри яқинидаги жангда қатнашганликларини юқорида айтиб ўтган эдик. Баланд келган ҳарбий отларнинг асл зоти ўша даврларда массагетлар юрти, яъни Хоразмдан Мўғулистон, Хитой ва Жанубий Сибирга тарқала бошлиган.

Бундай муҳим тарихий воқеалар рўй бераётган бир вақтда, Ўрта Осиёга келиб кетган Хитой элчиси ва сайёҳи Чжан Цяннинг кўрсатишича, Кангюй ёки Кандзор деб аталмиш катта давлат борлиги маълум бўлади. Авестода ҳам, ҳинд эпоси Махобхоратда ҳам бу давлат Кангха ёки Канки номи билан тилга олинади. С. П. Толстов ва бошқа бир неча тадқиқотчилар Кангха билан Хоразм иккови бир деб ҳисоблайдилар. Кангха эрамиздан аввалги II асрларда ниҳоятда ривожланади. Кейинги икки аср давомида ҳам Кангха территориясида кўпгина янги шаҳар ва қалъалар пайдо бўлади. Турли ҳунар ва савдо-сотиқ ўсади, натижада танга пул системаси ва муомаласи ривожланади. Бу эса иқтисодий ҳаётда катта силжишлар бўлганлигидан дарак беради.

Демак, эрамиздан аввалги IV—I асрлар қадимги Хоразмнинг гуллаб-яшнаган даври бўлиб, бу даврга оид ёдгорликлар жуда ҳам кўп ва хилма-хилдир. Хоразмнинг антик даврдаги шаҳарларининг деярли барчаси воҳани даштдаги қўшни қабилалардан мудофаа қилиш мақсадида қурилган. Амударёнинг ўнг томонида шарқдан гарбгача қараб бирин-кетин чўзилган Кангқалъа, Жонбосқалъа, Бозорқалъа, Кўроғшинқалъа, Қирққиз, Аёзқалъа, Бурлиқалъа ва Тупроққалъа сугориш иншотларининг этагида бир-бирларига яқин ва қатор қилиб қурилган. Бир планга асосланган мудофаа системаси ва тараққий қилган зўр сугориш иншотларининг мавжудлиги Хоразмнинг қудратли марказлашган давлат, бўлганлигини кўрсатади.

Хоразм экспедицияси ходимлари, сўнгги йилларда, бир томонда, мазкур обидаларда қазишималар олиб бор-

ган бўлса, иккинчи томонда, шу ишларга параллель равишда маҳсус отрядлар ва партиялар бу шаҳар ва қишлоқларни сув билан таъминлаган ва жуда яхши сақланиб қолган ирригация тармоқларини ўрганганди. Қўйқирилганқалъа харобаларининг теварак-атрофларидан, ҳозирги Калтаминонор каналини давом эттирувчи қадимги канал бўйларидан, қадимги далаларнинг жуда яхши сақланиб қолган кўплаб аниқ планировка излари топилган. Бу далалар эрамиздан аввалги IV—III асрларга, яъни классик Кангюй даврига тўғри келади. Қадимий Калтаминонорнинг кейинги даврлардаги бошқа тармоқлари бўйларидан топилган далалар кечки Кушан даврига — эрамизнинг III—IV асрларига мансубдир. Уларнинг планировкаси анча мураккаб ва турли-туман бўлиб, бу хол далачилик системасининг прогрессив тараққиётидан далолат беради.

Минг йилдан ортиқ даврни ўз ичига қамраб олувчи, юқорида санаб ўтилган қазиб текшириш ишлари натижасида зўр кашфиётлар кўлга киритилган эди. Қазишишмалар ўтказилган харобалар орасида археологларимиз диққатини ўзига жалб қилган Кангақалъа, Жонбосқалъа ва Қўйқирилганқалъа архитектураси ҳамда унда топилган нарсаларнинг кўплиги ва ўзига хос хусусияти билан алоҳида ўринни эгаллайди.

Кангақалъа қадимги Хоразмнинг бевосита Сариқамыш кўли ёнида, жануби-ғарб томоннинг энг чеккасида жойлашган таянч нуқтаси ҳисобланган. Текширишлар шуни кўрсатадики, бу қалъа қарийб минг йил давомида, эрамиздан аввалги биринчи минг йилликнинг ўрталаридан эрамизнинг IV асрига қадар мавжуд бўлган. Кангақалъа катта ҳарбий фалокат натижасида харобага айланган. Юқори қатламнинг ҳамма ерида кучли ёнгин белгиларининг топилиши бунга далиллариди.

Қалъа ва дарёning номи ниҳоятда қадимий бўлиб, шубҳасиз, бу ном Хитой солномаларидаги Кангюй, Авестодаги Канга ўлкаси, кечки зардуштийлик адабиёти ва Эрон эпосидаги Кангдиз — айни Хоразмнинг ўзгинаси эканлигини С. П. Толстов исботлаб берди. Унинг айтишича, мазкур эпосдаги Канг дарёси Хоразмдаги Канга дарёсидан бошқа нарса эмас.

Муҳим аҳамиятга эга бўлган бу даврга оид ажойиб ёдгорликлардан бири Жонбосқалъядир. Жонбосқалъа-нинг тўрт бурчакли сатҳи 170—200 метр келадиган майдонни эгаллайди. Унинг тўрт томони 10—11 метр ба-

ландлиқдаги қалинлиги 1—1,3 метр келадиган икки қават девор билан ўраб олинган. Жонбосқалъанинг ўзига хос хусусияти шундан иборатки, унинг деворлари Хоразм қалъаларининг деярли ҳаммасида мавжуд бўлган буржлардан ҳоли. Қадимги шаҳар ва қалъаларда бурж тиклаш шунчалик катта ўрин тутганки, бу анъана то сўнгги вақтларгача ҳам, ҳаттоки, унга эҳтиёж бўлмаса ҳам сақланиб келган. Хоразмнинг катта ҳовлиларида учрайдиган кўп кунгиралар бунга яққол мисол бўла олади. Жонбосқалъа деворлари икки метргача пахса, ундан юқориси хом фиштдан тикланган бўлиб, ташқи қатори шахмат шаклида қўйилган икки, уч қатор найзасимон шинакларга эга. Эни 18—20 см келадиган шинаклар пастга қараб ўқ отишга қулай қилиб бир-биридан 1,2 м узоқлиқда қўйилган. Шинакларнинг икки қатор қўйилиши, шинак қаторлари ўртасида тўсин учун қўйилган тешик изларининг бўлиши қалъа деворлари икки қават бўлганлигини кўрсатади. Қалъага кирадиган дарвоза ҳам қўшимча тўғри бурчакли муракқаб иншоотдан иборат. Бу иншоот ҳам қалъа деворлари каби мудофаа учун қулай бўлган икки қатор шинакларга эга. Шундай бўлса-да, деворлarda буржларнинг бўлмаслиги, шинакларнинг жуда яқин қўйилиши жонбосқалъаликларнинг мудофаа системаси анча ибтидоий бўлганлигини кўрсатади. Шинакларнинг сонига қарангда қалъани икки мингга яқин жангчи мудофаа қилинган. Жонбосқалъада 400 га яқин хона борлигини эътиборга олганда, қалъани мудофаа қилишда шаҳар аҳолисидан қурол ушлашни биладиган эркаклар билан бир қаторда аёллар ва теварак-атрофдаги майдаде дехқон қўргонларидан келганлар иштирок қилган, деб фараз қилиш мумкин. Шуни ҳам таъкидлаш зарурки, бу истеҳқом анча чеккада бўлиб, Сирдарё қирғоқларидан келган дашт қабилаларининг дастлабки зарбларини ўз устига олиб турган қалъалардан биридир.

Қалъа дарвозасидан ичкарига қараб шаҳарни икки катта кварталга ажратиб турган кенг кўча ўтади. Ҳар қайси кварталда бир-бирлари билан ички йўллар орқали боғланган 200 га яқин хонадон бўлган. Шаҳарнинг шутариقا иккига бўлиниши унда истиқомат қилган аҳоли бир-биридан ажралган ҳолда, аммо ўзаро қариндошлиги билан боғлиқ уруғ жамоасидан иборат эканлигини кўрсатади. Ҳаробалар орасида топилган ҳар хил тамғали фиштлар ҳам қалъа аҳолиси бир неча уруғлардан ибо-

рат эканлигига далил бўла олади. Чунки тамғали бу фиштлар ҳар массивда алоҳида-алоҳида тартиб билан қўйилган бўлиб, унинг ҳар қайсиси ҳар бир уругнинг белгиси эканлигини кўрсатади. Марқазий кўча охирида жойлашган иморат харобаларини текшириш натижасида жонбосқалъаликларнинг ўт ибодатхонаси бўлганлиги аниқланади. Иморат ўртасидаги супачага қурилган ўчоқда муқаддас ўт доим ёниб турган. Ибодатхонанинг ички девори тагида узун супа, оташхона ёнида эса ибодат қилувчиларнинг диний маросимларни ўтказишлари учун айрим хона ҳам мавжуд бўлган. Бу хонада топилган кўп сүяк қолдиқлари, унда диний маросимлар учун тайёрланган таомлар истеъмол қилинганлигидан дарак беради.

Ўрта Осиёдаги халқлар илк феодализм даврида ҳам жамоат тўплаган пайтларда умумий маросим таомлари ни пиширганликлари ва одамлар тўпланиши учун маҳсус уйлар бўлиб, бу уйлардаги ўчоқларда доимо ўт ёниб тургани ҳақида Беруний ва бир қанча муаллифлар ёзib қолдирганлар. Маълумки, яқин вақтгacha Тожикистоннинг айрим тоғлик районидаги маҳсус оташхонали уйлар мавжуд бўлиб, бу ерда эрқаклар тўпланишиб гап берганлар. Ўзбекларнинг тўй ва бошқа айрим маросимларида гулхан ёқиши одати ҳам учрайди. Бутун антик даврда Ўрта Осиёда ҳукмронлик қилган зардушт (зороастризм) динига биноан эски урф-одатларга эътиқод қилувчиларнинг тушунчасига қарагандা, ўтга сифиниш турли фалокат ва инс-жинслардан сақлар, турмушда баҳт ва муваффақиятлар келтирад эмиш.

Жонбосқалъя ва бошқа ёдгорликларда жуда кўп учрайдиган ҳайкалчалар (археологлар тилида терракоталар) ва бошқа санъат нусхалари Ўрта Осиё, жумладан Хоразм халқларининг диний эътиқодларини тушишига имкон беради. Халқларнинг қадимий аждодлари нафақат тасвирий санъатда зўр маҳорат кўрсатибгина қолмай, балки ўзларининг дунёқараашлари ва ички ҳис-туйғуларини ажойиб бадиий асарларда ифодалаганлар.

Текширилган ёдгорликларда отларнинг тасвиirlари, сон-саноқсиз ҳайкал ва идишларга солинган отнинг расмлари қадимги хоразмликларда зардушт динидан ташқари отга сифиниш эътиқоди катта аҳамиятга эга эканлигини кўрсатади. Тарихий манбаларда ҳам массателарнинг отга сифинганлиги тўғрисида фикр бор.

Юқорида қайд қилинганидек, серҳашам кийимли асл кишини тасвирловчи жуда кўп ҳайкалчалар — унумдорлик худоси, сув ва суғориш иншоотларининг ҳомийси Анахита образи билан боғлиқлигига ҳеч шубҳа йўқ. Наршоҳийнинг айтишича, зардушт динидаги бухороликлар ҳар йили наврӯз байрами маросимларида маҳсус бозорлардан лойдан ясалган худо ҳайкалчаларини олиб, эскисини синдирап эканлар. Ёдгорликларда топилган ҳайкалчаларнинг деярли ҳаммаси синдирилганлиги мазкур одат билан боғлиқ эканлигини яққол кўрсатади. Беруний асарларида ҳам Наршоҳий ҳикоясига ўхшаш афсона мавжуд.

Кўйқирилганқалъада топилган кўп нарсалар қадими хоразмликларнинг диний эътиқодларини тушунишга анча ёрдам беради. С. П. Толстов фикрича, Кўйқирилганқалъа дафн қилиш маросими билан боғлиқ ёдгорлик бўлса, эҳтимол. Бу қалъа қадимги Калтаминон сув иншоотининг бўйидаги катта территорияни эгаллаган деҳқончилик райони марказидадир. Кўйқирилганқалъа буржга ўхшаш катта цилиндр шаклида бўлиб (диаметри 44,4 метр), атрофидаги тақирилликларга нисбатан 8,5 метр баланд кўтарилиган иморатдан иборат бўлган. Ташибаридан уни ҳалқа каби қўшдевор (диаметри 86,5 метр) ўраб турган. Девор ичидаги гумбазли жуда кўп хоналар бўлган. Қалъанинг ташки қўшдеворида 9 та яirim доирасимон буржалар бор. Қўшдеворнинг ва марказий иморат деворининг ташки қаторларида Жонбосқалъадагидек наизасимон қатор шинаклар кўп. Девор ичидаги хоналардан топилган нарсаларга қараганда, унда қул ва ибодатхона хизматкорлари яшаган.

Қазиб текширилган икки қават (унинг пастки қавати қарийб бутунлай сақланиб қолган) марказий буржсимон бинонинг планировкаси ниҳоятда ўзига хосдир. Биринчи қаватнинг баҳайбат деворлардан ва хом фиштдан ишланган кўп гумбазли хоналари қатъий ва аниқ планировкага эга. Пастки хоналарга юқори қаватнинг ўқ отиладиган шинакли йўлаги орқали тушилади. Бинонинг диаметри бўйлаб жойлашган марказий гумбазини кўндаланг қурилган девор иккига ажратиб туради. Марказий гумбазнинг ҳар икки чеккасида икки томонлама тушиб чиқиладиган зиналар бўлиб, улар орқали юқорида айтилганидек, иккинчи қаватга, шинакли ташки йўлакка чиқилган. Марказий гумбазнинг ҳар икки томонида, айлананинг хордаси бўйлаб жой-

лашган олтита ён гумбазнинг арки марказий гумбазга қараб очилади. Бу ердан биринчи бор топилган ойналар ниҳоятда катта қизиқиш туғдирди; қуии девори қалин қаватнинг хоналарига ёруглик тушишига имкон берган бу ойналар шимолий гумбаздан бошқа ҳамма гумбазларнинг фўлачалар терилган деворларида мавжуд. Ўқ отилган йўлак шинаклари чизигидан пастда жойлашган дераза токчалари қалинлиги олти метр келадиган ташқи деворга мос қалинликда ичкарига нишаб бўлиб тушган. Пастдан туриб мана шу ойналар орқали қаралгандага осмон кўринган, бу эса хоналарнинг анча ёруғ бўлишини таъминлаган.

Бу ажойиб обидада ўтказилган кўп йиллик қазишмалар натижасида марказий бинонинг тарихий ҳаёти илк Кангюй даври доираси билан чекланган ҳолда, ташқи ҳалқа иморатлари тахминан тўрт асрча, эрамизнинг биринчи асри охиригача, яъни Хоразмнинг Кушан империясига қўшилиши арафасига қадар мавжуд бўлганлиги аниқланди. С. П. Толстовнинг тахминича, дафн қилишга оид ҳамда диний урф-одатлар жойи бўлган марказий бурж атрофида, дастлаб, айлана шаклидаги шинакли биргина девор бўлган бўлса керак. Сўнгра девор батамом қайта қурилган ва ичкаридан унга тақаб турли-туман омборхоналар қуришган. Кечки Кангюй даврига келиб ташқи ҳалқанинг бутун саҳнига иморатлар солинган, бурж атрофида тақсимот йўлаги вужудга келтирилган, бу ибодатхона хўжалигининг бир талай хоналари — одам яшайдиган уйлар, омборлар, устахоналар эса радиус бўйича бирбиридан қалин деворлар билан ажралган бир қанча секторларга бўлинниб кетган.

Жуда кўп учрайдиган сопол идишлар орасида тuya ва эшакларда олиб юриладиган сувдон (фляга)га ўхшашиб идиш синикларидаги расмлар алоҳида кўзга ташланиб туради. Бу идишларнинг бирида тахтда ўтириб бола эмизаётган аёл, иккинчисида эса муштлашишга тайёрланнаётган эркак (қадимги аждодларимиз бокс билан таниш бўлиши эҳтимол) аниқ тасвирланган.

Бошқа бир идишда рельефли қилиб безатилган композициянинг марказида соқолли бош бўлиб, у ён томондан кўриниб туради, четда эса грифон деган баҳайбат қанотли отга ўхшашиб афсонавий маҳлуқ тасвирланган. Яна бир сувдон парчасида серҳашам қилиб безатилган дубулға кийган эркак тасвирланган бўлиб, дубулға тожига афсо-

навий қушнинг тасвири ишланган, энсага тушиб турадиган қисмига эса одам маскаси (ниқоби) солинган. Қўй-қирилганқалъа учун характерли бўлган ва бандининг юқори қисмида шернинг боши тасвирланган кўзаларни, қопқофи одам шаклида ишланган сопол идишни ҳамда от ва грифонларнинг образлари берилган кўп рангли сопол ритон (ичкилик ичиладиган шохсимон идиш)ларнинг бир талай парчаларини ҳам рельефли флягалар жумласига киритиш мумкин.

Бўрттириб ишланган расмлар орасида вино кўтарган қари боғбон, жимжима жиякли камзул ва бурмали кўйлак кийиб олиб, бир қўлида кўзача, иккинчисида қадаҳ ушлаган аёл тасвирланган ҳайкалчалар дикқатга сазовордир. Бу аёл сиймосида балки виночилик маъбудаси Мино тасвирлангандир. Мино ибодати ва мифологияси тўғрисида баъзи маълумотларни Беруний асарларидан топиш мумкин. Қўйқирилганқалъадан ва теварак-атрофдан ҳосилдорлик маъбудаси — Хоразм Анахитасининг серҳашам кийим кийган ҳолда тасвирланган талайгина ҳайкалчалари топилган. Маъбуда бир қўлини кўкрагига кўйиб, иккинчисини эса осилтириб турибди. Яна бир ҳайкалчада қўлида қадаҳ ва жажжи кўшқулоқли идиш ушлаган маъбуда тасвирланган.

Бу топилмалар ва қалъанинг ташқи доирасидаги хоналарнинг бирига ўрнаштирилиб, баландлиги 1—1,5 метрча келадиган ҳамда усталик билан ишланган вино идишлар — хумлар, қалъа теварагида учрайдиган токзор излари қадимги хоразмликларда узумчилик анча тараққий қилганлигини кўрсатади.

Археологик қазиш натижасида хоналарда деворга осилган ранг-баранг нақш фрагментлари, от, тую, қўй ва шу сингари ҳайвон ҳамда қушларни тасвирловчи расмлар, ўсимлик шаклида мазмундор нақшли катта идишлар, дастаси фил ёки от бошига ўхшатиб ясалган кўзалар ва бошқа бадиий қўмматли кўп хил сопол буюмларнинг парчалари топилган. Ташқи доирадаги хоналарнинг бирида топилган ҳайкалча усталик билан сополдан ясалган бўлиб, унда қўлида бола ушлаб ўтирган маймун тасвирланган, бу эса қадимги Ҳиндистон санъатини эслатади.

Тасвирий санъат намуналари ичida жимжимали осуарийлар алоҳида ўринни эгалайди. Юқорида айтганимиздай, бу даврда бутун Ўрта Осиёда зардушт дини ривож топган эди. Зардушт динига биноан, мархумларни

ерга кўмиш, сувга ташлаш гуноҳ деб ҳисоблаб жасадни ё куйдирганлар, ёки гўшт ва терисини йиртқич ҳайвон ва қушларга едириб, суякларини маҳсус сопол қути (оссуарий)ларга солиб маҳсус биноларда сақлаганлар.

Хоразмнинг Кўйқирилганқалъя теварагида кўп учрайдиган оссуарийлар ўзининг хилма-хиллиги билан ажралиб туради. Бу оссуарийлар қопқоқларининг кўпчилигига ҳайкалчалар қилинган. Кўйқирилганқалъядан тахминан бир ярим чақирим шимолда қум тепалар орасида топилган квадрат шаклидаги оссуарийларнинг қопқоғидаги чордона қуриб ўтирган эркакнинг ҳайкали жуда ажойибdir. Шуниси қизиқки, калта мўйловли, соқоли хоразмча қилиб қўйилган, кийими нақшдор қилиб тўқилиб, камари учида қўй бошини тасвирловчи безак борлиги ҳайкалда кўриниб турибди. Оссуарийлар ичida отга ўхшатиб қилингандар ҳам учрайди.

Қалъалиқирда сўнгти йилларда топилган қумтошдан, лойдан ва алебастрдан, шунингдек сополдан ясалган турли типдаги оссуарийлар ичидан юздан ортиқ дафина топилган эди. Аксарияти бир хил бўлган бу оссуарийлар орасида талайгина турли-туман типлар учрайди. Шуларнинг ичida гўласида тешиги бўлган бўчкасимон, юқоридаги қопқоғи квадрат шаклидаги тешикили ҳамда устки қирраси пирамида шаклида бўлиб, юмолоқ қопқоғида қуш тасвири берилган квадрат оссуарийлар алоҳида ажралиб туради.

Кўйқирилганқалъядаги ажойиб кашфиётлардан яна бири — Хоразмнинг қадимги ёзувиdir. Ташқи доира харобаларида хум оғзининг четига ўйиб ёзилган аромей типидаги алфавитли қисқа хат топилган. Ёзув шундай аниқ сақланганки, уни осонгина ўқиш мумкин. Иккинчи нусхаси хумчага тушь билан (Хоразм тарихида сопол идишга тушь бериш биринчи марта учрайди) ёзилган бўлиб, у ҳам осон ўқилади. Бу ёзув намуналарини фақат Хоразмдагина эмас, балки бутун Ўрта Осиёда ҳозирча маълум бўлган энг қадимги ёзув деб айтсан хато қилмаган бўламиз.

Ёзилган сўз, щубҳасиз форсий тилда бўлиб, «аспабароқ» ёки «аспабадак» деб ўқилади. Уни «отда кетаётган» ёки «от миниб турган» деб таржима қилиш мумкин. Ҳар холда у атоқли от бўлиб, хум эгасини ва унга қарашли отни ифодалайди. Бундан ташқари сўнгти йилларда хумга ёзилган яна уч ёзув ҳамда аёл ҳайкалчасини орқасига тирнаб ёзилган яна бир ёзув топилди. Бу

ёзувлар Хоразм архивининг эрамизнинг III асрига мансуб ҳужжатлари ҳамда янги эрадан аввалги I асрга оид ва Нисодан топилган Парфия архиви билан бирга, Ўрта Осиё қадимги халқлари ёзувларининг тез тўлиб бораётган тарихи хазинасига муҳим ҳисса бўлиб қўшилади. Демак, Хоразм илк антик даврданоқ кенг тарқалган ёзувга эга бўлган, бу эса унинг маданий жиҳатдан юқори босқичда турганлигини кўрсатади.

Шундай қилиб, кўмиш маросими билан боғлиқ бўлган ибодат қасри Кўйқирилганқалъя қимматли ва муҳим материалларни асрлар оша бизгача сақлаб келган. Бу қалъадаги ҳаёт Кангюй давлати даврида давом қилиб, Хоразмнинг Кушан империясига қўшилиши билан тўхтаб қолади ва кейин ҳеч жонланмайди.

Кўйқирилганқалъя атрофидаги кечки Кангюй ва айниқса кейинги Кушан даврига оид сугориш иншоотларини текшириш шуни кўрсатадики, бу даврда иригациянинг илгарига нисбатан анча торроқ (рошлар орасидаги масофа 10—15 метр) ва чуқурроқ магистраллари билан ажralиб турувчи анча такомиллашган янги типлари вужудга келган. Шу билан боғлиқ ҳолда тақсимлашва сугориш тармоғи ҳам магистрал каналнинг фақат бир томонидан эмас, балки иккала томонидан, каналга нисбатан тўғри бурчак остида ўтказилган. Сув оқими қонунлари тўғрисидаги анча чуқур билимга асосланган, анча тежамили ва мукаммал бўлган бу сугориш системаси ўзининг асосий хусусиятлари билан сувни ва қурувчилар меҳнатини яна ҳам тежаш имконини берган ўрта асрлар сугориш системаси учун замин ҳозирлади. Бу даврда қадимги Хоразм давлати анча қурдатли ва юксак ривожланган бўлиб ҳаётбахш сугориш иншоотларига зўр эътибор бера бошлаган.

Пировардида шуни ҳам қайд қилиш лозимки, бу даврда Амударё воҳасини ўраб олган апасиак — сакравак қабилаларининг бир қисми скифларнинг жануб томон кенг кўламда юришлари туфайли Хоразм территориясига ҳам кириб келган. Эрамиздан аввалги II асрдан бошланадиган сўнгги Кангюй даври керамикасидагина эмас, балки Кўйқирилган қальянинг охирги ҳаётига мансуб қатламида қазиб олинган, дашт қабилалари ўргасида ёйилган ва бу ерга улар томонидан келтирилган ҳар хил топилмалар бундан далолат бeraди. Янада илгарироқ даврга мансуб бўлган ва апасиакларнинг ўзи барпо этган қишлоқларнинг Хоразм воҳа-

сининг жануби-гарбий чеккаларида пайдо бўлиши ҳам шундан дарак беради.

Давлатчиликнинг шаклланиши ва унинг мустаҳкамланиши нафақат муайян ташкилотлар ва идоралар, армия ва полиция, қонун-қоидалар ва дастурлар билан боғлиқ бўлигина қолмай, балки ўрнатилган сиёsat, тузум ва жамиятни бошқаришни тўла таъмин қилиш учун фуқароларнинг ижтимоий онги ва маънавий дунёсини шакллантириш энг зарур вазифа ҳисобланган. Бундай мураккаб вазифани илк жамиятлар пайдо бўлган даврлардан бошлаб минг йиллар давомида умуминсоний қадриятларни ўзида мужассамлаштирган ҳар хил динлар бажарib келган.

## ҚАДИМИЙ ХОРАЗМШОҲЛАР ДАВЛАТИНИНГ ХОМИЙ АВЛИЁЛАРИ ВА МАЪБУДАЛАРИ

Тошдан ҳам чиқарди у оташ-олов,  
Жаҳонга равшанлик сочди бу партов...  
Жаҳондор яздонга дея офарин,  
Шукронга саждага этигб қоматин,  
«Бу оловмас, — деди — худо ҳадаси.  
Энди шунга бўлсин юрак саждаси».

*Абулқосим Фирдавсий*

Кўхна Хоразмни, айниқса жуда ҳам кўп муқаддас кабрларга тўла қўхна Урганчни учуз олтмиш авлиёлар жойлашган ўлка деб айтилиши бежиз эмас. Хоразмликларнинг қадимий диний тасаввурлари ниҳоятда хилма хил ва узоқ тарихга эга. Илк дин шакллари кенг кўламда олиб борилган тарихий ва археолог-этнографик тадқиқотлар туфайли Оролбўйида, Амударё ва Сирдарё қуйи оқимида кашф этилган ибтидоий маконларда ўз ифодасини топган. Эрамиздан аввалги IV—III минг йилликларга, яъни неолит даврига оид мазкур Калтаминон ва Тозабоғён маданиятлари бунга ёрқин далил бўла олади.

Калтаминон ва Тозабоғён моддий маданияти объектлари, айниқса, илк деҳқончилик қабилаларининг диний тасаввурлари тўғрисида маълумотни ўз ичига олган Хоразм обидалари орасида ибодатхона сифатида белгиланган қабрлар мажмуи, шунингдек, антропоморф ва зооморф, яъни одамсимон ва ҳайвонсимон шаклидаги ҳайкалчалар муҳим аҳамият касб этади. Катта

Худудда топилган, пухта ясалган, асосан аёллар тасвирланган терракота (сопол ҳайкалча)лар, шубҳасиз, қандайдир мӯғиёна образлар билан боғлиқ бўлган. Шартли равишда «неолит Венералари» деган ном берилган, она уруғи шаклланган даврда юзага келган қўйна ҳосилдорлик ибодати билан боғлиқ бўлган аёлларнинг кичик ҳайкалчалари киши диққатини ўзига тортади. Ҳайвонлар шаклчаларининг топилиши эса хоразмликларнинг қадим аждодларида тотемизм элементлари пайдо бўлганлигидан ва улар бош маъбуда — ҳосилдорлик ҳомийсига бўйсунганидан дарак беради.

Бу даврда табиат билан инсон бирикиб кетган илк диний тасаввурлар шаклланибгина қолмай, қондошлик муносабатлари дастлаб ҳайвонларга, сўнгра табиий ҳодисаларга ва уларни гавдалантирувчи руҳлар ҳамда урӯф-қабиланинг ҳомий маъбудаларига аста-секин кўчирилган.

Сўнгги эллик йил ичиде Хоразм ўзбеклари орасида олиб борилган этнографик тадқиқотлар ҳам аждодлар топинган руҳлар ибодатини, тотемистик тасаввурларини, балки, айниқса, аёллар ва ҳунармандлар орасида сақланиб қолган авлиёлар ҳамда ҳомий маъбудалар ибодати қолдиқларининг аниқ изларини топиш имконини беради. Масалан, хоразмликларнинг қуён, сулгин, чағолоқ каби рақслари шубҳасиз, муайян тотемистик тасаввурлар билан боғлиқ. Тотемлар ҳам, руҳлар ҳам, ҳомий авлиёлар ҳам турли оиласвий-маиший маросим ва расм-русумларда, шунингдек, халқнинг бой мифологиясида, оғзаки эпик ижодиётида ўз ақсини топган.

Бу жиҳатдан олганда, Хоразмда этнографлар ўтказилган қизиқарли тадқиқотлар натижасида кўплаб афсоналарни тўплашган ҳамда маҳаллий аҳолининг маънавий ҳаётида катта ўрин тутган 130 дан зиёд зиёратгоҳ мозорларни текширишган. Руҳлар ибодати ва шомонлиқ, оиласвий-маиший маросимлардаги мӯғиёналиқ, ишлаб чиқариш ва турмушдаги ҳосилдорлик ибодатлари, авлиёлар, табиат ва ҳайвон ибодати, шунингдек оиласвий маросимчиликда, айниқса, дафн билан боғлиқ расм-русумда нисбатан мустаҳкам сақланиб қолган зардуштийлик қолдиқлари бўйича ноёб материал тўпланди. Хоразмлик авлиёлар тўғрисида ёзиб олинган афсона ва ривоятлар тарихий маълумотлар билан қиёсланиб, Хоразмда машхур бўлган бир қанча руҳоний ва дунёвий шахслар — шоирлар, мутафаккирлар, таниқли хукмдор-

лар ва уларнинг сафдошлари ҳамда бошқа сиёсий арбобларни муқаддаслаштиришнинг ижтимоий-фоявий сабаблари аниқланди.

Ибтидоий хоразмликларнинг жамоа уйлари олдида ҳар хил маросимлар ва рақс ўйинлари ўтказилганлигини атоқли шарқшунос олим С. П. Толстов илмий фарз қилган. Калтамиорликларнинг балки афсунгарлик ва тотемистик тасаввурлар билан боғлиқ ҳарбий маросимлар ёки шомонларнинг садрга тушиб рақс ўйинлар ўтказилганлигини этнографик тадқиқотлар орқали қиёс қилиб тикилаш мумкин.

Маълумки, Хоразм тўйларида, ҳалқ сайилларида кечалари гулхан ёқилиб, атрофида санъаткорлар ва раққосалар яқинларгача томошабинларга ўз санъатини намойиш қилиб келганлар. Бундай маросимларнинг ҳозиргача сақланган ва нафақат археологик қазилмалардаги деворий расмлардаги тасвирида, Наврӯз байрами вақтида ўтказилганлиги ҳақида Абу Райхон Беруний ҳам хабар беради.

Хоразм рақслари ва куйларининг энг қадимиyllигини тасдиқлаш учун тадқиқотчилар бутун Ўрта Осиёда антик замонда кенг тарқалган илк ватани Хоразм ҳисобланган зардуштийлик дини ва унинг маросимлари билан боғлайдилар. Асли ҳалқ байрамлари, сайиллари, куй ва рақслари ибтидоий даврлардан бошлаб, айниқса илк давлатлар ташкил топгандан сўнг диний байрам ва маросимлар билан узвий боғлиқ бўлган. Қадимги Хоразмда ҳам кўп санъат намуналари, байрамлари ва сайиллари диний тасаввурлар билан чамбарчас боғлиқ ҳолда шаклланиб келган. Шунинг учун ҳам маҳаллий маросимлар ва уларда ижро этиладиган рақс-ўйинлар Авесто ақидаларини ифодалаганлигини тадқиқотчилар қайд қиласидилар. Масалан, хоразм лазгисининг кўл элементлари илоҳий руҳдаги ҳарбий рақсларни эслатади. Этнограф Тўра Қиличевнинг таърифича, «ибтидоий хоразмликлар ҳам ирокезларга ўхшаш ҳарбий рақслар ташкил қилганлар ва зафар тантаналарини ўтказилганлигини исботловчи қадимий «лазги» ўйини ҳозиргача ўйналиб, ҳарбийлик характеристини ўзида сақлаб келаётир». Мазкур ҳарбийлик тизими муайян қонун-қоидаларга таянган ўзига хос бошқарув ташкилоти мавжудлигидан дарак беради.

Хоразмда ибтидоий жамоа муносабатларидан мулкчилик муносабатларига ва илк давлатчилик ришталари

пайдо бўлаётган ўтиш даврига оид анчагина археологик ёдгорлик ҳам мавжуд. С. П. Толстов маълумотларига кўра, урушдан олдинги тўрт йил ичида унинг экспедицияси аъзолари аниқлаган ёдгорликлардан 400 дан ортиғи эрамиздан аввалги IV минг йилликдан эрамизнинг XIV—XV асрларигача бўлган катта давр оралиғидаги Хоразмнинг қадимги дунёсини янгича кўз билан кўриш имконини яратди.

Сариқамиш бўйи ҳавзаси ҳудудида жойлашган Кўзалиқир шаҳристони ўтиш даврининг асосий обида-сидир (эрамиздан аввалги VI—V асрлар). Бу — ҳарбий истеҳкомларнинг аниқ структураси ва тизимиға эга бўлган илк Хоразм шаҳарлариданdir. Кўзалиқир турар жой массивида олиб борилган қазиш ишлари жараённида нақшинкор идиш, қурбонлик амалга ошириладиган тўрт оёқли тош буюм бўлаги, уни куббали бронза буюм парчаси, тилладан ясалган шоҳдор така боши ва эрамиздан аввалги VII—V асрларга оид саклар қабрларидан олинган буюмларни эслатувчи бошқа нарсалар топилди. Қадимги мозорқўргонлар материалларида ҳам воҳа ва дашт маданиятлари бир-бирларига ўзаро кириб боргани аниқ кўзга ташланади. Қадимги Хоразмнинг чекка жойларидағи кўплаб обидаларни текширганда, уларда дағн расм-русумлари фоят хилма-хил бўлганлиги, айни маҳалда Хоразмдаги зардуштийлик расм-русумларида осталдон (оссуарий — вафот этганларнинг сүяклари сақланадиган идишлар) типидаги қабрлар кенг тарқатилган маҳаллий дағн одатларига ҳам кучли таъсир кўрсатгани маълум бўлди. Энг муҳими мазкур диний ақида асли дастлабки инсонпарварлик ва социал-утопия фоялари билан сингдирилганлигига.

Зардуштийлик таълимотида инсон муаммоси ва мавқеи унинг эзгулик кучларининг узил-кесил ғалабаси гўё Зардуштдан уч минг йил кейин, унинг қўлда сақланган уру fidan пайдо бўлган халоскор — Саошянта келгандан сўнг намоён бўлади (бу фоя кейинчалик жаҳон ва бошқа динларга ўтган). Инсоннинг асосий бурчи одиллик турмуш тарзи — «эзгу фикр», «эзгу сўз», «эзгу иш» орқали ёвузликка қарши кураш воситалари бўлиши зарур. Энг зўр кураш воситаларидан бири моддий бойликларни кўпайтириш, фаровон турмуш яратишдан иборат. Авесто пантеонига кирган энг ҳурматли худолардан қуёш ва Нур худоси Митра ўз образида матриархат даврига оид белгиларни ифодаловчи ҳосил-

дорлик ва сув худоси Ардвисура Анахита диққатга сазовор.

С. П. Толстовнинг ёзма манбаъларга ва археологик қазишмаларга асосланиб зардустийликнинг келиб чиқиши тўғрисидаги фикрлари муҳим аҳамиятга эга. Масалан, Зардустийликдаги олов, сув, хаома, гуаш Урвана ибодати билан боғлиқ худолар билан бирга табиат кучларини ифодаловчи маҳаллий рамзи маъбудалар мавжуд бўлган. Шулардан қадимий ҳинд-эронликлар, жумладан хоразмийликлар, бақтрияликлар, сўғдийлар, марғиёналиклар ва ўртасиёлик «варвар»ларда кенг тарқалган. Осмон ва Зам номли мовий ва ер маъбудалари, Хвар ва Max номли Қуёш ва Ой маъбудалари диққатга сазовор. Тадқиқотчиларнинг мазкур номлар билан Хоразм этимологиясини боғлаб, бу атама «Хвар» (Офтоб) ва «Зам» (Ер) сўzlаридан келиб чиқсан, деб фараз қилишлари ҳақиқатга анча яқин, десса бўлади.

Узоқ ўтмишда ёзма манбаъларда тилга олинган бу улуф ва ажойиб ўлка афсона ва ривоятларда ҳам куйланган, «Шоҳнома» каби буюк асарларнинг пайдо бўлишига сабаб бўлган. Антик Хоразмнинг буюклигини дабдабали қалъалар ва қасрларнинг бизгача етиб келган сон-саноқсиз харобалари ҳам тасдиқлайди.

Зардустийлик дини яратилиш даври қадимги Хоразмнинг гуллаб-яшнаган даври бўлиб, бу вақтга оид ёдгорликлар жуда кўп ва хилма-хилдир. Ўлканинг антик даврдаги шаҳарларининг деярли барчаси воҳани даштдаги қўшни қабилалардан мудофаа қилиш мақсадида курилган. Амударёнинг ўнг соҳили бўйлаб бирин-кетин чўзилган дабдабали Кангақалъа, Жонбосқалъа, Бозорқалъа, Қирқиз, Қўроғинқалъа, Аёзқалъа ва Тупроққалъа йирик сугориш иншоотларининг этағида бир бирларига яқин қилиб курилиши, уларнинг муайян планга асосланган мудофаа системасига эга бўлиши ўша даврдаги Хоразмнинг ҳақиқатан ҳам қуратли давлат бўлганлигини кўрсатади.

Бу қалъаларни тадқиқ қилиш натижасида айниқса Қангақалъа, Жонбосқалъа ва Қўйқирилганқалъа харобаларидан топилган буюмлар, курилиш планировкаси ва бошқа топилмалар қадимий хоразмликларнинг нафакат турмуш тарзи, уларнинг диний эътиқодларини аниқлашга имкон беради. Масалан, Жонбосқалъа марказий кўчаси охирида жойлашган иморат харобаларини текшириш натижасида ўт ибодатхонаси бўлганлиги

аниқланди. Имарат ўртасидаги супачада қурилган ўчоқда муқаддас ўт доимо ёниб турган. Ибодатхонанинг ички девори тагида узун супа, оташхона ёнида эса ибодат қилувчиларнинг диний маросимларни ўтказишлари учун айрим хона ҳам мавжуд бўлган.

Кўплаб тадқиқотчилар, чунончи С. П. Толстов, зардустийликнинг ва унинг пайғамбари Зардусттнинг асли ватани Ўрта Осиё, шу жумладан қадимги Хоразм деб таъкидлашади. Археологик-этнографик маълумотлар хоразмликларнинг ибтидоий аждодлари турли диний тасаввурлари кейинчалик пайдо бўлган динлар, айниқса, дастлаб олов ва табиий ҳодисаларга эътиқод сифатида дунёга келган зардустийлик таълимоти билан генетик боғлиқ бўлганини тасдиқлайди. Бу диний тизимнинг асосини Анаҳита образидаги ҳосилдорлик маъбудига, турли табиий ҳодисалар, ёритқичлар билан боғлиқ самовий тимсолларга эътиқод қилишдан иборат бўлган ибтидоий динлар ташкил қиласди.

Табиий ҳодисалар ва кучларнинг зиддиятлиги, яъни бир ҳодиса, масалан, олов ва сув, ер ва ҳаво ҳам эзгулик, ҳам ёвузлик тимсоли бўлиши мумкинлиги, табақаланиш вужудга келиши билан боғлиқ бўлган ижтимоий зиддиятлар дуалистик диний тасаввурлар пайдо бўлишига олиб келди ва улар, энг аввало, эътиқод билан боғлиқ урф-одатларда намоён бўлади.

Қадимги Хоразмда дунёга келган зардустийлик учбуюк империя — аҳамонийлар, эронийлар, африйлар ва сосонийлар салтанатида давлат динига айланади. Бу империялар эрамиздан аввалги VI асрдан эрамизнинг VII асригача узлуксиз деярли ўн уч асрдан зиёд мавжуд бўлган ҳамда Яқин ва Ўрта Шарқнинг жуда катта қисмида ҳукмронлик қилган. Шу боис зардустийликни дастлабки жаҳон дини, Зардустийни эса шарқ пайғамбарларининг биринчиларидан деб ҳисоблаш мумкин. Машхур диншунос Мэри Бойс адолатли равишда қайд этиб ўтганидек, «Эроннинг (анттик Хоразмнинг ҳам — И. Ж.) ҳокимияти зардустийликка улкан обрў-эътибор келтирди ва унинг таълимотидаги айрим энг муҳим жиҳатлар яхудийлик, насронийлик, ислом динлари ҳамда гностик мазҳаблар томонидан ўзлаштирилди. Шарқда зардустийлик буддавийликнинг шимолий варианти ривожига таъсир кўрсатди». Бу диннинг айрим қоидалари «ноёб ва эътиборга лойикдир, — деб ёзади Мэри Бойс, — Бу қоидалар ўз

эътиқодчилари учун муайян мақсадни кўзлаб ва қониқиб яшаш имконини яратди». Насроний, сўнгра ислом дини айни шу ижобий қоидаларни ижодий ўзлаштирганликлари боис кейинчалик жаҳон динига айланиш имконига эга бўлди.

Хоразмликларнинг маънавий ҳаётида азиз-авлиёлар муҳим ўрин тутган. Бундай эътиқоднинг илдизи ҳам қадим-қадимга бориб тақалади ва давлатчилик фоялари билан боғлиқ бўлган. Ҳозирга қадар Нажмиддин Кубро, Замахшарий, Султон Увайс, Исламут ота, Юсуф Ҳамадоний, Паҳлавон Маҳмуд сингари авлиёлар халқ орасида машҳурдир. Паҳлавон Маҳмуд ҳатто Хиванинг пири-ҳомийси деб ҳам танилган.

Хоразмликларнинг авлиёларга бағишлаган ривоятлари, оғзаки поэтик ижодиёти намуналари фоят кенг тарқалган бўлиб, унда фольклорнинг турли жанрларига оид асарлар мавжуд. Бахшилар ва халпалар ижро этадиган достонларда нафақат илоҳий образлар, балки қадимий скиф-сарматлар ва массагетлар даври қаҳрамонлик достонларининг руҳи аниқ сезилиб турди.

Санъат даврлар ўртасидаги кўприқдир. Ҳозирги хоразмлик айниқса хивалик, мадирлик ва урганчлик меъморлар, истеъодли наққошлар, қандакорлар, заргарлар, кулоллар ва халқ ижодкорларининг юқори даражада бадиийлик билан яратилган бетакрор асарлари, шубҳа йўқки, қадимги хоразмликлар кўп асрлик нафис санъати ва ижодий фаолиятининг бевосита давоми бўлиб, уларнинг юксак маҳорати ва нозик бадиий дидидан дарак беради. Қадимий аждодларимиз санъатининг айрим қоидалари ва усуллари, ундаги буюк гуманистик фоялар ва маънавий маданият намуналари минг йиллар оша авлоддан-авлодга ўтказилиб бизнинг кунларгача етиб келгани таҳсинга лойиқдир. Шуни алоҳида қайд қилиш лозимки, умуминсоний қадрият фояларига асосланган кўпконфессионал, яъни турли диний тасаввурлар билан боғлиқ ягона синкрематик дунёқарашни шаклланиши эҳтиёжини юзага келтирган эди. Бундай фоя шубҳасиз гуманистик зардуштийлик таълимоти негизида юзага келган тарихий зарурат бўлиб, уни бутун Ўрта ва Олд Осиёда биринчи жаҳон дини Зардуштийни илк пайғамбар қилиб қўтарилишига сабаб бўлган.

Буюк донишманд шоир Абдулқосим Фирдавсийнинг

ўлмас асари «Шоҳнома» бунга ёрқин далил ҳисобланади. Чунки у инсон мавқеини юқори даражага кўтариб, олий гуманистик фояларни, адолатпарварлик ва халқ орзу-умидларини рўёбга чиқаришни, дунёда тўқ ва фаровон давлат яратиш зарурлигини зўр маҳорат билан тараннум этган. Шоир тили билан айтганда, барча нарсаларнинг ижодкори инсон, инсондан яхшилик, нур ва равшанлик, инсонсиз дунёда йўқ фаровонлик. Бу улуғ гуманистик фоя асли жаҳонда биринчи марта эрамиздан аввалги биринчи минг йиллик ўргаларида бутун Ўрта ва Олд Осиёга тарқалган зардуштийлик динининг муқаддас китоби Авестода ўз ифодасини топган эди. Янги динни оловни кашф этиб жаҳонга равшанлик сочган қаҳрамони номидан Фирдавсий шундай деб таърифлайди:

Тошдан ҳам чиқарди у оташ-олов,  
Жаҳонга равшанлик сочди бу партов...  
Жаҳондор яздонга дея оফарин,  
Шукронга саждага эгиб қоматин,  
«Бу оловмас — деди — Худо ҳадяси,  
Энди шунга бўлсин юрак саждаси!!!»,

Юксак фояларга тўла муайян тартибга солинган диний мафкурунинг жуда кенг территорияда жойлашган қадимий давлатлар ва элатлар орасида хукмрон бўлиши тасодифий ҳодиса эмас эди.

Тарихий манбаларга асосланиб тадқиқотчилар бепоён Евроосиё даштларида, шу жумладан Ўрта Осиёда эрамиздан аввалги III—II минг йилликларда ҳинд-европа тил туркумига оид жуда кўп ўтроқ ва кўчманчи турли элат ва қабилалар яшаганлигини исботлаб берганлар. Улар Олой тоги этакларидан Дунай дарёси қирғоқларигача, Урал тог тизмаларидан Ҳинд дарёсигача ниҳоятда кенг территорияни эгаллаб нафақат тили жиҳатидан, ҳатто хўжалик фаолияти, маданияти, келиб чиқиши ва этник тузилиши жиҳатидан ҳам умумий бирликка эга бўлганлар. Мазкур элатларнинг ўша даврда ўзларини «арий» (яъни бир уруғ одамлари) деб аталган қисмлари қўшни халқлар тарихида муҳим роль ўйнаганлиги аниқ. Дарё соҳилларида яшовчи ўтроқ «арийлар» дехқончилик ва хунармандчилик билан шуғулланган бўлса, дайди кўчманчи «арийлар» чорвачилик билан шуғулланганлар.

Эрамиздан аввалги III минг йилликнинг охирларида ёзма манбаъларда бу элат ва қабилалар скиф-сармат, сак-массагет номи билан тилга олинади. Асли ярим ўтроқ ва кўчманчи ҳисобланган ҳинд-европаликларнинг бир қисми Ўрта Осиёning шимолида, асосан Орол бўйи, кейинчалик Сир ва Амударё қути оқимига жойлашиб ўзига хос юксак маданият яратганлар. Ўша даврлардаёқ сак-массагет қабила ва элатлари металлдан ҳар хил меҳнат қуроллари ва яроғ аслаҳалар — ҳанжар, болта, найза, ўқ-ёй учи, хилма-хил бадиий безаклар, катта фидиракли уч-тўрт от қўшиладиган оғир аравалар ва ҳарбий юришларда ишлатиладиган енгил аравалар ясаганлар. Улар ҳатто янги чидамли от турларини парвариш қилиб, илфор уруш тактикасига эга бўлганлар. «Авесто» ва тош қояларга битилган зафарномалардан маълумки ўша даврларда ҳаракатчан темир совутли, от-аравали қўшинга эга бўлиш, муайян давлат бошқариш тузуми билан боғлиқ бўлган.

Эрамиздан аввалги II минг йиллик ўрталарида кўхна Хоразм, Марғиёна, Сўғдиёна ва Бақтрияда яшовчи ўтроқ, сугориладиган дехқончилик билан шуғулланувчи, эроний (форсий) тилда гапиравчи элатлар билан жуда яқин алоқада бўлган сак-массагетлар (уларнинг кўп қисми туркий тилга яқин шеваларда ҳам гапирган бўлса эҳтимол) бутун Яқин ва Ўрта Шарқни ҳам қисман Европани ларзага келтириб турган.

Евроосиё чексиз даштларида онда-сонда учрайдиган қадимий тепаликларида дағн қилинган бой қабила бошлиқларининг ва ҳарбийларининг дабдабали қабрларини қазиб текшириш натижасида скиф-сармат, сак ва массагет қабилаларининг юксак маданиятга ва қудратли ҳарбий кучга эга бўлганлигини исботлади. Қабрларда жасад билан кўмилган турли ҳарбий қуроллар, бе-закка бой юган ва эгарли от-аравалар, ажойиб сопол буюмлар, гўзал ҳайкалчалар, қимматбаҳо тош ва металлардан ясалган афсонавий безаклар бунга ёрқин далиллар. Антик замон муаллифлари таърифлаган, буюк Фирдавсийнинг «Шоҳнома»сида куйланган, кейинчалик гарб ва шарқнинг машҳур эпик достонларида тасвирланган, чунончи юқорида тилга олинган французларнинг «Роланд ҳақида кўшиқ» номли ажойиб достонида ёзилганидек, «...дашту биёбон Оссиана (Окс соҳилидаги — И. Ж.) юртининг худога ишонмаган лаънати қабилаларি» асрлар давомида машриқдан ма-

рибгача қўшни элат ва давлатларга ўз таъсирини ўтка-  
зив келган.

Шуниси муҳимки, сак ва скиф-сармат тепаликли-  
рида топилган бадиий буюмлар, от-ара ва, тия, қўчқор,  
илон ва бошқа афсонавий маҳлуқлар тасвиirlанган расм  
ва ҳайкаллар ўтган асрнинг охирларида жанубий То-  
жикистонда кашф этилган «Амударё хазинаси» буюм  
ва безакларида, кейинги Аҳамоний, Македониялик Ис-  
кандар ва Кушан давлати даврига оид топилмаларга  
жуда ўхшаб кетади. Қозоғистон ва Қирғизистон тоғ  
бағрларида, Ўзбекистоннинг кўп туманларида қоятош-  
ларга битилган ибтидоий расмларда ҳам от-туя қўшил-  
ган аравалар, ҳар хил ҳайвонлар — тия, тоғ эчкиси,  
қўчқор ва бошқа фалати маҳлуқларнинг тасвиirlаниши  
узоқ ўтмишда Ўрта Осиёликларнинг маънавий мадани-  
яти билан Евроосиё даштларида яшаган қабилалар мадани-  
тида қандайдир умумийлик, яқинлик мавжудли-  
гидан далолат беради. Туркманистон ва Ўзбекистон-  
нинг жанубий районларида топилган Жайтун маданияти,  
Қоратепа, Номозгоҳтепа, Ялонгочтепа ва бошқа  
обидаларда қилинган ажойиб кашфиётлар ҳам бу фикр-  
ни тасдиқлайди.

Ўрта Осиёда рўй берган ижтимоий-иқтисодий ўзга-  
ришлар, минтақадаги кўчманчи қабилаларнинг аста-  
секин ўтроқ ҳолатга ўта бошлиши, жамиятда мулкчи-  
лик асосида социал табақаланишнинг юзага келиши  
ижтимоий онгда ҳам муайян ўзгаришларга олиб кел-  
ган. Археология ва этнография соҳасидаги тадқиқотлар  
моддий бойликларни ишлаб чиқариш ижтимоий муно-  
сабатларнинг мураккаблашиши таъсирида диний та-  
саввурлардаги эволюцион ўзгаришларни тасвиirlашга  
имкон беради. Оқибатда илк давлатлар пайдо бўлган  
даврдаёқ эрамиздан аввалги I минг йиллик бошларида  
ижтимоий табақаланиш билан бир қаторда файри олам  
ҳам табақалана бошлайди: сон-саноқсиз руҳлар ичидан  
олий имтиёзли файритабиий мавжудотлар — худолар  
табақаси ажralиб чиқа бошлайди. Агар руҳлар айрим-  
ликни ифодалаган бўлса, худолар умумийликни ифо-  
далайди. Энг қадимий афсонавий образлар илгари та-  
биат кучларини ифодалаган бўлса эндиликда улар  
илоҳий куч сифатида ижтимоий муносабатларни ифо-  
далайдиган образлар сифатида намоён бўла бошлайди.  
Оқибатда политеистик, яъни кўпхудолик тасаввурлар  
пайдо бўлиб, худолар теварак-атрофдаги чексиз бор-

лиқнинг ҳамма томонини эгаллайди ва ўз назоратини ўрнатади.

Кенг ҳудудда бўлиб ўтган мазкур жараён асли Ўрта Осиёда, унинг ўзаги эса Хоразм воҳаси деса хато бўлмайди. Археологик қазишмаларда топилган буюм ва безакларда кўп учрайдиган афсонавий тасвиirlар, айrim худоларнинг образларини ифодаловчи ҳайкал ва расмлар узоқ ўтмишдаги аждодларимизнинг диний эътиқодлари, урф-одатлари тўғрисида мулоҳаза қилишга имкон беради.

Тарихий ва археологик маълумотларга қараганда, эрамиздан аввалги II минг йиллик ўрталарига келиб Ўрта Осиёда жиддий ўзгаришлар рўй берган. Юқорида қайд қилганимиздек, бу даврда табиат ўзгариши, айниқса, ҳавонинг совуши ва бошқа баъзи сабабларга кўра сон-саноқсиз қабила ва элатлар ҳаракатга келади. Ўша даврда Амударёнинг Жанубий Оқчадарё ҳавзаси майдонларини одамлар ўзлаштира бошлаганлар. Унинг ён ўзанлари бўйлаб Жанубий Уралбўйи даштларидан келган андронов аҳолиси маҳаллий сувёрғон қабилалири билан аралашиб кетган (асли генетик жиҳатдан хоразмдаги калтамиорликларга тақаладиган) элатлар жойлашган. Бу маконларнинг кашф этилиши натижасида, у ердаги кулба ва қишлоқларнинг қолдиқлари, кўхна ариқ тармоқлари ва далаларнинг аниқ излари, Жанубий Оқчадарё дельтаси аҳолисининг хўжалиги, уйлари ва турар жойлари тўғрисида археологларимиз жуда бой материалларни қўлга киритдилар. Хоразм бронза (жез) даврига оид бу кашфиётлар фанда мутлақо номаълум бўлган узоқ ўтмишдаги ижтимоий тузумни қайта тиклаш имконини берди. Қадимги тозабофёпликларнинг моддий маданияти ўрганиш, уларнинг илк давлат шаклидаги этник бирикма сифатида Евроосиё дашт бронза маданияти доирасига яқинлитини асли ҳавзанинг серунум тупроғидаги дехқончилик хўжалиги типида жанубий дехқончилик маданиятининг таъсирида ривожланганлигини кўрсатади ва ҳатто бу ерга аҳолининг айrim гурухларининг кўчиб келганлигини исботлайди.

Орол бўйининг жанубида серунум тупроқли ҳавза текисликларида ва уни ўраб олган дашт яйловларида анча мураккаб этник жараённи бошидан кечирган аҳоли жойлашган. Маҳаллий аҳолининг этник тузилишида ҳам жанубий, ҳам шимолий группаларнинг иштирок этганигини қадимий қабристонлардан топилган хроноло-

гик ва бошқа маълумотлар тасдиқлайди. Табиийки этник чатишмалар билан бирга уларнинг урф-одатлари ва диний тасаввурларида ҳам жиддий чатишмалар юз берган бўлиши керак. Айниқса диний тасаввурлар билан мифологик асарлар, оғзаки ҳалқ ижоди жанрлари билан диний ақидаларнинг узвий боғлиқлиги нафақат қандайдир социал-иқтисодий бирлик ва муайян давлатчилик тизими, балки кенг ҳалқ оммасининг дунёқарашида ва ижтимоий онгига ҳам янги диний таълимотлар билан бирга ибтидоий дин шаклларини сақлаб қолганлигини тасдиқловчи далиллар мавжудлиги диққатга сазовор.

Шундай бир мураккаб вазиятда минтақада синтетик тарзда юзага келган зардуштийлик дини янги ижтимоий тузумга мос келган эди. Ва лекин кўпчилик тарихчи, шарқшунос ва диншунос олимлар, юқорида айтилганидек турли манбаъларга таяниб зардуштийлик Ўрта Осиёда, айримлари ҳатто кўхна Хоразмда пайдо бўлган деган фикрни исботлашга ҳаракат қилганлар. Юқорида қайд қилинган арийлар ва бошқа турли элат ва қабилаларнинг турмуш тарзи, оғзаки ижодида ҳар хил жанрлардаги образлар, айниқса эртак ва достонларнинг қаҳрамонлари янги диний таълимотда ўз аксини топганлиги, шубҳасиз Ўрта Осиё билан боғлиқ эканлигини кўрсатади.

Абу Райхон Берунийнинг таърифича Хоразмда энг илк давлатчилик бу ерга эрамиздан аввалги 200 йилда Қайқавуснинг ўғли Сиёвуш келиб дастлабки Хоразмшоҳлар — Сиёвушийлар сулоласига асос солган. Мазкур сулола дастлаб Африкийлар, кейин Маъмунийлар давригача, яъни эрамизнинг 995 йилигача ҳукмронлик қилган ва қўшни давлатлар билан доимий иқтисодий ва маданий алоқада бўлиб турган. Эрамиздан аввалги I минг йилликнинг бошларида Ўрта Осиёда, (жумладан Хоразмда) пайдо бўлган қудратли давлатлар ўз ҳукмронлигини ўрнатиш ва уни мафкуравий жиҳатдан мустаҳкамлаш учун муайян гоявий воситага муҳтож ҳам эди. Маълумки, минтақада эрамиздан аввалги VII асрнинг охирида қисқа давр ҳукмронлик қилган Ассурия империяси емирилиб, унинг харобаларида икки давлат — Мидия ва Бобил пайдо бўлган. VI—V асрнинг ўрталарида эса Олд Осиёни ўзига бўйсундирган аҳамонийлар империяси юзага келади. Унга асос солган подшо Кир II (эрамиздан аввалги 558—529 йиллар) ўз қўли остидаги давлатда

ўзини барча мавжуд динларнинг ҳомийси, деб жар қилади ва уларга ҳатто моддий ёрдам беради. Шундай тарихий вазиятда юзага келган Зардустийлик дини шарқ мустабидларининг диққатини ўзига жалб қилган ва foявий байроқ бўлиб хизмат қилган эди.

Агар Хоразм зардустийлик таълимотининг ватани деган фикр ҳақ бўлса, бу кўхна ўлкада Мидия подшолигидек қабилавий конфедерацияга асосланган давлат эрамиздан аввалги IX—VIII асрларда шаклланган бўлиши мумкин. Чунки ўша даврлардан бошлаб Мидия подшолиги кучайиб қўшни мамлакатларга тажовузкорлик қила бошлаган ва ўз чегарасини Амударё соҳилларига етказган. Мазкур подшоликдан ажралиб чиққан янги Форс (Эрон) подшолиги Кир бошчилигига Кичик Осиё, Бақтрия, Сўғд ва Хоразмни ўзига бўйсундирган. Аммо унга қарам ҳисобланган Хоразм давлати ўз мустақиллиги учун курашиб жиддий қаршилик кўрсатган. Шундай қаршиликлардан бирида Хоразмликлар қучли Кир қўшинларини тор-мор қилиб, ҳатто Кирни ўлдирган. Демак, эрамиздан олдинги I минг йиллик ўргаларига келиб Эрон, Мидия, Ассурия каби империяларга қарши чиқа оладиган Хоразм давлати ўз қудратини намойиш қилган. Хоразмликлар ўз кучини кейин Аҳамонийлар ва Искандар вақтида ҳам кўрсатганлар.

Аҳамонийлар давридаги ўтроқ дехқон бўлиб ўзларини арий, ўз мамлакатларини эса Ариан (Эрон номи шундан келиб чиққан бўлса керак), деб атардилар. Қўчманчи арийларни аҳамоний форслари саклар деб, Ўрта Осиёнинг жанубидаги ўтроқ аҳолини турлар (Турон номи ҳам шу сўздан), деб атаганлар. Янги динга асос солган Зардустнинг ўзи ҳам тур бўлганлиги, унинг ваъзлари кўчманчи қабилалар орасида обруқ қозонмаганлиги туфайли у ўз ватанини тарқ этиб, Эронга келиб диний таълимотини тарғиб қила бошлаганлиги тўғрисида ривоятлар бор. Эрон ва Турон ўртасидаги рақобат ва интиҳосиз урушлар, тур ерлари ҳақидаги воқеалар нафақат ҳалқ оғзаки ижодида, улуф шоир Фирдавсийнинг ўлмас асарида ҳам батафсил тасвирланган. Ундаги Зардуштра (Зардушт) номи эроний тилда «кеекса, ёки сариқ тия эгаси» деган маънони англатади ва бундай ном кўчманчи чорвадорлар учун характерли атамадир.

Кўп тарихий асарларда Зардушт (ёки Зардуштра) афсонавий йифма образ, аслида бундай шахс бўлмаган,

деган фикр узоқ вақт хукм суриб келган эди. Кейинги тадқиқотларда, айниқса оригинал матнлар синчиклаб ўрганилиши натижасида бу фикрлар асоссиз бўлиб чиқмоқда. Айрим олимларнинг таърифича, Зардушт томонидан яратилган шеърий оят (гата)ларда бу пайғамбарнинг ҳаётига оид баъзи маълумотлар мавжуд. Масалан, бир ерда Зардушт ўзининг камбағалигидан нолийди, бошқа бир ўринда унинг оиласи, қизлари ва куёвлари бўлғанлиги тўғрисида хабар бор. Унинг образларга бой ижодида машаққат чеккан, курашларда чиниқкан, зўр истеъдод эгаси, ёрқин шахс намоён бўлади. Бошқа пайғамбарларга тўла етказа олмай чуқур изтироб чекади ва атрофдагилар уни душманлик билан қарши оладилар. Зардушт гаталарида илк пайғамбар мўъжиза, илоҳий жасорат, сеҳргарлик намоён қилмайди, бундай хатти-ҳаракатларнинг барчаси зардуштийликнинг кейин пайдо бўлган асарларида афсонавий руҳда унга нисбатан бўрттириб тасвиранган.

Асли Зардушт таълимоти Ўрта Осиёда илк давлатлар шаклланган давр, аникроғи эрамиздан аввалги I минг йилликда пайдо бўлиб у адабиётларда бошқа номлар билан ҳам аталади. Унга бош худо Ахурамазда номи билан маздаизм, бош муқаддас китоб Авесто номи билан авестаизм, асосий эътиқод оловга сифиниш бўлғанлиги туфайли оташпастлик ёки кейинги Зардуштийлик даврида худо Митра номи билан митраизм, деб аталган. Бу диннинг асосий бош асари Авесто Ўрта Осиё ва қўшни мамлакатларнинг деярли минг йиллик тарихи ва маданиятини ўрганишда энг муҳим ёзма манбаълардан бири бўлиб ҳам хизмат қиласи. Агар муайян ижтимоий тузум билан боғлиқ ёзув асли бирқанча асрлар, ҳатто минг йилларда пайдо бўлишини инобатга олганда ушбу минтақада давлатчилик эрамиздан аввалги II минг йилликларда юзага келган деган фараzmanтикий жиҳатдан асослидир.

Авесто ривоятларидан бирида, афсонавий биринчи одам ва эронийларнинг биринчи подшоси Йима осмон худоси Ахурамазда унга берган ерларини кенгайтирганлиги тўғрисида ҳикоя қилинади. Йима уч юз қиши ҳукмронлик қиласи. Шу давр ичида унинг ерида ўсимликлар, күшлар, ҳайвонлар, чорва ва одамлар шундай кўпайиб кетганки, турар жой ҳам қолмаган, ерга ҳам оғирлик тушган. Кейин Йима ўз одамларини янги ма-

кон излаб, күёш йўли билан жанубга бошлаган ва у срда 600 йил ҳукмронлик қилган. Яна аҳоли кўпайиб зич бўлганидан, Йима ўз кишиларини 900 йил давомида аста-секин яна жануб томон кўчириб олиб кетади ва охирида орзу қилган ўлкаси Арионам Ваэжога етади. Йилнинг етти ойи илиқ қиши, беш ойи файзли гўзал ёз билан ўтган. Аммо Авестонинг бош образларидан ёвузлик худоси (руҳи) Анхра Майню (Ахриман) келиб, бу серунум сахий ўлкани сув билан таъмин қилиб турган дарёни «қирғин келтирадиган улуғ илон — қаҳратон қиши билан тўлдирган». Эндиликда бу ерда ўн ой қиши ва фақат икки ой ёз бўлган.

Айрим олимларнинг фикрича, бу афсонавий ўлка муқаддас Амунинг қуи оқимида кўҳна Хоразм деб ҳисобланади. Археологик ва тарихий тадқиқотлар ҳам бу фикрни тасдиқлайди. Беруний берган маълумотларга қараганда Хоразмга афсонавий қаҳрамон Сиёвуш келиб, дастлаб давлатга асос солган даври Хоразмга йил ҳисобининг бошланиш санаси «буюк кўчишлар» даврига тўғри келиши диққатга сазовор бўлиб, Берунийнинг хронологиясига анча яқин. Эрамизнинг X асррига қадар, ҳукмронлик қилиб келган мазкур афсонавий сиёвушийлар сулоласининг асосчиси Авестода Сиёворшон номи билан тилга олинади, унинг образи халқ достонлари ва ривоятларида ярим худо қиёфасида гавдаланади.

Хоразм эртакларида жуда кўп учрайдиган девлар, аждаҳо ва бошқа турли ёвуз қучлар Авесто образларига тўғри келиши ҳам тасодиф эмас. Авестонинг айрим қиссалари Фирдавсий асарларида тилга олиниб, Сиёваршона ва Ҳусрав кўрсатган қаҳрамонликлар билан боғлиқ воқеалар Урва (Урганч) яқинидаги кўлларга бой ўлкада, Бурукаш (Орол) денгизи атрофларида ҳамда дахлар ва сарматлар (Волга бўйи даштлари) мамлакатида рўй беради. Шу орада Буракаш денгизига яқин жойда Ардви (Амударё) ирмоқлари пайдо қилган оролларда «еттита киришвор» аҳоли яшаган энг қадимий вилоятлар юзага келган. Бу ерда Сасраок номли муқаддас хўқизга миннган дастлабки авлодлар муқаддас маздакий оловини келтиради. Шу оловнинг энг қадимийси ва энг ҳурматлисини Йима (Жамшид) Хоразм тоғларидан бирининг чўққисига ўрнатади.

Йима эса буюк «Шоҳнома»да Жамшид образида намоён бўлади. Жам (йим киши исми) шид-нуроний

деган маънони англатади. Унинг подшолик қилган даври ёруглик зулмат устидан, адолат ёвузлик устидан, инсонлар девлар устидан узил-кесил ғалаба қилган, ҳатто ўлим енгилган, ҳар бир дардга даво топилган замон деб таърифланади, эронийларнинг афсонавий тарихида «олтин давр» деб ҳисобланади. «Шоҳнома»даги бир афсонага кўра, Жамшид авлоди Хушанг Прометей сингари оловни кашф этиб, сада байрамида кишиларга ўргатиб, уни муқаддаслаштиради. Унда зардустийлик динининг асосий эътиқоди оловга сифинишнинг пайдо бўлиши ҳақида ҳикоя қиласди.

Шундан бери оташ қибласи бўлди,  
Шуъласидан дилга ёруглик тўлди,  
Кеча киргач, ўт ёқиб айлади гулхан,  
Гулхан атрофида аъёнлар билан  
Ўлтириб бошлади базм ва байрам.  
Сада деб ном берди дилдан ариб фам  
Сада базми ундан қолди ёдгор,  
Хушангдек бўлсайди бари шахриёр...

Зардустийликнинг энг муҳим белгиси унинг дуалистик характерга эга эканлигидадир. Унда ёруглик, эзгулик худоси Ахурамазда (Ормузд) ва қоронгулик, ёвузлик худоси Ангра Майню (Ахриман) орасидаги доимий кураш ётади. Асли Зардуст дини Урта Осиё қабилалари қадими худолари образидан келиб чиқсан. Икки худо — Варуна ва Митра — илк худоларнинг бошида турган. Бу жуфтликда жамоа ва давлат яратган қонун-қоидаларни ифодаловчи образлар Варуна жамият ахлоқий тартибларини бузган кишиларни жазоловчиси, Митра эса инсонларга яқин бўлиб, у кишилар ўртасидаги аҳд ва дўстлик худоси сифатида тасвирланади. Мазкур диний тасаввурлар ўрнида пайдо бўлган Зардустийлик Варуна образини Ахурамазда (денишманд худо) сифати билан улуғлайди ва уни бутун коинот ва жонли мавжудотни, руҳларни, инсон ва жониворларни яратган ягона худога айлантирган. Бу бунёдкор парвардигор инсонга эзгулик ва ёвузлик, ҳақиқат ва ёлғонни танлаш ихтиёрини берган. Бунда тарихда биринчи марта ижтимоий зиддият ва ёвузлик муаммоси илоҳий образлар орқали ифодаланган.

Зардуст таълимотининг муҳим томони шундаки, у ижтимоий зулмга қарши курашиш имкониятини, бун-

да ҳам рух, ҳам инсон ўз йўлини танлаши лозимлигиги баён этади. Мазкур фоя буюк «Шоҳнома»да ҳам ўз аксини топган. Унда инсон ҳаёти кўринишларининг моҳирона тасвирларида, кишиларнинг ўзларига хос эзгулик ва камчиликларни, ижобий ва салбий томонлари тасвири ифодаланган. Иккинчи асосий фоя яхшилик ва ёмонлик орасидаги азалий ва абадий кураш фоясидир. Асарда зўр маҳорат билан дунё Ахурамазда бошлигидаги яхшилик кучларининг Ахриман кўл остидаги ёвузлик лашкарларига қарши кураш сифатида талқин этилади. Тадқиқотчилар қайд қилганидек, «Шоҳнома»да ўтроқ аҳоли эронийлар уларнинг қўшнилари эзгулик кучлар мужассам ҳисобланса, туронийлар, румийлар ва бошқа барча кўчманчилар ёвузлик — Ахриман томонидан юборилган бало, деб тасвирланади. Фирдавсийнинг энг севимли образи Рустам ёвуз ниятли босқинчиларга қарши курашдан голиб чиқиб, ўз биродарига урушдан кейинги эл аҳволини таърифлаб шундай деб ёзди:

Бир четда қолади ростлик, аҳд-паймон,  
Хурматда бўлади эгрилик, ёлғон.  
Ҳақиқий жангчилар айланур ётга,  
Лоғчи, опқочарлар минишар отга,  
Хунарсиз дехқонлар бўлади аскар,  
Мева бермай қўяр наساب ва хунар.  
Пинҳона ошкордан баттарроқ бўлур  
Шоҳлари тош кўнгил, бебошвоқ бўлур —  
Ёмонлик ўйлайди отага бола,  
Ўғилдан отанинг дилида нола...  
Эронига араб турклар қотишиб,  
Уруғ пайдо бўлур бари чатишиб,  
На турку, на араб, на дехқон бўлур,  
Тили ҳазил-мазах, сўз ёлғон бўлур.

Асарнинг бош қаҳрамони номидан айтилган бу башорат сўзлар асли зардуштийлик динининг асосий фоявий моҳиятини ифодалабгина қолмай, балки бизнинг замонамиз муаммоларини тушунишга ёрдам берадиган муҳим фоялар десак хато бўлмайди.

Қадим ўлкамизда пайдо бўлган буюк аждодимиз илк пайғамбар Зардушт таълимотининг энг зўр ва муҳим муаммоларидан бири икки ярим — уч минг йиллар муқаддам барча машхур гуманистик асарларда ва ҳалқ

ижодида куйланиб келган юксак фоя инсон муаммосидир. Илк пайғамбар, унинг таърифича, барча одамлар эзгулик йўли ва ёвузлик йўлини ихтиёрий равишда танлашади. Бу ахлоқни эркин танлашда тарихий бурилиш даври, бир турмуш тартибидан бошқасига ўтиш учун характерли бўлган шахс озодлиги ўз аксини топган. Инсон мавқенини улуғлаб, Зардуст ўз наздида ҳақиқат, яъни тўғри турмуш тарзи тинч меҳнатдан иборат. Унинг фикрича, бу дунёда катта қурбонликлар шарофати билан нариги дунёда катта қурбонликлар шарофати билан баҳтга эришиш мумкин эмас. Тинч меҳнат, бойликларни жамғариш ва уларни муҳофаза қиладиган тежамкорлик ҳам мустаҳкам ҳокимият — Зардуст яратган Арта (ҳақиқат, тартиб)нинг мазмуни ана шундан иборат. Ҳеч бир бошқа динларда меҳнат ва тинчлик фоялари бу тариқа улуғланмаган, инсон мавқеи бунча юқори кўтирилмаган. Бундай гуманистик таълимот юксак цивилизация заминида пайдо бўлган давлатчилик тузумига хизмат қилиши табиийdir.

Шуниси қизиқки, Зардуст таълимотидаги инсон муаммоси оташин сатрларда жўшқин руҳда «Шоҳнома»да ҳам куйланади. Фирдавсий ўз достонида инсонга озор бермасликка, ёмонликнинг уругини қутишига давват этади. Одам энг қимматли гавҳар, барча нарсанинг ижодкори инсон, унга ёмонлик раво кўрмаслик, деган фикрни илгари суради. Доимо тинчлик тарафдори қон тўкишига қарши бўлган Фирдавсий пайғамбар Зардуст сингари ҳаётни қадрлашга, инсонни эъзозлашга чорлади.

Билиб қўй яхшимас қон тўкиш асло,  
Бегуноҳларга ҳеч келтирма бало!  
Сабабсиз жанг бошлар экан қай инсон,  
Бўлур жигари қон, ранги зафарон...  
Инсондан яхшилик, нур ва равшанлик,  
Инсонсиз дунёда йўқ фаровонлик.

Зардустийлик таълимотига биноан келажақда, юқорида қайд қилганимиздек, Ахурамазда ва Ахриман ёвуз девлар устидан ғалаб қозонади, бутун инсоният бирикиб, ягона тил ўрнатилади, барча одамлар фаровон ва тинч ҳаёт кечирадилар. Аммо «зиё салтанати», яъни жаннатга ҳаёт ўрнатилишидан олдин қиёмат қойим бошланади, бутун жонзотлар эриб турган маъдан ичидан ўтадилар.

Гаталарда бундай дейилади: «қип-қизил олов ва эриб турган маъдан синовидан ўтгач, Дурж (ёлғон, тартибсизлик руҳи) тарафдорлари зулмат салтанатига, Арта (ҳақиқат, тартибот руҳи) тарафдорлари эса зиё салтанатига тушадилар». Мазкур фоя умуминсонни эзгу ниятларини ўзида мужассамлаштирган инсонпарварлик таълимоти асосида жамиятни бошқариб турган давлат тузумига хос мафкура бўлиб хизмат қилганлиги табиийдир.

Унда жаннат ва дўзах тасаввuri қуйидагича тарьифланган: «Келажакда ҳар кимнинг ўз эгаси бор. Ким Арамати (тинчлик) билан дўстлашса, ўша Ахурамазда ва Арта салтанатига тушади». Зардушт фикрича, ўлгандан сўнг кишининг руҳи жар устидан чинвот (исломдаги Сирот — И. Ж.) кўпригидан ўтиши керак. Бу кўприк тақвадорлар учун кенг ва равон бўлса, ёвузлар учун қилдай энсиз бўлиб қолади ва оқибатда улар жаҳаннамга қулаб тушадилар.

Мазкур фоялар кейинчалик иудаизм, христианлик ва ислом динларида ўз аксини топган эди. Жаҳон динларига ўтган охират таълимоти ва одамларнинг нариги дунёда худо олдида тенг бўлиши фоялари ўша даврда Ўрта Осиё ва бутун Ўрта Шарқни ларзага келтирган, бой-зодагонлар ва руҳонийларга қарши қаратилган маздақизм номли халқ ҳаракатида ўз ифодасини топади. Маниҳой коҳини Маздак бошчилигидаги диний ниқобда бошланган бу ҳаракатнинг фояси «Шоҳнома»да жўшқин сатрларда кўйланади:

Маздак оддий халқа фикр этиб изҳор,  
Дерди: «Бою гадо — баробар зинҳор.  
Кам ортиқ бўлмасин ҳеч кимнинг моли,  
Бир бўлсин ўриш ва арқоқ мисоли,  
Бойлик, бечоралик бўлмасин, токим  
Тенглик бўлсин жаҳон мулкида ҳоким  
Бир хилда яшасин қашшоқ билан бой.  
Қашшоқда ҳам бўлсин оила, уй-жой  
Ушбу эътиқодим менинг динимдир...»

Бундай демократик ва гуманистик фояларнинг пайдо бўлиши Авестонинг энг қадимий қисми «гаталар» китоби изҳор қилинган ибтидоий жамоа тузуми анъ-аналарининг таъсири ва акс садоси эканлиги муҳим аҳамиятга эга. Чунки ундаги утопик социализм таълимотининг куртаклари ва демократия фоялари асли анча

тарақкий қилган шубҳасиз давлат тузумига эга қонун-қоидали жамият маҳсул бўлиб, бизнинг узоқ ўтмишдаги аждодларимиз биринчи жаҳон динининг муқаддас китобини оламга ҳадя этганлар. Улар инсон мавқеини меҳнат, тартиб, ахлоқ билан боғлаб, гарб маърифатчиларидан ва утопик социализм қашфиётчиларидан минг йиллар олдин буюк инсонпарварлик туйгуларини меҳнат аҳлининг эзгу ниятларини биринчи бўлиб муқаддаслаштирганини алоҳида қайд қилишимиз лозим. Юртбошимиз Ислом Каримов асосли равишда айтганидек, ҳақиқатан ҳам, «Авесто» айни замонда бу қадим ўлкада буюк давлат, буюк маънавият, буюк маданият бўлганидан гувоҳлик берувчи тарихий ҳужжатдирки, уни ҳеч ким инкор этолмайди».

Маълумки, гарб тарихида машҳур реформатор (ислоҳотчи)лар ва маърифатчилар даври энг зўр ва ажойиб Ренессанс (Ўйғониш) деб номланган даврни ҳозирги замон маданиятининг бешиги ҳисобланган антик Рим ва Юнонистон маданиятига қиёс қилиниб таърифланади. Асли дастлабки гуманистик ғоялар реформатор (ислоҳотчи)лик ҳаракати Ўрта Осиёнинг буюк фарзанди Зардушт пайғамбардан бошласак ҳақиқатга тўғри келади. Чунки унинг таълимоти нафақат инсонпарварлик ғояларини биринчи бўлиб илоҳийлаштириб дунёвий ҳаётни муқаддаслаштирган, унинг асосий ақидалари кейинги жаҳон динлари — христианлик ва исломнинг ақидавий ва ибодат қоидаларига ҳам замин бўлган.

Зардушт образи муқаддас Таврот, Инжил ва Қуръонда куйланган пайғамбар тақдирига тўғри келиши ҳам тасодиф эмас. У ҳам муайян тарихий даврда Ўрта Осиёда дастлабки ижтимоий табақаланиш ва давлатларнинг пайдо бўлиши ва шаклланиш жараёнида юзага келади. Оқибатда минтақада даставвал политеизм (хўп худолик) ва кейинчалик монотеизм (якка худолик) ғояларнинг умумий қонун-қоидалаштириш заруриятини мавжуд диний тасаввурларнинг танланиши ва тартибга солинишига сабаб бўлади. Бундай зарурат Ўрта Осиё шароитида реформатор сифатида Зардуштни биринчи пайғамбарлардан бири қилиб тарих саҳнасига кўтарган эди.

Юқорида қайд қилинганидек, Зардушт афсонавий шахс деб таърифлансада, асли тарихий образни ўзида мужассамлаштирган аммо кўп асрлик тарих илоҳиёт-

чиларнинг ижодий фаолияти туфайли афсоналарга чулғанган шахс сифатида намоён бўлади. Зардуштийлик анъанасига биноан унинг ҳаёт даври эрамиздан аввалги VII аср охири — VI аср бошларига тўғри келади. Аммо мазкур таълимотдаги фоялар узоқ даврлар шаклланаб келиши шубҳасиз. Бир қатор олимларнинг фикрича, Зардушт ўз тарғиботини Ўрта Осиёдаёқ бошлаган ва лекин бошқа пайғамбарлар сингари у ҳам ўз ватанида муваффақият қозонмагач бу ерни тарқ этишга мажбур бўлган. Тарихчи И. М. Дъяковнинг ёзишига кўра, Зардуш узоқ саргардонликдан кейин Дрангие (ҳозирги Эрон билан Афғонистон чегарасидаги) ўлкасига бориб, унинг ҳокими (кави) Виштаспа ҳузуридан паноҳ топган. Маҳаллий ҳоким янги диний таълимотни тарғиб қилишда пайғамбарга ёрдам берган.

Зардуштийлик таълимотида инсон муаммоси ва мавқеи унинг эзгулик ва ёвузликка бўлган муносабати билан ўлчанганд. Эзгулик кучларининг узил-кесил ғалабаси Зардуштдан уч минг йил кейин, унинг қўлда сақланган уруғидан пайдо бўлган халоскор — Саошянта келгандан сўнг намоён бўлади (бу фоя кейинчалик жаҳон ва бошқа динларга ўтган). Инсоннинг асосий бурчи одиллик турмуш тарзи «эзгу фикр», «эзгу сўз», «эзгу иш» орқали ёвузликка қарши кураш воситалари бўлиши зарур. Энг муҳим кураш воситаларидан бири моддий бойликларни кўпайтириш, фаровон турмуш яратишдан иборат. Авество пантеонига кирган энг ҳурматли худолардан Қўёш ва нур худоси Митра ўз образида матриархат даврига оид белгиларни ифодаловчи ҳосилдорлик ва сув худоси Ардвисура Анахита дикқатга сазовордир.

Яна бир ўзига хослик бу диндаги дағн маросими. Унга биноан тобут ва жасад билан боғлиқ кишилар (ўлик ювғучи) бутун умр нопок ҳисобланиб, улар олов, сув, муқаддас буюмлардан 30 қадам, бошқа одамлардан уч қадам узоқликда бўлиши, яъни яқинлашмаслиги шарт ҳисобланган. Шундай қилиб, табақаланиш диний жиҳатдан муқаддаслаштирилган. Ҳатто ётиш-туриш ҳам табақаларга қараб тайинланган. Масалан, хўрозднинг биринчи қичқириши билан дастлаб олов меҳроби хизматчиси, иккинчи қичқиришида — дехқон, учинчисида — бошқа одамлар уйғониши зарур.

Энди яна мазкур диннинг пайғамбари Зардуштнинг илк ватани Хоразмга қайттайлик. Кейинги йилларда ўтказилган тадқиқотларга биноан С. П. Толстовнинг

ёзма манъбаларга ва археологик қазишмаларга асосланиб зардустийликнинг келиб чиқиши тўғрисидаги фикрлари яна ҳам мустаҳкамланади. Масалан, Зардустийликдаги олов, сув, хаома, гуаш, Урвана ибодати билан боғлиқ худолар билан бирга табиат кучларини ифодаловчи маҳаллий рамзий маъбудалар мавжуд бўлган. Шулардан қадимий ҳинд-эронликлар, хоразмийликлар, бақтрияликлар, сўғдийлар, марфионаликлар ва ўрта осиёлик «варвар»лар орасида кенг тарқалган Осмон ва Зам номли мовий ва ер маъбудалари, Хвар ва Max номли Күёш ва Ой маъбудалари диққатга сазовор. Тадқиқотчиларнинг мазкур номлар билан Хоразм этилмологиясини боғлаб, бу атама «Хвар» (офтоб) ва «Зам» (ер) сўзларидан келиб чиқсан, деб фараз қилишлари ҳақиқатга анча яқин. Узоқ ўтмишда ёзма манбаъларда тилга олинган бу улуғ ва ажойиб ўлка афсона ва ривоятларда ҳам куйланган, «Шоҳнома» каби ноёб асарларнинг пайдо бўлишига сабаб бўлганлигини Фирдавсийнинг ўзи қайд қиласи. Антик Хоразм давлатининг буюклигини дабдабали қальалар ва қасрларнинг бизгача етиб келган сон-саноқсиз харобалари ҳам тасдиқлайди.

## МИНГ ЙИЛЛИК СУЛОЛА ВА БУЮК ХОРАЗМШОҲЛАР ШАЖАРАСИ

Хар бири буюк бир уста дастхати,  
Хоразм шонидан ўйма нақш ёдгор,  
Бири юз йилларнинг ёрлиги бўлса,  
Бирида минг йиллик тарих муҳри бор.

*Омон Матжон*

Машҳур тарихчи Наршоҳий ўзининг «Тарихи Бухоро» номли ажойиб асарида қадимий даврлардан «бу ерда халқ орасида хоразмликларнинг кумуш тангаси муомалада бўлган», деб ёзди. Антик даврни жиддий ўрганган С. П. Толстов экспедицияси Хоразм ҳудудида ниҳоятда кўпсонли танга нусхаларини топган эди. Бундай топилмалар нафақат Амударё ва Сирдарё воҳасида, узоқ-яқин мамлакатларда ҳам каашф этилган. Наршоҳийнинг таърифича, ҳатто VIII асрга келиб хоразм дирхамлари бухоро тангаларини сиқиб чиқарган.

Хоразм экспедицияси ходимлари афиргийлар давлатининг пойтахти ҳисобланган Тупроққалъя ҳароба-

ларидан ва унинг теварагидан, Норинжон ва Беркутқалъа атрофларидан ҳам уларга яқин қасрлардан, Анқақалъа, Ўллигулдурсун, Қўшпўрсан, Жилдиққалъа, Аёзқалъа каби ҳаробалардан дастлабки йилларда ё мингдан ортиқ танга нусхаларини, асосан мис тангаларини топғанлар. Маълумки асли танга-сақа зарб қилиш нафақат давлатчилик, балки муайян давлатнинг мустақил эканлигидан далолат беради. Хоразм тангаларининг кўпчилигига, айниқса кумуш ва олтин тангаларида айрим подшоларнинг ёки афсонавий образларнинг зарб қилиниши ҳам бу ерда ўзининг ички ва ташқи сиёсатини олиб борган қудратли давлат тузуми мавжудлигини тасдиқлади. Ҳатто кўпчилик тангалар муайян тамғаларга эга эканлигини инобатга олсақ, бу давлатда нафақат мустабид подшолар, айрим вилоятлар ёки ҳокимдорлар мустақил социал-иктисодий сиёсат олиб борган бўлса таажжуб эмас.

Шуниси қизиқки, эрамиздан аввалги I асрдан эрамизнинг VIII асригача, яъни араб истилосига қадар даврга оид топилган хоразм тангаларида тасвирланган чавандоз образи кўп жиҳатдан хоразмшоҳлар сулоласига асос солган афсонавий Сиёвуш образини эслатади. Қадимий афсона ва достонларда тасвирланган, «Авесто»да Сиёваршан номи билан тилга тушган, паҳловий адабиётида ва машхур «Шоҳнома»да ҳам, ҳатто Беруний асарларида ҳам Сиёвуш (яна бир диққатга сазовор номи Сиёваҳш) фақат ярим худо — қаҳрамон сифатида тасвирланади.

Тадқиқотчилар тангалардаги расмларга қараб уларни икки гуруҳга бўладилар: сиёвушийларнинг бизга маълум бўлган қадимги тамғаси босилган, кумуш тангалнинг ўнг томонига мунҷоф ёки тўқа билан безатилган думалоқ тож кийган соқолли подшонинг бежирим қилиб ишланган расми туширилган; танганинг тескари томонида — тантанали равишда қадам ташлаб бораётган отга минган чавондоз сурати ва бузилган қадимий юонон ҳарфларидан иборат ёзув. Шу тарздаги мис тангаларнинг реверс, яъни тескари томонида марказда хоразм ёзуви билан безатилган тамға белгиси; ўнг томонида соқолли ёки бесоқол тож кийган подшо сиймоси ромб шаклидаги мунҷоқлар билан ҳошия қилиб безатилган расм. Иккинчи гуруҳга, анча кенг тарқалган, Ўрта Осиёнинг турли районларидан шимолда Тошкент во-дийсидан Шимолий Ҳиндистонгача «герай тангалари»

номи билан кирган тангалар ҳам бир томонида подшонинг бюсти, тескари томонида чавандоз тасвиirlанган бўлиб, жуда кўп топилган. С. П. Толстов таърифлаганидек, энг қадимги Хоразм тангаларининг Грек-Бақтрия тангаларига ўхшашлиги сулолалар ўртасидаги алоқаларга ҳам боғлиқ бўлиши эҳтимолдан холи эмас, чунки қадимги замонда зарб қилинган аксарият тангаларга ана шу нарса хос эканлиги аниқ сезилади.

Танга муносабатини пайдо бўлиши давлатда социал-иқтисодий ва маданий баркамоллик ва осойишталик ўрнатилганлигининг ёрқин далилидир. Зўр цивилизация яратган маҳаллий элатлар моддий маданиятининг яна бир кўриниши ўша даврга оид археологлар кашф этган уй қурилиши ва рўзгор буюмлари, кийимкечак ва безакларнинг намуналари, айниқса қаср ва қалъа ҳаробаларидан топилган тангалар, ҳайкаллар ва деворий расмларда аниқ тасвиirlанган. Ҳашаматли кийим сарполар кийган қандайдир афсонавий образлар шубҳасиз замонасининг тўқ фаровон яшаган задоганлар вакиллариdir.

Топилмалар тасвиirlанган қадимий хоразмликларнинг кийим-бошлари Яқин Шарқдаги қабилаларнинг кийимлари билан жуда кўп умумийликка эга эканлиги уларнинг «фригия қалпоғи» ва узун қўнжли этиклардан тортиб, хотин-қизларнинг сарполари ва безакларигача ҳаммаси қадимги Ассирия (хетт) ва Эрон кийим бошлари, бўртма нақшкорлиги ҳамда грек санъати ёдгорликларидан маълум. Турли безак ва тақинчоқлар осган узун бурма балки ипак кийимлар кийган аёллар образи мамлакат аҳолисининг турмуш тарзи ва маданиятини тушунишга имкон беради. Мазкур тарихий алоқалар Марказий ва Фарбий Ёвроосиё ҳалқлари этногенези ва этник тарихининг бальзи ечилмаган муаммоларини ҳал қилишга ёрдам беради. Шуниси муҳимки, Ўрта Осиё ҳалқлари яратган юксак цивилизация ва илк давлатлар энг қадимий даврлардан моддий-маданий жиҳатдан узоқ-яқин Ёвроосиё ҳалқлари ва давлатлари билан доимий алоқада бўлиб турганлиги. Шунинг учун ҳам нафақат моддий маданият умумийлиги, савдо-сотиқнинг мустаҳкамлиги, балки давлат бошқариш усувлари, солиқ системаси каби масалаларда ҳам яқиндан ўзлаштириш мавжудлигини аниқлаш мумкин.

Эрамиздан аввалги I минг йилликларда Грек-Бақтрия

давлати емирилиб, унинг ҳаробаларида Кушан империяси кўтарила бошлайди. Илк давларда император Канишка (78–123 й.) ҳукмронлик қилган вақтда Хоразм ярим вассал сифатида Кушан империясига кирган бўлиши мумкин. Аммо эрамизнинг I–II асрларидан бошлаб Хоразмда маҳаллий шоҳларнинг танглари зарб қилиниб кушан тангларининг сиқиб чиқарилиши африйлар сулоласи ҳукмронлик қилаётган Хоразм давлати илгариgidан сиёсий мустақилликка эришганлиги ни кўрсатади.

Аммо зўр қудратли Кушан давлати Канишка даврида жуда кенг ҳудудни ўз ичига олган, замонасининг буюк давлатлари Рим, Парфия, Хитой билан бир қаторда машхур бўлган. Унинг чегаралари Фарбда Орол ва Каспий денгизи бўйларигача, Шарқда Қашғарларнинг Хутан шаҳридан Ганг бўйларидаги Банорасгача, жанубда Ҳинд дарёсининг қуи оқимигача чўзилган. Канишка ғолибона юришлардан ташқари мамлакатда катта қурилишлар қилган, кўп давлатлар билан иқтисодий, савдо ва сиёсий алоқалар ўрнатган. Кушан ҳудудида жуда кўп рим тангларининг топилиши, Римга кушан элчиларининг бориши бунга далил бўла олади. Кушан танглари эса айрим Олд Осиё ўлкаларида, Кама бўйларида ҳам топилган. Тарихчиларнинг хабар берисича, Хитойга буддизм Кушан империяси орқали тарқалган.

Кушан даврида унга қарашли ва қўшни мамлакатларнинг маданиятига таъсири зўр бўлган. Бу даврда пайдо бўлган гандҳар санъати, айниқса архитектура ва ҳайкалтарошлиқ намуналари Шимолий Ҳиндистонда, Бақтрияда, Қабул дарёси водийсида, Амударёнинг юқори қисмида сақланиб бизгача етиб келган. Машхур гандҳар санъати Хитой, Ҳинд-Хитой, Япония ва Индонезия ҳалқлари маданиятига зўр таъсир қилган ҳамда унинг анъаналари ҳозиргача сақланиб келмоқда. Кушан империяси давридаги дин, бинокорлик ва бадиий санъат соҳасидаги ўзгаришлар Хоразм маданиятига ҳам таъсир этган. Мазкур юксак маданият Ўрта Осиёнинг бошқа ҳудудларига, чунончи қадимги Бақтрия (Айртом обидаси), Тўхористон (Болаликепа ёдгорлиги) маданиятлари ҳам асли гандҳар санъати анъаналарининг бевосита таъсири остида тараққий қилган. Натижада Хоразмда учрайдиган кушан даври ҳайкалчаларининг характеристи анча ўзгаради. Эндиликда ҳайкалчалардаги

кийим ва безаклар кангюй давриникидай серҳашам бўлмай, унда гандҳар санъатининг таъсири сезилиб турди. Янги типдаги ҳайкалчалар ҳинд кийимларидаидай анча ери очиқ бўлиб, бу ҳол унинг будда образлари билан боғлиқ эканлигини кўрсатади.

Хоразмнинг Кушан даврига оид ёдгорликлари ҳам жуда бой ва ажойибdir. Бу даврда ҳам илгаригидай суфориш тармоқлари ривожланади ва такомиллашади, эски қалъалар қайта курилади, янги қалъалар ва аҳоли яшайдиган пунктлар вужудга келади. Янги пайдо бўлган катта суфориш иншоотларидан Қирққиз ва Тупроққалъя каналларини айтиб ўтиш лозим. Воҳа чеккаларида кушан даври учун типик бўлган мудофаа иншоотларидан куйи Чарманёпда Говурқалъя, Устюрт қирларида Девкесанқалъя бунёдга келади. Суфориш тармоқларининг ривожланиши натижасида Аёзқалъя, Кўргошинқалъя, Тупроққалъя, Катта Гулдурсун, Кичик Қирққиз каби яхши мустаҳкамланган шаҳар ва қалъалар пайдо бўлади. Бу ёдгорликларнинг ичида Катта Гулдурсун, Қизилқалъя, Аёзқалъя, Говурқалъя, Анқақалъя ва ажойиб тарихий хазина бўлган Хоразмшоҳлар резиденцияси — Тупроққалъя алоҳида лиқватга сазовордир. Антик Хоразмнинг илк пойтахти деб ҳисобланган мазкур обида ва унинг теварагидаги ёдгорликлар тўғрисида батафсил тўхтаб ўтиш зарур.

Катта Гулдурсун найзасимон шинакли қўшдевор билан ўралган хотўғри тўртбурчак (280—230 м.) шаклидаги зўр истеҳком бўлиб, у иккита катта сув иншооти — Қирққиз ва Тупроққалъя каналлари бир-биридан ажralган жойда курилган. Ички ҳовлида илк кушан нусхасидаги қизил лойдан ишланган сополлар ва катта иморатларнинг қолдиги бор. Қалъя яқинида қазилган катта сув иншооти Норинжон шаҳри орқали ўтиб Тупроққалъага боради ва Қизилқалъя истеҳкоми олдида тугайди. Жилдиққалъя районидаги шоҳобчанинг кўп қисми ҳозир кум остида қолиб кетган бўлиб, этаги Аёзқалъадаги тоғ ён бағирларида пайдо бўлади. Бу каналнинг катталигидан ҳатто Тупроққалъя канали унинг шоҳобчаларига ўхшаб кетади. Мана шу зўр сув иншоотларининг бош қисмини мудофаа қилувчи ва сув тақсимлаш ишларини бошқарувчи марказий идора Гулдурсунқалъасида бўлса, эҳтимол. Бу канал ва шоҳобчаларнинг куйи оқимларини Қизилқалъя, Аёзқалъя ва бошқа қалъалар қўриқлаган. Булар ичида Қизилқалъя

илк кушан даврида баланд ғишт пойдеворга қурилган анча қудратли истеҳком бўлиб, ундаги бинолар каттагина чегара соқчилигини олиб борган ҳарбий гарнизонга мўлжалланган. Қалъанинг ички қисмига ёппасига равоқли йўлаксимон бинолар қурилган. Қизилқалъа муҳим стратегик пункт бўлиб, у Хоразмшоҳлар резиденцияси — Тупроққалъани қадимги йўлдан ҳамда Амударё томондан қўриқлаб турган.

Аёзқалъа ёдгорлиги кичик девор билан ўралган Султон Увайс тоғининг шарқий этагидаги йирик дехқонларнинг қўрғонларидан иборатdir. Эҳтимол, қўрғон ичида боғ ва полизлар мавжуд бўлган. Бу жуда кўп дехқон қўрғонлари орасида учтаси алоҳида ажралиб туради. Аёзқалъа қоясининг тепасини безаб турган Аёз — I деб аталган истеҳком ярим доира шаклидаги буржли баланд кўшdevорлар билан ўраб олинган. Қалъа бурчакларида иккибуржнинг бир-бири қўшилган «қалдирғоч думига» ўхшаш қизиқ шакл ҳосил бўлади. Бундай қурилиш усулини фақат ilk кушанлар даврида қадимги Хоразмнинг ҳарбий истеҳком қурувчи усталири қўллаган. Кенг саҳро ўртасида баландга кўтарилиб турган Аёз — I ҳам Қизилқалъа каби Хоразмга шимолдан олиб борадиган йўл устидаги муҳим стратегик иншоот ҳисобланади.

Кушан империясининг шимолий чегараларидағи кучли мудофаа иншоотларига Говурқалъа ҳам киради. Қалъа Амударё қирғофида, Султон Увайс тоғининг Фарбий тизмаларини кесиб ўтган жойда, дарё ва дарё бўйлаб кетадиган йўлни мудофаа қилишга кулай бўлган баланд қоя устида қурилган. Бу истеҳком тахминан II—III асрларга оид бўлиб, мудофаа вақтида ундаги гарнизон таркибиға ҳарбий кемалар ҳам кирган.

Қалъа ичида шимолий девор бўйлаб қурилган хона ҳаробаларидан иборат бўлиб, унда мудофаа гарнизони ўрнашган бўлса, эҳтимол. Қалъанинг шимоли Фарб бурчагида квадрат шаклда қурилган зал алоҳида ажралиб туради. Зал деворлари сувоқ қилинган ва унга нақш берилганлиги билиниб турибди. Тўрт деворда тўрт токча бўлиб, ўртада тошдан усталик билан ясалган иккита тагкурси қўйилган. Устун ҳозирги ҳовлилардагидек ўйиб нақш берилган ёғочдан ишланган бўлиши, эҳтимол. Зални текширилганда лойдан ясалган, эркак кишининг бошини тасвирловчи ҳайкал алоҳида диққатга сазовордир.

Кушан империясининг сўнгги даврларидаги мудофаа иншоотларидан яна бири Анқақалъадир. Бу ёдгорлик Қўйқирилганқалъадан икки километр шарқда, қадимги қўрғон ва қишлоқ ҳаробалари ўртасида жойлашган. Шу ҳаробаларниң бирида эрамизнинг III асррига оид бўлган бошига бургутсимон темир қалпоқ кийган шоҳнинг расми солинган хоразм мис тангларидан иккитаси топилган.

Мустаҳкам қўрғонлар пайдо бўлиши билан бирга катта шаҳарлар ҳам вужудга келади ва сиёсий, савдо ва хунармандчилик маркази сифатида ривожланади. Шаҳар маданиятининг юксалиши мамлакатда жиддий ўзгаришлар бўлаётганлигидан дарак беради. Аммо ички зиддиятлар, тахтталашувлар туфайли бу даврга келиб Кушан давлати инқирозга юз тутади ва эски ҳамда маҳаллий сулола ўртасида ички сиёсий кураш кучайиб кетади.

Бундай муҳим ижтимоий-сиёсий ҳодисаларни археологик тадқиқотлар асосида қўлга киритилган хилмажил маълумотлар орқали ҳам яққол тасаввур қилиш мумкин. Текширишлар шуни қўрсатадики, бу даврда суғориш тармоқлари жуда қисқариб кетади. Амударёнинг ўнг қирғоғидаги энг йирик икки магистрал канал сафдан чиққан, учинчи канал зонаси анча қисқариб кетган. Сўл қирғоқларидағи «қадимги суғориладиган ерлар»нинг улкан суғориш тармоғи тамомила ишдан чиққан. Маълум бўлган барча қадимги шаҳарлар, аксари ҳарбий фожиалар натижасида яксон бўла бошлаган. Булардан энг кўп фаолият қўрсатган хунармандчилик ҳам оғир тушкунликка учраганини маълум бўлди.

Империяда рўй берәётган ижтимоий ва сиёсий жараёнда Хоразм муҳим роль ўйнаган бўлса керак, чунки танга пулларни текшириш натижасида олинган маълумотларга қараганда, III асрдаёқ ўз мустақиллиги учун кураш бошлаган. Бу муносабат билан ички сиёсат ларзага келади, натижада Хоразм территориясида иқтисадий ва сиёсий жиҳатдан мустақил бўлиб олған қатор айrim ҳокимликлар вужудга келади. Тупроққалъя саройи залларниң бирида бошига тож кийган ва қўлига бургут ушлаган подшо ҳайкалининг топилиши, шунингдек, Анқақалъя яқинида ҳам бошида тож, қўлида бургут ушлаган киши расми солинган танганинг топилиши ва бу тангларниң шу жойда зарб қилинганлиги — маҳаллий сулола ҳокимияти ўрнатилганлигидан гувоҳлик беради. Топилган тангларда лотин алфавити билан «S»

ҳарфига ўхшаш сиёвушлар тангасининг борлиги, бу сулола сиёвушлар авлодидан бўлган бўлиши мумкинлигини кўрсатади. Эрамизнинг III асри ўрталарида Кушан империясидагина эмас, балки бутун Ўрта Шарқда катта сиёсий ўзгаришлар рўй берди. Кушанлар сулоласи билан бир вақтда Парфия аршакидларининг ҳукмонлиги емирилади. Эронда давлат бошига сомонийлар сулоласи келади ва у Ўрта Осиёning бир қисмини ўз қўл остига олади. Бу даврда Хитой империяси ҳам емирила бошлайди.

Аммо, Хоразмда кушанлар билан кураш ва ички сиёсий ларзалар қудратли маҳаллий сулолани вужудга келтиради. Бу сулола ўз тангаларини зарб қилади ва шаҳарларда ўзларига саройлар қуради, қўшни кучли давлатларда бўлаётган ларзалардан фойдаланиб бутун дунёга ҳукмрон бўлишга даъво қила бошлайди. Тангаларни текшириш туфайли олинган холосаларга қарангда Хоразм мустақиллиги VIII асрнинг охирларигача давом этади.

Шундай қилиб, III асрдан Хоразмда кушанлар билан курашда ғолиб чиққан сиёсий гурӯҳ — афригийлар сулоласига асос солинади. Бу янги сулола Тупроққалъага таянган ҳолда ўз ҳокимиятини дастлаб воҳанинг ўнг қирғофида ўрнатади. Тупроққалъа ҳаробаларини текшириш унинг ҳақиқатан ҳам катта давлат таянчи — шоҳлар резиденцияси, балки пойтахт бўлганлигини кўрсатади.

Тупроққалъа ўзининг планировкаси, деворлари ва ундаги шинаклар, у ердаги хоналарнинг курилиш ва мудофаа системаси билан антик даврдаги катта шаҳарларга ўхшаб кетади. Лекин у, айниқса ўзининг ажойиб санъат бойлиги билан алоҳида ўрин тутади. Шунинг учун буюк хоразмшоҳларнинг илк пойтахти ҳисобланган бу ажойиб тарихий обида Султон Увайс тоғларининг жануброғида, қадимий қалъалар районида жойлашган бу тилсимли қалъа ҳаробалари 17,5 гектар майдонни (500x350 метрни) ишғол этади. Кўринишдан тўғри бурчак шаклидаги Тупроққалъа шимолдан жанубга чўзилган бўлиб, атрофи катта қолипда куйилган хом фиштлардан курилган қалин ва баланд девор билан ўралган. Деворлар бўйлаб квадрат шаклдаги жуда кўп буржлар қад кўтариб туради. Қалъанинг шимоли-ғарбида эни ҳам, бўйи ҳам 180 метр келадиган икки қават қилиб солинган ҳашаматли сарой ҳаробалари кўзга ташланиб тура-

ди. Саройнинг учта буржи бўлиб, бу буржларнинг баландлиги ер сатҳидан 25 метрга етади.

Мана шаҳарнинг жанубий бош дарвозаси. Дарвозадан ичкарига кирилган заҳоти тӯғри бурчакли қилиб солинган уйга дуч келинади. Афтидан, бу шаҳар соқчилари турган жой бўлса керак. Шу уйдан марказий кўча бошланади. Ўн метр кенгликдаги бу кўча тӯғри ҳокимнинг саройига ва шаҳар ибодатхонасига олиб кирадиган дарвозага бориб тақалади. Шу кўчанинг охидан ўнгта қараб кетган кўча бозорга олиб чиқади. Бош кўчанинг ҳар томонида бир-бирига тӯғри келадиган тор кўчаларда 9—10 тадан қаторлаб кўп хонали катта уйлар солинган. Қалъанинг ички архитектураси Жонбосқальяга ўхшаб кетади.

Ана шундай тор кўчалар ўртасидаги ҳовли-жойлар бир-бирига туташиб кетган бўлиб, улар орасида девор йўқдай кўринади. Туташ ҳовлилардаги хоналарнинг сони 200 гача боради. Бу нарса Тупроққальъада истиқомат қилган аҳоли уруғчилик анъанасига асосланиб авлод-ма-авлод яшаганлигидан ва ижтимоий ҳаётнинг жуда қадимги шаклига мансуб бўлганлигидан далолат беради.

Ҳоким саройининг жанубий дарвозасидан бошланадиган узун йўлакнинг охирида ўт ибодатхонаси жойлашган. Ибодатхона бир неча иншоотлардан ташкил топган. Иншоотларнинг ўртасида қўш деворлар билан қуршалган ва ичкарига айланма йўлаги бўлган тӯғри бурчакли бино туради. Қадимий хоразмликлар ибодат қилган сўнмас ўт шу бинода бўлган.

Ўт ибодатхонаси билан ёнма-ён иккиқават қилиб ишланган, уч бурчакли ажойиб бино ўзининг ҳашаматли кўриниши билан кишини ҳайратда қолдиради. Бинонинг юқори қисмидаги девор ганчдан ишланган чиройли ҳайкалчалар билан безатилган. Сарой ва ибодатхона қурилишлари жанубий ҳамда шарқий тарафдан шинакли қалин ва баланд деворлар билан гир айлантириб ўралган. Саройнинг олдида балки хўжаликка оид 12 хона бўлиб, уларда ҳеч қандай безаклар учрамайди. Девор бўйлаб бурж ва дарвозалар қурилган саройга шарқ томондаги пандусдан кирилар эди. Пандуснинг охири турли ўсимликларга ўхшатиб нафис нақшлар солинган тор йўлак билан тугайди. Сарой шу қадар баланд қилиб солинганки, аҳоли яшайдиган ҳовлилар ундан жуда кичкина бўлиб кўринади.

Сарой биноларининг ўртасида ташқарига олиб чиқадиган катта хоналар, нақш ва ҳайкаллар билан безатилган зал бор. Археологларимиз топилган нарсаларнинг характерига қараб, бу хоналарга «шоҳан-шоҳлар зали», «зафарлар зали», «жангчилар зали», «буғулар зали», «ўймакорганч зали» каби номлар беришган.

Саройда булардан ташқари турли турар жойлар, хўжалик ва хизмат кўрсатиш бинолари, шунингдек устахоналар бор. Хоналарнинг деразалари йўқ. Ёруғ тушиб туриши учун туйнук қилинган. Пештоқ йўлаклари орқали хонадан хонага ўтилади.

Саройнинг кўча ёки ҳовлига очиладиган эшиклари, шунингдек, хоналардаги эшиклар хилма-хил ўйманақшлар билан безатилган. Уларда кишилар, ҳайвонлар, қушлар ва ҳатто тўлқинларда сузаётган балиқларнинг расмлари моҳирона тасвирланган. Арфага ўхшаш уч бурчак шаклдаги катта созда ўйнаётган аёлнинг, шунингдек дўмбирасимон икки оёқли мусиқа асбобининг пардасини ушлаб турган кўл расми ўзининг завқлантирадиган даражада усталик билан солинган, юзбетлари одам бадани ранги билан, кийимлари эса турли хил ранг билан бўялган, ҳайкаллар лой, сопол ва ганчдан ишланган.

Сарой биноларининг панжара ва пирамонлари ҳам нақшдор қилиб ишланган. Деворларга барглардан чамбарак қилиб гуллар солинган. Бу ердаги нақш ва безакчлар қадимги Хоразм санъатининг ўзига хос ажойиб ютуқларга эришганлигидан дарак беради. Энг муҳими шундаки, тупроққалъаликларнинг юриш-туришлари, кийимлари, уйлари кўп жиҳатдан ҳозирги хоразмлиklärнига ўхшаб кетади.

1948—1949 йилларда қилинган энг ажойиб кашфиёт, саройнинг юқори қаватдаги хоналарнинг биридан қадимги хоразмликларнинг тери ва ёғочга ёзилган архивининг топилиши эди. Ундан ҳаммаси бўлиб 140 та хужжат чиқкан. Шундан 122 таси терига ёзилган бўлиб, уларнинг кўпи чириб кетган. Терига ёзилган хужжатлардан 18 таси, тахтага ёзилганлардан эса 8 таси яхши сакланган. Бу хужжатларнинг асосий қисми маъмурий хўжалик масалаларига доир бўлиб, аромай типидаги алифбеда ёзилган.

Кушан давлати ўрнатилгандан кейин Хоразмда маҳаллий танга зарб қилиш деярлик тўхталиб, Кушан подшоларининг танглари тарқала бошлади. Хо-

разм терриориясида Кадфиз II, Канишка, Хувишқа, Васудева номли подшоларнинг исмлари зарб қилинган 60 га яқин тангалар топилган. Кўп тангаларда илгариги маҳаллий сулола — сиёвушларга оид тамфа мавжуд бўлган. Бу эса Кушан даврида ҳам Хоразм ўзининг мустақиллигини сақлаб қолишга интилиб келаётганлигини кўрсатади.

Демак, топилган тангалар асосида Кушан ҳукмронлиги ўрнатилгандан бошлаб, то Афригийлар давригача Хоразмда зўр тарихий ҳодисалар рўй берганлигини, ҳокимлик бир неча марта бир қўлдан иккинчисига ўтганлигини исботлаш мумкин. Танга намуналари, хўжаликка оид архив ҳужжатлари афригийлар давлатида бошқариш ва солиқ системаси такомиллашган ва муайян тартибга солинганлигини тасдиқлади.

Шубҳасиз, Тупроққалъадан топилган жуда бой археологик материалларни пухта текшириш билан хоразмликларнинг III—IV асрлардаги хўжалик фаолияти, жумладан қишлоқ хўжалиги ва ҳунармандчилиги, ҳарбий тузум, бадиий маданияти ва ёзувини тўла равишда тасвирлаш мумкин.

Бутун Хоразмда шоҳларнинг тенги йўқ дабдабали резиденцияси бўлган Тупроққалъа саройи номаълум сабабларга кўра IV асрга келиб ташландиқقا айланиб бўшаб қолади, шаҳардаги бўшлиқ эса VI асргача давом этади. Ҳудди шу даврда Амударёнинг ўнг ва алоҳида сўл қирғоидаги сугориш иншоотлари ҳам инқирозга учрайди. Катта магистрал каналларининг қуи оқимидағи тармоқлари бутунлай ишдан чиқади. Қадимги Калтаминор сув системаси ниҳоят қисқарип кетади. Сўл қирғоидаги сугориладиган кўп ерлар чўлу биёбонга айланиб, анча шаҳарлар ҳувиллаб қолади.

Африг сулоласи шундай катта тарихий ўзгаришлар содир бўлган бир даврга тўғри келади. Дарвоқе, эрамизнинг IV асрларидан бошлаб шундай кучли воқеалар рўй берадики, натижада Хоразмнинг бутун хўжалик ва жамият тузуми, майший ва сиёсий аҳволи кескин равишда ўзгара бошлайди. Бу ўзгаришлар янги хилдаги истеҳком ва ҳовлиларнинг пайдо бўлишида яққол кўринади.

Қурдатли қалъалар соясида сақланиб, мустаҳкам қурилмаган истеҳкомлар ўрнига далалар ўртасида дехқонларнинг ўзбошимчалик билан мустаҳкамлаб қурган қўргончалари пайдо бўлади. Бу қўргончалар билан

бир қаторда зодагонлар яшайдиган ваҳимали янги қасрлар ҳам қад кўтаради. Воҳадаги дабдабали антик шаҳарлар тушкунликка учраб, жамият ҳаёти шаҳардан қишлоққа ўта бошлайди.

Шубҳасиз, Хоразм воҳасида рўй бериб турган бу муҳим ижтимоий-иқтисодий жараён Ўрта Осиёда авж олиб бораётган сиёсий воқеалар билан бевосита боғлиқ бўлган. Ажойиб тарихий обида Тупроққалъанинг қисқа муддатда, яъни бир неча асрда тикланиб, кейин инқизозга учраши минтақадаги жиддий ўзгаришларнинг ёрқин ифодаси эди.

С. П. Толстовнинг таърифича, Тупроққалъя шаҳари ва ундаги саройнинг қурилиши ҳам даставвал муҳим сиёсий аҳамиятга эга бўлган воқеа ҳисобланади. Чунки бу иншоотнинг бунёд этилиши тарихда «хоразм эра»-сини бошлаб берган воқеа, деб юксак баҳолайди Сергей Павлович. Сабаби эрамиздан аввалги II асрда дашт қабилаларининг босиб келиниши натижасида қурдатли Грек-Бақтрия давлати емирилиб, Парфия инқизозга учраб барбод бўла бошлайди. «Кангюй» маданиятининг тушкунликка юз тутиши Амударё этакларida ягона Хоразм давлатининг тикланиши ва кучайиши янги сулоланинг пайдо бўлиши билан боғлиқ эканлигини намоён қиласи. Балки африфийлар сулоласи сиёвушийлар анъаналарини давом қилириб ўз кучини кўрсатиш учун ҳашаматли Тупроққалъани бунёд қилгандир. Янги сулоланинг қуий Амударё воҳасида пайдо бўлиб, хоразмшоҳлар билан боғлиқ янги йил ҳисобининг, Беруний кўрсатганидек, ўша даврдан бошланиши ҳам бежиз бўлмаган. Чунки мазкур шаҳар-қалъанинг яратилиши Хоразм давлатининг қайтадан тикланиб мустақилликка эришганлигининг рамзи сифатида африфийлар тахтининг мустаҳкамлиги ва унинг қадимий тарихий ва мафкуравий анъаналар билан боғлиқлигини ифода қилиши мумкин. Бу фикрни тасдиқлайдиган яна бир далил — эрамиздан аввалги IV—III асрларда Хоразмда арамей ёзуви билан зарб қилинган африфий тангаларининг тарқалиши.

Тадқиқотчилар орасида Тупроққалъя мамлакатнинг пойтахти бўлганми ё пойтахт бошқа шаҳар ҳисобланганми, деган баҳслар ҳозиргача давом қилмоқда. Кўпчилик олимлар, жумладан С. П. Толстовнинг ўзи ҳам, мазкур обидани пойтахт билан боғлиқ давлатни бошқариб турган подшоҳлар резиденцияси деб ҳисоб-

лайдилар. Курилиш услугига қараганда ҳашаматли сарой қасри билан шаҳар кварталлари эгаллаган ҳудуд сатҳи тахминан бир майдонга teng (13 га ва 10 га). Эҳтимол бу ерда истиқомат қилувчилар асосан зодагонлар, хизматкорлар ва қўриқловчи аскарлар. Шаҳар ҳудудида бозор ва хунармандлар расталарининг йўқлиги ҳам мазкур фикрни қувватлади. Асли Сарой биноси, унда топилган ёзма ҳужжатлар Тупроққалъя, шубҳасиз қулларнинг оғир меҳнати, меъморларнинг зўр маҳорати, ижодкорларнинг нафис санъати мужассамланган антик Хоразм социал тузуми ва давлатчиликни ифодаловчи муқаддас ноёб обида ҳисобланади.

Тупроққалъани мамлакатнинг бош шаҳри, яъни пойтахти бўлмасдан, яъни сулола ҳукмдорларининг марказий резиденцияси вазифасини бажарганлигини тасдиқловчи қўшни Парфия подшоҳларининг истеҳкоми, қўшк-саройи ва ибодат маркази ҳисобланган Эски Ниса билан қиёс қиласа бўлади. Аммо хоразмшоҳлар резиденцияси ўзининг планировкаси, қурилиш услуби ва баъзи функциялари билан Нисадан ажralиб туради. С. П. Толстовнинг фикрича, тупроққалъя архитектураси кўп жиҳатдан Месопотамия иншоотларига ўхшаб кетади. Қалъада қурилган уйлар сатҳидан анча баланд кўтарилиб қурилган сарой бинолари муқаддас тонги ифодаловчи қадимий шарқ иншоотларни эслатади. Бунга қурилиш услубидаги қадимий Бобил ва Ассирия билан хоразмликларнинг баъзи архитектура элементларининг умумийлиги мисол бўла олади. Бу ерда Месопотамия икки дарёлиги ўртасидагидек қалъя резиденцияси текисликда ўхшашиб қурилиш техникаси ва планировкаси асосида тикланиши диққатга сазовор.

Балки мазкур умумийлик негизида Аҳамонийлар даврида Хоразм узоқдаги сатрап (қарам вилоят)ни бошқариш ва контрол қилиш мақсадида жануб сатрап ҳисобланган Месопотамиядан ҳар хил касбдаги кишиларни юбориб, улар Хоразмга ўзларининг қурилиш услуби ва архитектура анъаналарини, айрим мафқуравий тасаввурларини олиб келиб ўзлаштирганлар. Аммо аҳамонийларга қарам бўлган Хоразм ҳудудида Кўзалиқир ҳаробаларини текширганда, унда ҳам эрамиздан аввалги VI–V асрларга оид маҳаллий ҳокимнинг кенг сарой комплекси мавжуд бўлиб, Тупроққалъадан фарқ қилиб, анча архаик қуриш анъаналарини сақлаган. Бир асрча кейинроқ қурилган ниҳоятда мустаҳкам деворли Қалъа-

лиқир-І шаҳар саройи аксинча қурилиши жиҳатдан бир оз фарқ қиласи ва аҳамонийлар саройларига кўпроқ ўхшайди. Балки Қалъалиқир-І истеҳкоми Хоразм сатраплигининг маркази ҳисобланган ва унга серунум бой ўлкани контрол қилиш, бошқариш ва солиқ тўплаш вазифалари топширилган, яъни сатрапнинг пойтахти бўлиб хизмат қилгандир.

Тешикқалъани текшириш шуни кўрсатадики, бу қаср катта ерли дехқон оилаларники бўлган. Бу даврда дехқон оилаларининг қаср ва қўрғонлари асосан катта-кичиклиги билан фарқ қилиб, зодагон дехқонлар оддий дехқонларга қарама-қарши социал гуруҳлар сифатида эмас, аксинча, булар ҳаммаси бир ижтимоий табақа ҳисобланган. Ўша вақтда маҳаллий зодагон «дехқон» сўзи билан аталган. Демак, янги ижтимоий тузум — феодализм ҳали ғалаба қозонмаган, аммо унинг белгилари ҳамма ёқда сезиларли. Зодагон оқсуякларнинг дабдабали қасрлари катта сув иншоотларининг бошини аста-секин эгаллаб, оддий дехқон қўрғонлари устидан ўз ҳукмини ўтказа бошлайди. Қўрғонларни мустаҳкамлашдан мақсад ташқи душмандан мудофаа қилишгина эмас, шунингдек, ўзидан кучли зодагонлардан ўз озодлигини ҳимоя қилишни кўзлаган эди. Бу даврга оид баъзи бир манбалар Хоразмнинг ички аҳволида жиддий социал тўқнашувлар мавжудлигини кўрсатади. Воҳадаги истеҳкомларнинг мустаҳкамланганлиги, моддий ва маданий соҳада ўзига хос тор рамкадалиги — Хоразмнинг сиёсий ҳамда иқтисодий жиҳатдан Ўрта Осиёнинг бошқа вилоятларидан ажralиб қолганлигини кўрсатади. Бу факт VIII асрга келиб араблар истилоси арафасида Хоразмшоҳлар олий ҳокимиятининг заифлашганлигидан дарак беради.

Африйлар ҳукмронлигининг сўнгги даврида шаҳарларнинг тушкунликка учраши ҳақидаги маълумотлар VII аср араб ёзувчилари ҳикояларида ҳам мавжуд. Ал Табарий 712 йилда Хоразмда фақат учта катта шаҳар Кат (Пил), Хазорасп ва Урганч борлигини хабар қиласи. Эндилиқда илгариги «мингта шаҳар»лар ўrniga ўн минглаб қаср ва қўрғонлар пайдо бўлади. Ал Мақдисийнинг ёзишича, X асрда африйлар сулоласининг энг охирги кунлари арафасида фақат Маздақхон (Қорақалпоғистоннинг Хўжайли районига яқин) шаҳарининг атрофида 12 минг қўрғон бўлган. Хоразмнинг тушкун-

ликка учрашига яна бир далил — катта суфориш иншотларининг ишдан чиқишидир. Бу даврда Амударёning чап қисмидаги энг катта сув системаси — Чарманёп канали ва ундан фойдаланаётган жойлар харобаликка айланади.

Бутун Ўрта Осиё территориясида содир бўлган бу янги ижтимоий ва сиёсий жараён марказлашмаган қудратли давлатларнинг ўрнига тарқоқ майда подшолик ва хонликларнинг пайдо бўлиши — араб истилосининг муваффақият қозонишида анча енгиллик туғдирган.

Тарихий манбаларга қараганда араблар Хоразмни истило қилишдан олдин унга икки марта юриш қилганлар: биринчи юриш 674 йили Халифа Муовия томонидан Убайдулла ибн Зиёд бошчилигида; иккинчи эса 696 йили Хурсон ноиби Умайян ибн Абдулла бошчилигида амалга оширилган. Бу юришлар асосан талончилик мақсадини кўзлаган.

Ўрта Осиёни, шу жумладан Хоразмнинг босиб олиниши VIII аср бошларидағи Хурсон ноиби Кутайба ибн Муслим номи билан боғлиқ, 712 йили эса Кутайба лашкарлари Хоразмни забт қиласди. Хоразмни забт қилиш оғир шароитда ўтган эди. Манбаларга биноан Чагон номли Хоразм шоҳи халқ қўзғолонларининг бошида туриб унга раҳбарлик қилган ўз укаси Хурзоддан қўрқиб, 711 йилда Кутайбадан ёрдам сўрайди ва унга ўз шаҳарларининг олтин калитларини юборади. Кутайба Хоразмга келиб, Хурзодни торморм қилишда унинг акасига ёрдам беради. Араб муаллифларидан Таборийнинг ҳикоя қилишича, Хоразмшоҳнинг укаси Хурзод ўз тарафдорларига суюниб қонуний шоҳни мамлақатдан ҳайдаб, ҳокимиятни тортиб олган. У шоҳ тарафдорлари бўлган Хоразм аслоздаларини қаттиқ жабрлаган, уларнинг мол-мулкини, чорвасини, қизларини, сингилларини ва хотинларини тортиб олган. Аслида Хурзод қўзғолони маздакийлар ҳаракати типидаги аксилфеодал ҳарактерга эга бўлиб, зодагонларга қараашли ҳарамларни йўқотиш, хотин-қизларни феодаллар томонидан тортиб олинишини тугатиш ва қадимий жамоа анъаналарини тиклашга қаратилган эди.

Бинобарин, Хурзод сиймосида жамоалар билан иттифоқ тузиб ва бу иттифоққа таяниб ҳаракат қилиш орқали қудратли заминдор зодагонларнинг ажralиб

чиқиши тенденцияларига қарши кураш йўлларини қидиртиши қадимий сулолалардан бирининг намояндасини кўрамиз. Кавод, эфталит подшолари, Абрўй ва кейинги асрларда ўтган бошқа давлат арбоблари ҳам худди шу йўлни тутган эдилар.

Кутайба лашкарлари унинг укаси Абдураҳмон саркардалигига Хазорасп остоналарида пайдо бўлади ва Хурзодни асир олади. Даставвал араблар кўзни чалғитиш учун Сўғд томонга юриш қилган эдилар. Хоразм шоҳи хоинлик қилиб ўз қўшини ва ҳалқи дикқатини тезда шу томонга жалб қилиб, бу ёлғон хабар билан босқинчиларга кутилмаган пайтда зарб бериш имконини туғдирган эди. Тўсатдан қўлга тушган Хурзод билан бирга тўрт минг асирни истилочилар ўлимга ҳукм қилалилар. Шунинг ўзи ҳам Ўрта Осиёning араблар томонидан босиб олиниши учун замин яратиб берган эди. Кутайба бу билан чекланиб қолмай, хоразмликларнинг тарихий адабиётини ва маданий меросини яратган ва сақлаб келган олимларни қириб юборди ва қувғин қилди. «Кутайба ибн Муслим Бахилий Хоразм хаттоларини ҳалокатга дучор қилганидан, — деб ёзади Беруний, — руҳонийларни ўлдириб, уларнинг китоблари ва ёзувларини куйдирганидан сўнг, хоразмликлар саводсиз бўлиб қолдилар ва ўзларига лозим бўлган масалаларда ўз хотираларигагина ишонгандар». Хоразмшоҳ араб лашкарбошиси билан тузган шартномага биноан талон-тарож қилинган аҳоли ҳисобига йилига ўн минг бош мол солиги тўлаш мажбуриятини олади.

Арабларнинг кетиши билан Хоразмда янгидан қўзғолон қўтарилиб, қўзғолончилар ўз ватанини сотган шоҳни ўлдирадилар. Бу эса, Беруний ва Ибн ал Асирнинг ёзишича, Кутайбанинг Хоразмга иккинчи марта юриш қилишига сабаб бўлади. Хоразмни қайтадан забт қилган Кутайба ўлдирилган шоҳ ўрнига укаси Асқажамуқни тахтга ўтказади, унга ёрдамчи (волий) қилиб, ўз укаси Абдуллаҳни белгилайди. Афригийлар билан яқинлашиш мақсадида, ҳатто укасини Хоразм шоҳининг қизига уйлантиради.

Шундай қилиб, Хоразм ўз мустақиллигини йўқотиб, араб халифалигига қарам бўлиб қолади. Бу ҳолат ички ва ташки зиддиятнинг яна ҳам кучайишига, ниҳоят араб истилоси арафасидаги иқтисодий тушкунликни яна ҳам жиддийлаштиришга олиб келади. Бундай фожиали воқеани тушуниши учун араб истилоси арафа-

сидаги ўлканинг социал-иктисодий аҳволига бир назар ташлайлик.

Араб лашкарлари Хоразмга келишдан бир оз илгари маҳаллий аҳолисининг жойланиши манзарасини Бургутқалъя харобалари атрофидаги жуда кўп қалъача ва қасрлар ҳувиллаб ётганлигини гувоҳи бўламиз. Ҳар бир қаср баланд деворлар билан уралган мудофаа иншоотларини эслатиб, ўша даврда аҳоли қандайдир ҳарбий хавф остида яшаганлигини кўрсатади. Тахминан 25 км. узунлигига, 2—3 км. энига кўхна қадимий канал бўйлаб чўзилган воҳада юздан ортиқ мустаҳкамланган катта-кичик ҳовли-қасрлар жойлашганлиги аниқланган. Улар шимолда Қирққиз қалъасигача, жанубда Тешикқалъя қасригача юз-икки юз метр оралигига қурилган катта ҳашаматли шинакли деворлар билан мудофаалаштирилган қасрлар ва майда деҳқонларнинг ҳовлиларидан иборат бўлган.

Мазкур катта донжон (қаср)ли қалъачалар афригийлар давридаги зодагонлар турар жойи бўлса, майдароқ қаср-ҳовлиларда катта патриархал типидаги эркин деҳқонлар оиласлари истиқомат қилган. Берқут қалъя воҳасида яшовчи аҳоли асосан бош каналга яқин жойда қаср курдирган ва уларнинг жойланиши табақаларга қараб сув соҳасида каттароқ ёки бойроқ зодагонлар ёки жамоа бошлиқлари, сув этагида камбағалроқ майда қасрлар қад кўтарган. Демак феодал табақаланиш жараёни мустаҳкамланган қаср-қалъя архитектурасида ўз ифодасини топган. Аммо юзлаб қаср-ҳовлилар муайян қону қариндошлиқ тамойилига асосланиб айрим гуруҳларни ташкил қилган. Бундай афригийлар қишлоқларининг тузилиши асли илк феодал тузуми билан боғлиқ эканлигини кўрсатиб турибди.

Бургутқалъя комплексига кирган ўзига хос қишлоқ қаср-ҳовлилари араб истилоси туфайли IX асрларга келиб харобаликка айланиб аста-секин сўнади. XI—XII асрларда воҳа тақирикларга айланиб, бу ерда яхши сақланган баъзи қасрлар чегара ҳарбий аскарларининг турар жойига айланган. Стратегик жиҳатдан муҳим ҳисобланган Аёзқалъя ва Тешикқалъя бунга мисол бўла олади.

Бургутқалъя мисолида бу воҳа кўрғонларини ўрганиш натижасида шаҳарқалъалар атрофидаги ҳовлилардан иборат қишлоқ манзилгоҳлари деҳқон аҳолисининг

кўнчилик бўлиб яшайдиган оиласардан иборат жамоа структурасининг ўзига хослигини аниқлаш мумкин бўлди. Айрим манбалар ва археологик маълумотларга кўра, ўрта асрлар, афригийлар давридаги хоразмликлар маданияти, афтидан, кўпроқ шимоли-шарқдан, Сирларёнинг куйи оқими ҳамда Оролбўйи миңтақаларидан келиб қолган сўнгти сак қабилалари иштирокида вужудга келган

Хоразм қишлоқ манзилгоҳлари ва турар жойлари-ни (I—XIV асрлар) ўрганиш натижасида уларнинг ўша замондаги эволюциясини кузатиш, фақат ер эгалиги ва ердан фойдаланиш масалаларини кўриб чиқишигина эмас, балки хоразмликларнинг замонавий меъморчилиги ва бинокорлик техникасининг теран илдизларини ҳам аниқлаш мумкин бўлди. Масалан, турар жойни режалашибиришнинг VII—VIII асрларда кенг тарқалган икки туридан ҳозирги Урганч ва Хивада ҳам фойдаланилади. Қишлоқ турар жойларини режалашибиришнинг деярли икки минг йиллик давр мобайнида бу қадар барқарор сақланиб қолиши оила шаклларининг, кўп кишилик оила жамоаларининг эволюциясини ва маҳаллий аҳоли этногенетик жараёнларининг бошқа жиҳатларини тадқиқ қилиш учун имкон яратади.

Сарҳадлари Каспий дengизидан Xўтангача ҳамда Хоразмдан Шимолий Ҳиндистонгача бориб тақалувчи қудратли Кушан давлатини, кейин эса эфталитлар давлатини барпо этган, илдизи массагетларга бориб тақалувчи халқларнинг Ўрта Осиё ҳудудида етти аср давомида хукмронлик қилиши фақат ажойиб санъат асарларида гина эмас, балки аҳолининг этник таркибида ҳам ўз изини қолдирди.

В. В. Бартольд VIII асрдаги Хоразмни назарда тутган ҳолда: «Араблар бу ерда атрофдаги вилоят аҳолисидан кийим-кечаги билан ажralиб турувчи ҳамда бошқаларга тушунарли бўлмаган ва ёзма ҳужжатларда ҳам ишлатиладиган алоҳида тилда гаплашувчи ўзига хос аҳолига дуч келдилар», — деб ёзган эди у.

Тарихий-археологик маълумотларга қараганда, араб истилоси арафасида Хоразм жиддий тангликни бошдан кечирмоқда эди. Бу пайтда Хива, Шовот Тупроққалъаси, Кўҳна Урганч шаҳарлари таназзулга юз тутди, Капарас, Қалъажик қалъаларида, Хива шаҳри яқинидаги Тупроққалъада, Тўққалъада ва бошқа жойларда ҳаёт

сўниб борди. Суфориладиган экин майдони кескин қисқариб кетди, хунармандчилик ишлаб чиқариши та-наззулга юз тутди. Ички кризис туфайли заифлашган Хоразм ўз худудида кириб келиб, воҳада ўтроқ бўлиб қолган ярим кўчманчи ва кўчманчи қабилалар сикувига дош беролмади. Бу омилларнинг бари хоразмликлар-нинг социал ва этник қиёфасига ўз таъсирини ўтказади.

Хоразмда, Кўхна Урганч ва Хивада шаҳар бўшлиғи тикланиб мўғул истилоси арафасида гуркираб ривожланди. Ёзма манбалар ҳам, археологик қазишмалар ҳам бундан далолат беради. Бу ерда янги меъморий иншоотлар қад кўтарган, янги масжид, минора ва мадрасалар қурилган, карvonсаройлар барпо этилган, қалъа деворининг бузилган қисми тикланиб мустаҳкамланган.

Шуни таъкидлаб ўтищ зарурки, айрим тадқиқотчилар таърифича «бутун Ўрта Осиёдаги каби, Хоразмда ҳам VII—XII асрларда шаҳарлар янгиларини қуриш ҳисобига эмас, балки, асосан эскиларини тиклаш ҳисобига ривожланди. XI—XII асрларда воҳа сарҳадларида қалъалар жадал қурилганлиги, янги шаҳарлар бунёд қилинганлиги археологик жиҳатдан қайд этилган. Бироқ янги шаҳарлар майдони катта бўлмаган». Шундай бўлсада, археологларнинг сўнгги қазишмаларидан маълум бўлишича, бу қалъалар атрофида камида 1—1,5 километр кенглиқда анча зич ҳовли-жойлар қурилган, улар алебастр ва сирли кошин билан безатилган. Бу ерда катта-катта карvonсаройлар ва бошқа иншоотлар барпо этилгани ҳам хоразмшоҳлар даврида шаҳарлар ривожланганидан далолат беради. Олтин Ўрда хонлиги даврида янги қалъалар, карvonсаройлар ва шаҳар атрофидаги турар жойлар анча жадаллик билан қурилган.

Афригийлар даврига оид обидаларни қазиб текшириш Хоразм давлатининг VI—VIII асрлар ва илк ислом давридаги ўлканинг социал-иктисодий бўшлиғини аниқлашга имкон беради. Даставвал йирик шаҳар-қалъалар атрофида мусулмон давригача юзлаб қаср-ҳовлиларнинг пайдо бўлиши бу ерда феодал мулкчилиги ва давлатчилиги шаклдан бошлаганлигидан далолат беради. Тадқиқотчиларнинг фикрича, араб-форс муаллифларнинг IX—XI асрларда Ўрта Осиёда шаҳарлар теварагида юзлаб қаср (кўшк)лар тўғрисида ёзишлари, мазкур худудда, балки бу ерда бой феодал зодагонлари

Шилан бирга «савдо капитали»га эга йирик савдогарлар ҳам юзага келганилигидан дарак беради. Аммо Хоразмдаги йирик ер эгалари истиқомат қилган катта қалъачалардан ташқари, ҳали қарам бўлмаган жамоачилик тузумида яшаб келаётган мулкдор борлигидан маълумотлар мавжуд. Хоразм воҳасида 150—200 метр масофада жойлашган юздан ортиқ қаср (қўшқ)ларда катта оиласи дехқон жамоалари яшаганлиги аниқланган. Масалан, араб сайёҳи Истаҳрийнинг таърифича Бухоролаги учта шаҳар ариқлари бўйлаб тўрт минг «қаср» мавжуд бўлган. Наршоҳий таърифича, араблар келиб Бухородан ҳайдалган кушан савдогарлари шаҳар атрофида 700 «қаср» тиклаганлар. Ёкубнинг ёзишига қарангандা, кичкина Усрушона вилоятида 400 «қаср» мавжуд бўлган, атоқли араб сайёҳи Мақдисийнинг бизга етиб келган ёзувларига биноан Хоразмда кичкина Маздахкон шаҳари атрофида «ўн икки минг қаср» мавжуд экан.

Бундай маълумотлар, шубҳасиз, бутун Ўрта Осиёда араб истилосидан кейин, айниқса X—XII асрларда социал-иктисодий жиҳатдан жиддий жараёнлар бўлганилигини кўрсатади. Шаҳар маданиятининг гуркираб ўсиши, унинг атрофида аҳолининг кўпайиб кўшку-биёбонларнинг, қаср-ховлиларнинг кўпайиб кетиши, савдо-сотиқнинг ривожланиши минтақада, шу жумладан Хоразмда ҳам давлатчиликнинг равнақ топишидан, янги сиёсий тузумнинг мустаҳкамланишининг ёрқин информасии эди.

Шуни ҳам алоҳида қайд қилиш лозимки, бу даврда хоразмликлар эмиграцияси кучайиб кўшни мамлакатларда Хоразм колониялари пайдо бўла бошлайди. Айрим муаллифларнинг ёзишича хоразмликларнинг кўпи кўшни мамлакатларнинг шаҳарларида жойлашганлар. Масалан, тарихий маълумотларга қараганда, «Хурросонда биронта катта шаҳар йўқки, унда кўплаб Хоразм аҳолиси яшамасин... Уларнинг мамлакатида олтин йўқ, кумуш конлар ҳам, қимматбаҳо тошлар тўғрисида эса сўз ҳам бўлиши мумкин эмас: бойликнинг катта қисмини турклар билан савдодан ва мол боқиб кўпайтиришдан топадилар. Кўшни турк қуллари билан бир қаторда, славян ва хазор қулларининг катта қисми, дашт тулкиси, соболь, тулки, қундуз мўйнасининг катта қисми ҳам уларнинг қўлига тушади».

Х асрда Хоразмнинг йирик хунармандчилик, дех-

қончилик ва чорвачилик марказига айланганлиги ва хоразмликларнинг иқтисодий жиҳатдан фаолигининг тез суръатлар билан ўсганлигини исботловчи маълумотлар ал Мақдисий асарларида ҳам ёзиб қолдирилган. У Хуросон музофотларидан халифалик ўлкаларига чиқариладиган молларни тасвиirlар экан, энг узун рўйхатни Хоразм моллари учун тузади:

«Хоразмдан — соболь, кул ранг олмахон, оқ сичқон, дашт тулкиси, сувсар, тулки, қундуз, бўялган қўён, эчки, мум, камон ўқи, оқ терак пўстлоги, қалпоқ, балиқ елими ва балиқ тиши чиқарилади; қундуз териси, анбар, кимухт (терининг бир тури), мис, ўрмон ёнғоғи, лочинлар, қилич, совут, қайин, славян қуллари, қўй ва сигирлар — буқаларнинг ҳаммаси бўлғордан келади. Хоразмда узум, майиз, печенье, кунжут, йўл-йўл кийим-бошлар, гиламлар, кўрпалар, ажойиб кимхоб, «мулҳам» деган чойшаб, кул рангли кийимлар, энг кучли одамлар эга оладиган камонлар, алоҳида бир хил пишлок, зарбор, балиқ тайёрланади. У ерда кемалар ясалади, ясалганда ҳам ниҳоясига етказилади». Бу рўйхат Хоразмда айрибошлиш муҳим роль ўйнаганлигини ва бу ўлка Буюк Ипак йўли чорраҳасидаги муҳим транзит савдо марказларидан бирига айланганлигини яққол кўрсатади.

Хоразмшоҳлар давридаги иқтисодий ва ижтимоий ҳаётнинг гуриллаб ўсиши ёзма манбалардагина эмас, шунингдек моддий-маданий ёдгорликларда ҳам ёрқин кўринади.

XII асрнинг охири ва XIII асрнинг бошларида, шоҳ Текеш (1172—1200) даврида, Хоразм кучайиб, шарқдаги энг қудратли давлатлардан бирига айланади. Буюк хоразмшоҳлар даврида илгари чўлга айланган Чарманён воҳасида маданий бўшлиқ тикланиб, Шоҳсанам, Змухшир, Говурқалъя, Девқалъя, Қалъалиқир — 2 каби қадимиш шаҳар ва истеҳкомлар қайтадан жонланиб кетади. Катта Чарманён каналининг сув билан таъминланиши қудратли марказлашган давлат борлигидан далолат беради.

Текширишлар XI—XII асрларда Хоразмда темирчилик, кулолчилик, шиша ва қурилиш касбларининг жуда ҳам тараққий қилганлигини кўрсатади. Бу даврда янги қурилиш материали — пишган гиштила бошланади ҳамда биринчи марта деразаларга ойна қўйилади. Дераза ойнасининг қолдиқлари Хоразмда Ўрта Осиёning бошқа ерларига нисбатан энг

инициал топилган. Уйларининг ички архитектурасини бешинчида деворга чизилган расмлардан ташқари, ўйма нақши берилган ёғочлар ҳам ишлатилиди. Бу эса Хоригимнинг курдатли давлатлиги туфайли маънавий маъният ва тасвирий санъатнинг янги юқори босқичга кўтарилиганини кўрсатади.

Бундай ёдгорликлардан анча тўла текширилгани қадимги Чарманёп каналининг этагидаги афсоналарга чулғанган, достонларда куйланган Шоҳсанам истех-комидир. Ёкут асарларида кўрсатилганидек, унинг илк Ўрта асрдаги Субурни шаҳри харобалари билан боғлиқлигини олимлар исботлаган. Шаҳарнинг номи ҳам (Сув бурни) унинг сув этагида ўрнашганлигини кўрсатади.

Шаҳар девори XII асрда қурилган бўлса-да, аммо ўз антик анъаналарини сақлаганлиги билан ажralиб туради. Девор антик даврдаги ҳом фиштдан қурилган. Девор қадимги қальялардагидек икки қават бўлиб, уннадаги шинакларнинг шакли рўмбага ўхшаганлиги билан фарқ қиласди. Шаҳарнинг жанубида кенг майдонни эгаллаган боғ бўлганлигини кўрсатувчи белгилар, боғ чеккаларидаги ҳашаматли иморат харобалари кишига Фарид ва Шоҳсанам достонидаги чукур маҳорат билан тасвирланган кўшк боғини эслатади.

Субурнининг шимолида жуда кўп учрайдиган кўргонча харобалари, кичик сув иншооти қолдиқлари ва катта қабристон диққатга сазовордир. Айрим қабрларнинг сафanasи ганч билан ўймакор қилиб ишланган. Шаҳардан 8 километрча шимолда ойна ва ойна буюмлари ишлайдиган катта устахона қолдиқларининг топилиши муҳим аҳамиятга эга бўлиб, Ўрта Осиёда техниканинг тараққий қилганлигидан дарак беради.

Шаҳардаги иморатларнинг энг ҳашаматлиси катта мачит харобаларидир. Мачит меҳробидаги жимжимадор ва нафис нақшли ёзувлар кишини ҳайратда қолдиди. Мачитдан хоразмшоҳ Текеш зарб қилган танга топилган. Топилган нарсалар орасида жуда кўп майший буюмлар ҳам бор. Булар ичida ҳаммаёни нақшдор ёзув билан чиройли қилиб ишланган жез қозон алоҳида ажralиб туради. Шунингдек, жез ва суяқдан дастаси хўрор бошига ўхшатиб ишланган бигизлар, ҳар хил ойнадан ишланган ҳамда экспедиция тарихида биринчи марта топилган Кушан империясининг сўнгги давларига оид кумуш танга, тошдан ишланган қозон ва бошқа буюмларни кўрсатиш мумкин.

Текширишларга қараганда, Шоҳсанам истеҳкоми антик даврда, яъни эрамиздан аввалги I минг йилликнинг охирларида пайдо бўлиб, унда ҳаёт бутун Кушан империяси давомида мавжуд бўлган. Аммо африйлар даврига келиб, бу қалъя харобаликка айланади. Буюк хоразмшоҳлар даврида у ерда ҳаёт қайтадан тикланади, аммо мӯғуллар истилоси даврида яна сўнади. Бу даврга оид ёдгорликларнинг ичида стратегик жиҳатдан муҳими — Амударёнинг баланд чап қирғонидаги Қизқалъадир. Адирнинг тепасидаги бу баланд қирғоқ мудофаа жиҳатидан қулийлиги учун қалъя жуда мустаҳкам бўлган. Унга жанубдан тор қия йўлаксимон пастлик ўтиб, афтидан, бу ўша вақтда истеҳкомга кирадиган пандус бўлган. Баландликни ўраб олган девор бўйлаб қалъя гарнizonидаги кишилар учун турар жойлар қурилган.

Археологик маълумотларга қараганда, Қизқалъя ва Йигитқалъя ёдгорликларида ҳам XII аср ўрталари ҳамда XIII аср бошларигача, яъни мӯғуллар истилосигача ҳаёт давом қилган.

Қаватқалъя комплексига кирувчи ёдгорликлар буюк хоразмшоҳлар даврининг ижтимоий-сиёсий ва маданий қиёфасини тўлиқроқ билишга ёрдам беради. Юқорида айтиб ўтилганидек, бу даврда Хоразмнинг ижтимоий-иқтисодий тузумида катта ўзгаришлар рўй берган. Африйлар даврида бир табақага қарашли бўлган озод дехқонлар ишлаб чиқариш усулининг тубдан ўзгариши туфайли кучли давлат аппаратига таянган эзувчи феодал ва эзилган дехқонлар табақаси ажратиб ташланган эди. Африйлар даврида жиддий тус олган ўзаро урушлар ўрта асрнинг барқарор бўлиши билан тугаб, тинч ҳаёт аҳолининг хавфсизликка бўлган ишончи билан алмашинади. Илгариги мустаҳкам қалъалар ўрнига энди феодалларнинг ҳашаматли кўшклари ва дехқонларнинг мустаҳкамланмаган кўргонлари пайдо бўлади.

Бу ўзгаришлар моддий-маданий ёдгорликларидан Говҳўра канали воҳасидаги қаватқалъя комплексига кирган ёдгорликларда айниқса сезилиб туради. Говҳўра воҳаси шу ном билан аталган канал бўйлаб, эни 2—3 километр, узунлиги эса 15 километргача чўзилган сонсаноқсиз қалъя, қаср ва кўргон харобалари билан банд бўлган территориядан иборат. Қаватқалъя атрофида 8 км. майдонни эгаллаб ётган жойнинг ўзидағина тўқсондан ортиқ истеҳком борлиги аниқланди.

Воҳа марказида унча катта бўлмаган шаҳарчага ўхнаш мустаҳкам қалъя (сатҳи 160x190 м) бўлиб, унинг ўртасида ҳашаматли пахсага ўйма нақш берилган сарой харобалари бор. Қалъя атрофидан ўтган Говхўра канали бўйлаб шу даврга хос яна тўртта ҳашаматли қаср бор. Тўрт бурчак шаклидаги шинаксимон аркли истеҳкомларнинг бурчаклари нақш берилган қиррали буржлар билан мустаҳкамланган. Аммо қалъя деворлари антик мудофаа иншоотларидан қалин бўлмай, мулофга мақсадида курилмагандай бўлиб туйилади. Айрим қаср деворларига ҳам нафис ўйма нақшлар берилган.

Қасрлар атрофида сон-саноқсиз майда ер эгалари ва деҳқонларнинг кўрғонлари жойлашган. Кўрғонлар бир-бирига яқин курилган бўлиб, паст пахса деворлар билан ўралган. Кўрғонларнинг бирига ёнма-ён қилиб солинган кўп хонали иморат сўнгги вақтларгача Хоразм қишлоқларида учрайдиган катта оила учун солинган кунгирали ҳовлиларга ўхшаб кетади.

Бироқ хоразмшоҳлар даврида кўп шаҳарлар Ўрта Осиёда типик бўлган ўрта аср шаҳарлари қиёфасига киради. Хоразмнинг ўша даврдаги пойтахти Урганч ёки, тарихий манбаларда ёзилганидек, Гурганж бунга мисол бўла олади. Урганч харобалари ва бу харобалар орасида қад кўтарган пишган фиштдан қурилиб, кошин билан моҳирона зийнатланган ажойиб ҳашаматли, ҳозиргача сақланиб келган ёдгорликлар кўп вақтларгача сайёҳ ва тадқиқотчилар диққатини ўзига жалб қилиб келган. Урганч шаҳрининг харобалари тахминан 400 гектар майдонни эгаллайди. Шаҳар ҳозирги Кўҳна Урганч билан Амударёнинг қадимги ўзани Дарёлик ўртасида гуллаб-яшнаётган деҳқон далалари куршовида жойлашган.

Бир вақтлар шаҳар атрофи мустаҳкам деворлар билан ўралган эди. Хоразм экспедицияси ер устида яхши сақланиб қолган машҳур ёдгорликлардан Тўрабекхоним мақбараси ва унга яқин турган ажойиб Урганч минораси (XIV аср), ҳашаматли Текеш ва Фахриддин Рази мақбараалари (XII – XIII асрлар)нинг жанубидаги Тошқалъя номли истеҳком харобаларини қазиб текширди. Бу истеҳкомнинг шарқида деворлари майда хом фиштдан ишланган Оққалъя харобалари сақланиб келган. Тахминан Тошқалъядан 1,5 километр Фарбда катта пахса девор билан ўралган Хоразмбоғ номли ёдгорлик бўлиб, у киши диққатини ўзига жалб қиласди.

Тошқалъя 600x800 метр келадиган кўпбурчакли истеҳком бўлиб, пишган фиштдан тикланган девор ва чуқур ҳандақ билан ўралган. Қалъя территориясида Карвонсарой дарвозаси номи билан машҳур пештоқ харобалари ва XX аср арафасида йиқилган илк ўрта аср даврига оид катта минора қолдиқлари бор. Тошқалъяниг жанубий дарвозаси атрофида ўтказилган археологик қазишмалар натижасида шаҳар деворининг қолдиқлари топилиб, унинг пишган фиштдан қурилгани маълум бўлди. Девор остида чуқурлиги 2,5 метр келадиган пишган фиштдан қилинган ҳандақ ҳам бор. Катта шаҳар девори ажойиб қилиб қурилган. У ташқи томони 1,65 м, ички томони 0,8 м. Қалинликда пишган фишт билан, ўртаси эса тупроқ билан шиббаланиб, умумий қалинлиги 4 метрча келадиган иншоотдан иборатдир.

«Карвонсарой дарвозаси» жойлашган ердаги катта кўча бўйида шаҳар маҳалласининг харобалари қазиб текширилди. Карвонсарой олдидаги Чорсуда жуда кўп ҳунармандларнинг кўча томон қараб турган дўконлари, бир бурчакда чойхона, ошхона ва балиқхона борлиги маълум бўлди. Ошхона олдида катта қозон учун қазилган ўчоқларнинг излари бор. Чойхона харобаларидан жуда кўп чойнак синиклари ва кичик бир халтачада майда чақалар топилган. Бу ерда катта тандирли нонвойхона, темирчилик дўкони, ҳаммом ва шунга ўхшаш қурилишларнинг борлиги аниқланган.

Маҳаллада яшаган кишиларнинг бой ва камбағалиги ундаги турар жойларнинг архитектурасида яқъол кўриниб турибди. Бир томонда камбағал ҳунарманднинг кичик хонаси бўлса, иккинчи томонда судхўр бойнинг ганч ва бўёқлар билан безатилган ҳашаматли иморати кўзга ташланади. Хоналарнинг ҳаммасида, катта-кичиклигидан қатъи назар, одамлар ётиш учун пишган фиштдан қилинган ва остидан ўт ёқиб қиздирилган супалар (бу супалар Хитойда кенг тарқалган бўлиб, у кан номи билан юритилади), ташнов ва ўчоқлар бор. Топилган сопол буюмларнинг сифати паст бўлган.

Топилган нарсалар орасида иероглиф билан тамға қўйилган чинни идишнинг синиклари Хоразм билан Хитой ўртасидаги савдо муносабати илгаригидай фаол давом қилганлигини кўрсатади. Топилган нарсалар ичида темир ва жездан ишланган қўл тарозилари, ангашвона, кичик шишиасимон жез идишлар, сұяқдан

ишиланган канъкига ўхшаш фалати буюм, узук, тарози тош, ҳар хил мунчоқлар ва бошқа темир, жез, суяқ ва шохдан ишиланган жуда кўп буюмлар учрайди.

Илк Ўрта асрга оид минора харобаларини қазиб текшириш ҳам муҳим маълумотларни берди. Минора харобалари ёнида 1900 йили топилган тошга ёзилган хатта қараганда бу минора 1011 йили, яъни Маъмун академиясида Абу Али ибн Сино ва Беруний хизмат қилаётган даврда пайдо бўлган. Лекин бу ёдгорлик мўғул истилоси даврида шаҳарнинг бошқа ёдгорликлари билан бир вақтда йиқилган. Минора қайтадан XIV асрда тикланган бўлиб, уни Кўҳна Урганчнинг ҳозиргача сақланиб келган катта минораси, Тўрабекаҳоним ва шу даврда қурилган бошқа ёдгорликлар билан тенгдош деб ҳисоблаш мумкин.

Минорага қўшилган XI асрга оид жуда ҳам катта ҳашаматли мачит харобалари диққатга сазовордир. Балки бу мачит Беруний яшаган даврдаги Урганчнинг марказий мачити бўлгандир ва унда буюк мутафаккир тезтез бўлиб, ўзининг ўлмас foяларини ташвиқ қилиб, руҳонийлар билан олишиб турган бўлса ажаб эмас. Бу мачит ҳам мўғул истилоси даврида харобага айланиб, кейин тикланган. Кейин Темур лашкарлари таслим бўлмаган мустақил Хоразм давлати пойтахти Урганчни босиб олганларида уни яна ҳам вайроналикка айлантирадилар.

Хоразмбоғ ёдгорлигини текшириш, бу квадрат шаклдаги катта истеҳком, унда топилган ажойиб ганчдан ишиланган хилма-хил қурилиш зийнатлари, нозик қилиб ясалган сопол идиш синиклари ва бошқа муҳим буюм қолдиқлари XIII—XIV асрларда қурилган нафис ҳашаматли сарой Олтин Ўрда давридаги Хоразм ҳокимиининг шаҳар четидаги ёзги кўшки бўлганлигини кўрсатади.

Бутун Урганч харобалари, онда-сонда сақланиб қолган ёдгорликларни эътиборга олмагандা, Хоразм мўғул ва ундан кейинги истилочиларнинг мисли қўрилмаган вахшиёна юришлари натижасида қандай фожиали аҳволга тушганлигини муфассал тасаввур қилишга имкон беради.

Ўша даврдаги тарихий воқеаларни эслар эканмиз жасур хоразмликларнинг ўз мустақиллиги учун курашда чеккан азоблари ноилож Эркин Самандаровнинг қўйидаги жўшқин сатрларини эслатади:

Гоҳ булат остида қолди, гоҳи кулди юлдузи,  
Кирди бу юртни неча ёв, бости Жўжи, Чингизи,  
Сув бўлиб қон оққанини сўйласин Жайхун ўзи...  
Сувга фарқ бўлганда Урганч, бормиди дарёда айб,  
Йиғласа мотам йўлида йўқдир ҳеч «гирёда» айб,  
Тожу тахт илгида айбу, бераҳм дунёда айб...

Ҳозирги Туркманистоннинг шимолидаги Тошқовуз вилоятида кўҳна харобалар қад кўтарган илк Ўрта асрларга оид бир неча ажойиб обидалар ҳозиргача кишини чуқур ҳаяжонга солади. Бу обидалар ичида бир вақтлар дунёни ларзага келтирган буюк хоразмшоҳлар даврида тикланган, аммо фалакнинг гардиши билан тасодифан сақланиб қолган 40 метрлик баланд минора, ҳашаматли Тўрабек хонум мақбараси, машҳур илоҳиётчи олим Фахридин Разийнинг қабри, сўнгги хоразмшоҳлардан сulton Tekeshning улуғвор «гўк гумбаз авлиё» деб танилган обида ва машҳур Нажмиддин Кубро номли мақбараси. Бундай жозибадор, дабдабали обидаларнинг Хоразмшоҳларнинг кейинги пойтахти кўҳна Урганчининг бераҳм Чингизхон ва кейинги истилочиларнинг кетма-кет юришлари натижасида бошига тушган мислсиз фожиалардан сўнг сақланиб қолганлигига ишониш қийин. Бундай ҳашаматли обидалар ва ачинарли харобалар буюк аждодларимизнинг нақадар юксак истеъдолди, мустаҳкам иродали, толмас заҳматкаш ва барча қийинчиликларга бардош берадиган қаҳрамон халқ эканлигини яна бир бор исботлайди.

Халқимизнинг яна бир ажойиб фазилати унинг оптимистлиги, яъни у қандай вазиятга тушмасин доимо сабр-тоқатли, шукrona табиати билан келажакка яхши умид боғлаб яшай билишидир. Бундай фазилат уни изланишларга, ижодий фаолиятга чорлайди. Мазкур кишини лол қиласидиган гўзал ажойиб обидалар бир-биридан анча узоқроқда жойлашган, уларнинг оралиги ҳувиллаб ётган қабристон, майда парчаланган гишталар, емирилган иморатларнинг ер текислигидаги харобалари, турли сопол идишлар ва буюмларнинг синиклари, онда-сонда қуруқ ариқ рошларининг ва полизларнинг излари бу ерда мисли кўрилмаган фожиалар бўлиб ўтганлигининг тилсиз гувоҳидир.

Шундай ачинарли манзара бераҳм Чингизхон юришларидан кейин Хоразм пойтахти Урганчининг ер билан яксон қилиб унинг ўрнига арпа экилгани тўғрисида тарихий манбаълар хабар берганлиги аниқ. Буни архе-

ологик кашфиётлар ҳам тасдиқлайди. Машхур араб сайёхи Ёкут ал-Ҳамавий хабар беради: «Мен бу шаҳарни мӯгуллар забт этиб вайронага айлантирганигача, 616 йили (1219—1220) кўрганман. Назаримда, бундан катта, бундан ҳам бой ва обод шаҳарни кўрмаганман. Бироқ мӯгуллар босиб олгандан кейин бунинг ҳаммаси тамом бўлди; шаҳарда мустаҳкамроқ биноларгина омон қолган, аҳолини эса тамом қириб ташлаган, деб эшитдим». Аммо заҳматкаш ҳалқ қабристонга айланган пойтахтни бошқа жойга кўчириб бошлиқ қайта тикланган ва ўзининг бунёдкорлик фаолиятини давом эттириб, бетакрор обидалар теварагида турли афсоналар ва ривоятлар ижод қилган.

Хоразм гуллаб-яшнаб юқори босқичга чиққандা, кудратли хоразмшоҳлар давлати атрофида энг кучли турк қабилалари — қангли, қипчок, туркман ва туб хоразм (сарт) аҳолиси бирикиб жипслашаётган ва дунёни забт қилиш мақсадида халифаликнинг маркази Бағдодга қарши юришга тайёрланаётган бир пайтда шафқатсиз Чингизхон қўшинлари ваҳшийларча бостириб киради. Аммо биринчи қараашда мустаҳкам бўлиб кўринган бу давлат кучли ички қарама-қаршиликларни бошдан кечираётган эди.

Мӯгул истилоси арафасида Хоразмга қараашли турк қабилалари ва маҳаллий зодагонлар ўртасида тўхтовсиз сиёсий кураш давом этиб, бу кураш сарой атрофидаги доираларга ўтиб, жиддий тус олади. Хоразмнинг ана шу даврдаги подшоси Султон Муҳаммад (1200—1220 й.)нинг қипчоқ онаси ва унинг қариндош уруғларининг, шунингдек кўпгина руҳонийларнинг таъсири остидаги халифаликка ён берган турк доиралари ҳокимиятни ўз қўлига олишга уринадилар, бунга Хоразмшоҳнинг ўғли, тахт эгаси Жалолиддин Мангуберди шаҳар ва қишлоқ зодагонлари ёрдамида тиш-тирноғи билан қарши туради. Бундай кескин вазият Чингизхон лашкарларининг ғолибона юришларига енгиллик туедирган албатта.

## МАШХУР СИЙМОЛАР, ЖАСУР САРКАРДА ВА ШАҲЗОДАЛАР ТАҚДИРИ

Менинг кўз ўнгимда жонланар тарих,  
Фамлардан тўқилган шу кўхна олам.  
Асрлар бирма-бир ўтар ва охир  
Юксалар қаршимда энг бахти одам.

*Абдулла Орипов*

Мамлакат равнақи ва фаровонлиги даставвал социал-иқтисодий ва сиёсий вазият билан боғлиқ бўлса, унинг маданий-маънавий савияси жаҳон цивилизациясига қўшган ҳиссаси билан ўлчанади. Шарқ ренессанси марказларидан бири ҳисобланган кўхна Хоразм ҳам жаҳон тарихи буюк сиймоларни, йирик давлат арбобларини ва жасур саркардаларни етказиб берган юксак маданиятли давлат бўлиб танилган.

Антик Хоразмнинг қудратли иқтисодий ва маданий пойдевори асосида вужудга келган янги жамият қисқа вақт ичида дашт қабилалари хужумлари ва араб истилосидан кейинги оғир ижтимоий қийинчиликларни аста-секин бартараф қилиб ўз қаддини кўтара бошлайди. Кучли ички ларзаларни ҳам бошидан кечирган Хоразм IX—X асрларда араб халифалигининг емирилиши туфайли кетма-кет Ўрта Осиё ва Шарқий Эронда пайдо бўлган йирик илк феодал давлатлари — тахирийлар, саффорийлар ва сомонийлар кўйл остида бўлади. Бу даврда Ўрта Осиёning бошқа худудларида гидек, Хоразмда ҳам янги туғилган феодал тузумининг тараққий қилишига тўқсинглик қилаётган патриархал қулдорлик анъаналари анча тез емирила боради. Бу емирилиш йирик феодал зодагонлари билан озод деҳқон оммаси орасидаги шартли тенглик никобини олиб ташлаб, улар ўргасидаги жiddий ихтилофни кучайтиради. Чунки юқори табақага тез кўтарилаётган мулкдор оқсуяклар ва маҳаллий ҳукмдорлар ўз мавзесини мустаҳкамлаштириш мақсадида янги давлат тузумини такомиллаштириш, унинг барча имкониятларидан, даставвал жамиятни одилона бошқариш сиёсатини амалга ошириш учун ҳеч нарсадан қайтмаганлар. Бундай ҳолат табиийки мамлакатда социал-иқтисодий вазиятни анча мураккаблаштиради.

Мўғул истилоси арафасида Хоразм анча юксалиб келаётган ўрта асрларга хос Фарbdаги феодал монархияларга ўхшаш шаклланаётган йирик давлат сифатида та-

шилган. Аммо ўз даврининг маҳсули ҳисобланган бу монархия ҳам ички ва ташқи сиёсатида ўзига хос кучли ва заиф томонлари, катта-кичик зиддиятлар ва турли низолар билан ривожлана бошлаган. Бу ҳолатни нафақат ёзма манбаларда, балки археологик ва этнографик кашфиётлар туфайли тўпланган материаллар асосида ҳам тасаввур қилиш мумкин.

Хоразм экспедициясининг бу даврга оид ажойиб кашфиётлари ёзма манбаларда ҳам учрайдиган тарихий далилларни тадқиқ қилиб мӯғул истилоси арафасидаги воқеаларга бир оз аниқликлар киритишга имкон берди. Бундай ноёб обидалардан IX—XI асрларга тегишли Бўронқалъя ва Ноибқалъя харобалари диққатга сазовор. Афригийлар сулоласининг охирги асрларида пайдо бўлган мазкур обидалар ривожланган феодализм тузуми истеҳкомлари типик намуналарини намоён қилади. Айниқса ўлиқ воҳага айланган Қаватқалъя харобалари Хоразм-қишлоқларининг ўрта асрлар даврий манзарасини тасаввур қилишга имкон беради. Йирик Қаватқалъя қасри атрофидаги бешта феодал қасрлари билан яқин жойлашган 90 та мустаҳкамланмаган дехқон ҳовлилари бу даврда шаклланган ўрта аср типидаги қишлоқлар пайдо бўлганлигини тасдиқлайди. Бизнинг кўз олдимизда муайян маҳаллий ҳоким ўз вассаллари ва қарам дехқонлари билан қишлоқ истеҳкоми намоён бўлади. Асли ҳоким қасри илк афригийлар давридаги-дек мустаҳкам мудофаа иншоотларига ўхшамайди. Унинг деворлари шинаксиз буржли унча қалин бўлмаган. Демак, XII—XIII асрларга келиб Хоразм давлати ўз құдрати билан маҳаллий аҳоли осойишталигини ва фаровонлигини таъмин қилган.

Хоразмга 1219 йили келган араб сайёхи Ёкут шундай деб ёзади: «Мен ҳеч вақт бундай (Хоразмдай) кўп аҳоли яшаган вилоятни кўрмаганман... узлуксиз зич жойлашган, бир-бирига яқин қишлоқлар, даштларда жуда кўп қасрлар ва ҳовлилар, рустакларда ўзлаштирилмаган ерлари деярли кўринмайди. Бу ерда дараҳтлар жуда ҳам кўп. Айниқса тут дараҳтлари ва бўй тेраклар. Улардан аҳоли қурилишда ва ипак қурти боқишида фойдаланади. Қишлоқлар ва шаҳарларни кезганди, бозорларни кўрганда бутун вилоятда аҳоли жойланиши бир хил кўриниади. Хоразмдек фаровон ҳаёт ва аҳолиси зич вилоят ҳеч қаерда бўлмаса керак... Хоразм аҳолиси нозу-неъматларга тўла дўконлар ва бой бозорларга эга. Бозори бўлмаган қишлоқ жуда кам учрайди.

Мазкур аҳвол мамлакатда умумий осойишталиқ ва ҳавф-хатарсиз хотиржамлик ҳукм сурганлигидан дарак беради».

Буюк Хоразмшоҳлар империяси яратган қудратли марказлашган ҳарбий — бюрократик давлат аппарати мамлакатда антик даврдагидек кучли мудофаалаштирилган қаъзалиарга муҳтож бўлмаган. Ўша даврда бутун Шарқдаги Хоразмнинг нафақат сиёсий мавзеи, унинг табиий-географик ниҳоятда қулай шароити ҳам империянинг марказида истиқомат қилувчи хоразмликларнинг тўқ-фаровон ва осойишталиқда яшашига тўлиқ имконият яратган. Археологик обидаларни текшириш ҳам шуни кўрсатадики, Хоразмшоҳлар ўрнатган гегемония туфайли марказий вилоятга келаётган туганмас бойликларнинг кўп қисми фақат ҳукмдорлар ва феодал зодагонларига тегибгина қолмай, балки оддий дехқонларнинг ҳам турмуш даражасини кўтаришга сарфланган. Бундай тўқ-фаровон турмуш, шубҳасиз, мамлакатда илм-фанни, маданият ва санъатни ривожланишида ҳам муҳим омил бўлиб хизмат қилган. Шунинг учун ҳам бу ерда нисбатан қисқа муддат ичida араб истилосидан кейин рўй берган уйғониш туфайли мусулмон дунёсида «танилган буюк сиймоларнинг пайдо бўлиши тасодифий эмас эди». Мамлакатдаги иқтисоди-маданий юксалиш, осойишталиқ ва фаровон ҳаёт, ҳавф-хатарсизлик Хоразм империясида ҳалқаро савдо-сотиқнинг ривожланиши билан ҳам бевосита боғлиқ бўлган. Масалан, археологларимизнинг аниқлашича, ўша даврда Ҳазар подшолигининг маркази — Итилга борадиган савдо йўли Беловули ҳаробаси орқали Эмбанинг қуий оқими Урал ва Волгага қараб ўтган. X асрнинг охирлари — XI асрнинг бошларида шу йўлдан юрган араб сайёҳи Фадлан кесилган тошлардан қилинган ва четига тош терилиб ишланган қудуқлари бўлган ҳашаматли карвонсаройлар бўлганлиги ҳамда карвонсаройлар орасидаги масофа тахминан 25 километрга teng бўлганлигини кўрсатади. Бу ҳолат карвонларнинг нормал юришини таъмин қилган. Тадқиқотчи олимларимиз қазиб текширган ўша даврга оид Талайхонота карвонсаройи ибн Фадлан тасвир қилган карвонсаройларга ўхшаб кетади.

Мазкур савдо йўлида жойлашган яна бир обида Беловли номли карвонсарой ҳаробалариидир. Бу ажойиб иншоот ички девори йўнилган тош билан қопланган тўртта қудуқ ёнида жойлашган бўлиб, ҳар бир қудуқнинг

оғзи тош плиталардан ишланган, тўғри тўрт бурчак шаклидаги тўсиқ билан жиҳозланган. Тўсиқ ичида, ҳар қудуқнинг ёнида молларга сув берадиган тошдан ясалган катта охур мавжуд. Карвонсарой биносининг ўзи зўр маҳорат билан йўнилган сарғиш тошдан урилган квадрат шаклдаги, безатилган юмaloқ буржли ҳамда ясси рельефли қилиб ишланган баланд тош пештоқдан иборат бўлиб, унинг юқори қисмида икки томондан бўртириб ишланган шерларнинг тасвири берилган. Бинонинг ички планировкаси девор бўйлаб солинган икки қаватли хужралар ва бинонинг орқа қисмидаги бир қанча йирик заллар ҳосил қилган тўғри тўрт бурчакдан иборат. Пештоқ қаршисида бир саҳн бўлиб, унинг ичида кўмилиб кетган қудуқ ёки ҳовузнинг излари кўзга ташланиб туради.

Беловли илк ўрта асрлардаги Хоразм меъморчилиги ва монументал декоратив санъатнинг ажойиб намунаси бўлибгина қолмай, Хоразмшоҳларнинг Волгага олиб борадиган «катта шоҳона йўли» иншооти бўлиб, қўлами жиҳатидан форсларнинг қадимий «шоҳона йўлидан қолишмайди».

Агар Беловлидан шимоли — Фарб, яъни Эмба томонга равона бўлсангиз, унча катта бўлмаган иншоотлардан бири — Чурук номли обидага дуч келасиз, яна уч-тўрт тош йўл босилса Қўсқудуқ, кейин Учоқон, Тоскечу каби харобаларни учратасиз. Агар жануби-шарқ томонга йўл олинса, Қўсбўлок, Булоқ, Учкудуқ номли карвонсаройларнинг ўрта асрлардаги маркази ҳаробага айланган кўхна Урганчга етиб борасиз. Кўп карвонсаройларда ҳозиргача бир-иккита сувли қудуқларни учратиш мумкин.

Шарқий Европа билан савдонинг ўсиши натижасида Хоразм давлатининг шимоли — фарб томонидаги энг четки истеҳкоми бўлган Урганч Хоразмда бу савдонинг биринчи аҳамиятга эга бўлган мәрказига айланади. XI—XII асрларда Хоразмдаги кўп шаҳарлар, жумладан Урганч, Кат кабилар Ўрта Осиёда типик бўлган ўрта аср шаҳарлари қиёфасига киради. Ўша даврдаги хоразмшоҳлар пойттахи, Берунийнинг она шаҳри — Кат ҳам мамлакатнинг энг йирик савдо ва иқтисодий маркази бўлиб танилган. XII асрга оид «Худуд ал Олам» номли асарнинг номаълум муаллифи таърифича: «Кат — Хоразмнинг бош шаҳри, гузлар Туркистонига кириладиган дарвоза, Туркистон, Мавароуннаҳр ва хазорлар

музофоти молларнинг омбори, савдогарлар тўпланадиган жой...». Мақдисийнинг ёзишича, унинг даврида Кат шаҳри Бухородан катта бўлган ўша даврнинг жуда кўп олимлари ва донишмандлари шу ерда яшаганлар, баъзи жиҳатдан Кат ҳатто Ироқнинг энг йирик маданий марказларидан ҳам устун турган. Бу шаҳарда Осиё ва Европа турли халқлари, жумладан сурялийк ва румликларнинг намоёндалари тўпланишганлиги бежиз бўлмаган.

Дайди Амударёнинг бетайин оқими натижасида рўй берадиган доимий тошқинлар (дегиш) шаҳарнинг ривожланиши, гуллаб-яшнаши учун тўсқинлик қилиб келган, аҳолининг дарё қирғоқларидан нарироққа чекинишига мажбур этган. X асрнинг биринчи ярмидаёқ Амударёнинг тўлқинлари қадимги Кат қалъасини ва шаҳарнинг унга ёндошган қисмларини ювиб кетиш хавфини туғдирган, шаҳар дарвозасини эса сув олиб кетган. Асрнинг охирларига келиб дарё қалъани емириб тамомлаган эди. Берунийнинг кўрсатишича, Амударё шаҳар қалъасининг тагидан ювиб, унинг бўлакларини йил сайин олиб кетаверган ва оқибатда 994-йилга келиб, қалъадан асар ҳам қолмаган. Ваҳоланки хоразмликлар жасорати туфайли дарёнинг фожиали ҳужуми натижасида Катдаги ҳаёти узилмаган, унинг аҳолиси эски шаҳарни ташлаб, шарқий томонда янги уй-жойлар қура бошлайди. Яна шу Мақдисийнинг таърифича, ўз санъатлари билан донг чиқарган хоразмлик меъморлар вайроналарни қисқа мuddатда тиклаганлар. Жалолиддин Мангуберди туғилган она шаҳри буюк сиймо Беруний ҳаёти ва илмий фаолияти билан боғлиқ бўлган яна бир йирик тарихий обида Туркманистоннинг Тошховуз обlastидаги Кўҳна Урганч харобаларидир.

Х аср охирларигача Хоразм икки ҳокимликдан иборат эди. 995 йилда Гурганч (Кўҳна Урганч) ҳокими Кат шаҳрини эгаллаши билан икки ҳокимликка барҳам берилган. Маъмун II даврида Гурганч (Урганч) Шарқ мамлакатларидаги йирик марказларидан бирига айланади. Унда савдо, хунармандчилик, маданият ва фан ривожланади. XI—XII асрларга келиб Гурганч буюк Хоразм Давлатининг гўзал ва ажойиб пойтахти бўлиб танилади.

Дунёнинг жуда кўп ерларини айланган атоқли араб сайёҳи ва географи Ёқут ёзади: «Мен умримда бу шаҳарга ўхшаш бой ва чиройли шаҳарни кўрмаганман. Битмас-туганмас бойликлари ва пойтахтининг кенгли-

ти ҳамда аҳолисининг жуда кўплиги ва яхшилиги билан Хоразмнинг бош шаҳрига ўхшаган шаҳар бўлмаса керак деб ўйлайман». Истоҳрийнинг таърифика: «Урганч Хоразмнинг энг катта шаҳри... у ўғузлар билан савдо қиласиган жой бўлиб у ердан Журжония, Хозорларга, Хурносонга карвонлар жўнайди». Истоҳрийдан олдинроқ Хоразмга келган Ибн Ботута: «У (Урганч) аҳолисининг кўплигидан денгиз сингари тўлқинланиб туради», деб ёзган эди.

Урганч ҳаробалари ва бу ҳаробалар орасида қад кўтарган пишган фиштдан қурилиб, кошин билан моҳирона зийнатланган ажойиб ҳашаматли, ҳозиргacha сақланиб келган ёдгорликлар кўп вақтларгача сайёҳ ва тадқиқотчилар диққатини ўзига жалб қилиб келган. Бу ажойиб обида ҳаробалари тахминан 400 гектар майдонин эгаллади.

Пойтахт йирик ҳунармандчилик маркази бўлган. XIII аср муаллифларидан бирининг хабар беришича ўша даврдаги хоразм шаҳарларида тахминан 50 та турли ҳунар-каслар мавжуд бўлган. Закарийя ал-Казвини таърифика, урганчликлар «моҳир ҳунармандлар», айниқса темирчилик, дурадгорлик каби касбларни мукаммал эгаллаганлар. Урганч ўймакорлари сувж ва ёғочдан ажойиб маҳсулотлар яратиб донг чиқарганлар, аёллар эса ниҳоятда моҳир каштасиилар. Манбаъларда ёзилишича, шаҳарда натурал ипак дўконлари ишлаб турган, бинокор усталар толдан мустаҳкам синч уйлар қурганлар. Казвини Урганчни жаннатдаги шаҳарга ўхшатиб, уни фаришталар куёв келинга эътибор қиласигандай эъзозлайдилар, деб таърифлайди. Араб муаллифлари, Урганчни ниҳоятда зич аҳолили, кенг територияда Амударёнинг икки соҳилида жойлашган тўғонли шаҳар бўлиб, уни мўғуллар узоқ вақт қамал қиласиганлар. Фақат шаҳар тўғонини бузиб уни сувга бостириб аҳолини таслим қиласиганлар.

Мазкур обидалардан ташқари мўғул истилоси натижасида Хоразмнинг Гулдурсун, Шўрахон, Норинжон, Дарғонота ва шу каби шаҳар ва қалъалари абадий ҳаробаликка айланган. Қолган шаҳар ва қишлоқлар ҳам вайрон қилинган бўлсада, бир қанча вақт ўтиши билан улардаги ҳаёт қайта тикланади.

Аммо буюк империя бўлиб танилган Хоразмнинг илм-фан соҳасида жаҳон цивилизациясига қўшган ҳиссаси ниҳоятда юксак ва беқиёс. Шарқ Ренессанси туфайли Хоразм маданиятининг ниҳоятда зўр ривожла-

ниши бу ерда буюк сиймоларнинг пайдо бўлишига олиб келди. Мусулмон оламида, Европада лотин тили фантили бўлиб танилганидек араб тили ҳам ўзига хос лотини бўлиб танилган ва алломаларни миллатига қарамай бирлаштирган. Ўша даврда фан оламида ярқираб чиққан юлдузлардан бири буюк аллома Беруний замона талабига қараб ўз асарларини хоразм тилида ёзаолмаганлигидан афсусланган. Ўзининг она тили фан тили бўлмай қолганлигини ва унинг ўрнини араб тили эгаллаганини алам билан эътироф қилиб, дунёнинг деярли ҳамма мамлакатларида фанлар араб тилига таржима қилинган, деб ёзган эди у. Берунийнинг таърифича, ҳар бир ҳалқ ўзи алоқа қиласидан тилини севади. «Мен араб ва форс тилларида ёза бошладим, — деб нолийди у, — лекин уларнинг ҳар иккови ҳам менинг она тилим эмас, шунинг учун ўз фикримни бу тилларда баён этишга қийналаман». Албатта, охирги иборани Берунийнинг камтарлиги деб тушиниш лозим, чунки у араб тилини мукаммал билибгина қолмай, араб ва бошқа шарқ тилларда адабий жанрларнинг барча турларидан бемалол фойдаланган. У она ватани Хоразмда туриб қадимий юонон илмини билган, бир неча чет тилларни, фалсафа, ботаника, математика, астрономия фанларини эгаллаган буюк қомусий олим бўлиб етилади. Беруний қўшни ажнабий мамлакатларда бўлиб ўз билимини оширибгина қолмай, йирик асарлари билан Хоразмни жаҳонга танитган улуг сиймо эди.

Бепоён Хоразм воҳасида сон-саноқсиз археологик обидаларни жиддий ўрганиш ҳам антик вақтлардан бўён Хоразмда аниқ ва табиий фанлар юқори даражада тараққий этганилигини исботлайди. Ажойиб меъморчилик санъати аниқ қонуниятга асосланганлигини қурилиш ишларининг синчиклаб ҳисоб қилиниши дабдабали қурилиш иншоотлари, Беруний тасвирилаган Хоразм тақвими ва мукаммал астрономик терминология, Тупроққалъя, Кўхна Урганч ва бошқа обидаларда кашф этилган нақшлардаги минерал бўёқларнинг бойлиги ва ранг-баранглиги, қазишмалардан топилган шиша ва ҳар хил металл буюмлар — булар ҳаммаси ўша даврда Хоразмда аниқ фанлар анча ривожланганлигини исботлайди. Мазкур фаннинг буюк намоёндаларидан янги илм-фан мактабига асос солган машҳур математик, астроном ва географ олим Муҳаммад ибн Мусо ал-Хоразмий дунё фани тарихида алоҳида ўринни эгаллади. Математика фанида «алгоритм» атамаси ал-Хоразмий

номининг бузилиб айтилишидан келиб чиққанлиги, унинг «ал-Жабр» номли асаридан «алгебра» предмети шайло бўлганлиги ҳаммага аён. Ал-Хоразмий нафақат буюк олим, балки араб ҳалифалигининг элчиси сифатида Хазарияга борганлиги маълум.

Тадқиқотчилар орасида Шарқий Европа жуғрофия ва этнографиясининг негизини ал-Хоразмий яратган, деган фикр мавжуд. В. В. Бартольднинг эътироф этишича, бу улуғ олим ўзининг «Оlamнинг суратлари» номли асари билан араб жуғрофия фанига асос солган. Бундан ташқари Хоразмий машғул бўлган астрономия хронологияси унинг замондошлари ва кейинги авлод олимлари томонидан зўр қунт ва файрат билан ривожлантирилган.

Ал Хоразмий ва Ал Берунийлар яратган жаҳон фанининг ривожига зўр таъсир этган асарлар мазкур соҳалар бўйича ўзига хос Хоразм илмий мактабини ташкил этганлигини алоҳида қайд қилиш лозим. Абу Райхон Беруний ана шу мактабнинг энг ёрқин намояндаси бўлибгина қолмай, Урганчда «Байтул ҳикма» номи билан машҳур бўлган илм маскани Маъмун Академиясининг ташкилотчиси деб танилган. Унинг ижодида Хоразм фани энг юксак чўққига чиққан. Беруний сиймосида Шарқнинг улуғ олими, астрономи, географи, минерологи, этнографи, тарихчиси ва шоири муҷассамлашган. Дунё фан оламининг энг буюк арбоблари орасида Берунийга тенг келадиган олимни тошишга уриниб, уни иккинчи Эротосфен, Птолемей ва ҳатто Ренессанс даврининг буюк рассоми ва олими Леонардо да Винчи деб атаганлар. Аслида, Сергей Павлович Толстов одилона қайд қилганидек, Беруний иккинчи Леонардо да Винчи эмас, аксинча Леонардо да Винчини биринчи Шарқ Ренессанси яратган ёрқин фан юлдузи иккинчи Беруний дейиш мантиқа мувофиқ бўлар эди.

Беруний ёшлигига чет элларга кетиб кўпроқ бир неча мамлакатларда бўлиб 1004 йили, ўтгиз бир ёшлирида она ватанига қайтиб келгач ижодий фаолиятини яна ҳам кучайтиради. У Али ибн Маъмун ҳукмдорлик қилган пайтда, олти йил давомида бевосита фан билан бемалол шуғулланиш имкониятига эга бўлган. Кейинчалик янги ҳоким Маъмун ибн Маъмун тахтга келиб Берунийни ўзининг энг яқин давлат маслаҳатчиси қилиб олади ва унга энг оғир ва масъулиятли ишларни, жумладан дипломатик муаммоларни ҳам топширади. Шун-

дай бўлсада бу давлат ишларига кетаётган вақтига ачинган, фидойи олим ижодининг зўр кўтаринки ва ривожланган даври эди.

Маъмун II бошқа ўзига ўхшаш шоҳлар сингари эл олдида обрў қозониш мақсадида саройга атоқли алломалар, шоир ва ижодкорларни тўплаб, Беруний ташаббуси билан илмий тўғарак ташкил этган. Тахминан 1010 йилда ташкил топган «Маъмун Академияси» номи билан машҳур бўлган бу тўғаракка Ўрта аср фанининг энг йирик сиймоларидан бухоролик Абу Али ибн Сино, атоқли астроном ва математик Абу Наср Мансур ибн Ироқ ва Маҳмуд Ҳамид ибн Хидр ал Хўжандий, машҳур табиб ва файласуф журжонлик Абу Саҳл ал Масҳий, зўр табиб ва таржимон Абўл Хайр Ҳаммор, тарихчи ва тилшунос олимлар Абу Мансур ас Саолибий ва Абу Али ибн Мисқавайҳ, Берунийнинг биринчи устози Абу Наср ибн Ироқ ва бошқалар кирган.

Маъмун Академияси олимлари даврасида ўзининг теран билими ва нотиқлиги билан машҳур бўлган Абу Мансур ас-Саолиб ўз асарларида турли хил тарихий воқеалар билан бир қаторда X—XI асрларда яшаб ўтган 124 та (шулардан 104 таси Ўрта Осиёлик) аллома, шоир ва ижодкорларни тилга олади. Шулардан Хоразм воҳасида етишиб чиққан Абу Бакр Муҳаммад ибн Аббос ал-Хоразмий, Абу Сайд Аҳмад ибн Шабиб ат-Шабибий, Абу Муҳаммад Абул Қосим ибн Зирром каби олимлар ҳам кўрсатилган.

Хоразмнинг маънавият марказига айланишида мазкур алломалар билан бир қаторда ўлкани жаҳонга танитган шаҳоншоҳлар Текеш ва Алавиддин Муҳаммад даврида ажойиб сиймолар бутун бир гулдас-таси намоён бўлади. Ана шундай улуғ донишмандлардан бири Умар ибн Муҳаммад ал-Хоразмий аз-Замахшарий (1075—1144). Ў жуда кўп асарлари билан риторика, астрономия, стилистика каби фанлар соҳасида қилган кашифиётлари туфайли танилган. Аз-Замахшарийнинг истеъдодли шогирдларидан ал Муваффоқ ибн Аҳмад ал-Макки гўзал нотик, имомлар садри, араб тилининг забардаст билимдони, энг зўр мударрис ва ажойиб адид деб танилган. Ўша даврда яшаган куръон лугатини тузган Зайнитдин Муҳаммад ибн Абулқосим ал-Баққош ал Хоразмий, хоразмшоҳи Отсизга бағишилаб ажойиб тиббиёт асарини ёзган Абу Иброҳим Исмоил ал-Журжони каби алломалар жаҳон фанини ривожлантиришда зўр ҳисса қўшганлардан.

Замондошлари томонидан юксак баҳоланган Сиро-жиддин Ёқуб ас Сақоқий «барча алломаларнинг саркардаси» деб ном қозонган.

Нафақат Хоразмда, мусулмон оламида диний-мазҳабий адабиётларда куйланиб авлиё даражасига кўтарилиган улуғ зотлардан бири Аҳмад ибн Умарбек ал-Хивақий ал-Хоразмий бутун Шарқда Нажмиддин Кубро номи билан машҳур. Хива шаҳрида таваллуд топган бу катта аллома жуда кўп шарқ мамлакатларини кезиб, она юртига қайтиб кубровия тариқатига асос солган. Султон Алавиддин Мұхаммад ҳукмронлик қилган даврда энг танилган арбоб ва мударрислардан Шихобиддин Абу Сайд ибн Ирмон ал-Хивақий атоқли ҳуқуқшунос, машҳур муфтий ва донишманлардан ҳисобланган. Шоҳ унинг билан маслаҳатлашган ва айтганига қулоқ солган Шихобиддин Хоразм мадрасаларидан бештасида мударрислик қилган ва ким келса ҳам ҳеч вақт ўз дарсини бўлмаган. Унинг шафийлар мадрасасида курдирган жуда зўр кутубхонасига бутун минтақада тенг келадигани бўлмаган.

Хоразмда мударрислик касби шунча ҳурматли ва эъзозли бўлганки, юқори мансабдаги арбобларнинг кўпчилиги давлат ишларидан бўшагач мударрислик қилишни фахрли иш деб билганлар. Ўша даврда Хоразм давлатининг обрўси ва бойлиги даставвал мамлакатда илм-маърифат ва маънавиятни қадрлаш, фан, адабиёт ва санъат аҳлини эъзозлаш, уларни ҳар томонлама қўллаб-қувватлаш сиёсати туфайли намоён бўлганлигини барча манбалар тасдиқлайди. Манбаларнинг биридаги таърифича, Хоразм «барча замонларда илм аҳли макони ва донишманлар қарвонининг манзилгоҳи» ҳисобланган.

Хоразм донишманлари нафақат «барча алломаларнинг саркардаси» деб танилибина қолмай, улар чинакам халқпарвар ва ватанпарвар фуқаролар сифатида катта обрў қозонган. Бунга мисол афсоналарга чўлғонган авлиё даражасига кўтарилиган мазкур Нажмиддин Кубро. Жуда кўп асарлар муаллифи 1145 йили Хивада таваллуд топиб Хоразмшоҳлар пойтахти Урганчда фаол ижод қилган 81 ёшта етган бу улуғ аллома мўғул истилоси вақтида Урганч мудофаасида ўз халқи билан бир сафда қўлга қурол олиб ватан йўлида қурбон бўлган.

Нажмиддин мусулмон оламининг Farb давлатларида бўлган, у ердаги атоқли уламолар билан мулоқот

ўрнатиб, дашт қабилалари орасида ислом таълимотини тарқатган. В. Г. Гордлевский хабар қилишича, у Салжуккийлар давлатининг барча диний мистик марказларида бўлган, минтақада шайх сифатида тўла шаклланган ва катта уламо бўлиб танилган. Рашидаддин келтирган ривоятига биноан, Чингизхон шайхдан Урганч қамалда бўлганда шаҳарни тарк қилишини таклиф этгандা Кубро унга жавобан ўз ватандошлари билан яхши-ёмон кунларда тақдирини бирга кўражагини айтиб, таклифи рад қилган. В. В. Бартольд Чингизхоннинг «олий жаноблигига» шубҳа билдириб, Нажмиддиннинг ҳақиқий ватанпарварлиги чинлигига ишонган.

Халқ орасида тарқалган ривоятларга қараганда (улар ёзма манбалардаги ҳикояларга ҳам тўғри келади), пойтахт қамал қилинганда, хоразмшоҳлар саройи ва амалдорлари шаҳарни ташлаб қочганда, Кубро ҳимоячилар билан бирга қўлга курол олиб жанг қилган. Араб муаллифларидан тарихчи Абу Саодат Абдуллаҳ ал-Ямани ал-Яфии ҳикоя қилади: Нажмиддин шайх Абул Ҳасан Исмоил ал-Қасрининг шогирди издоши бўлган, Макка ва бошқа мусулмон шаҳарларига борган ва таниқли сўфий алломалари билан мулоқотда бўлган. Асли Кубро доимо Хоразм (Урганчда) истиқомат қилган. Мўғуллар Урганчни қамал қилганда сафдошлари ва дўсту биродарларига шаҳарни тарк қилмасликни қатъиян маслаҳат бериб, ўзи шайх либосини кийиб камар боғлаб, қуролланиб қалъя мудофаасига чиқиб кетган. Жангда ҳалок бўлган шайхни калласини танидан жуда қилганда, гёё у калласини қўлга олиб, уни бошини кесган мўғул саркардаси ўғлининг сочига қаттиқ ёпишган ҳолда ўлган. Унинг жасадини калласи билан ўз талабалари ўқитган работнинг хонасига дафн қилганлар. Бошқа бир ривоятда шайх камон ўқи билан яраланганда, ўқни қўли билан олиб осмонга ирғитган ва Оллоҳга мурожаат қилиб ҳалок бўлган. Аммо ўлимидан олдин еттита душман лашкарларини ўлдирган. Урганчнинг забт қилиниши ва харобаликка айланиши ватанни тарк этган сотқин шоҳларга қарши қаратилган қарғишларининг оқибати деб ҳисоблайдилар.

Иккинчи ватанпарвар аллома Инножиб-бобо авлиё афсонаси (В. В. Бартольд асарларида Ибн Хожиб) ҳам Чингиз истилоси билан боғлиқ. Мазкур аллома Нажмиддин Кубро ва бошқа диний арбоблар билан душманга қарши курашга ҳалқни чорлаб, ўzlари ҳам озодлик учун курашда қаҳрамонона қурбон бўлганлар. Буюк

Хоразмшоҳлар давлатининг қудрати ва шон-шарафи ҳам асли заҳматкаш ҳалқнинг ватанпарварлиги, унинг бой маънавияти, жасур фидоий фарзандлари билан боғлиқ. Қандай фожиали воқеалар, тахт талашувлар ва сиёсий найранглар юз бермасин хоразмлик фидоийлар сабр тоқатли, шижаотли, элим-юртим деб куйиб ёниб курашиб келганлар. Уларнинг барча ижобий фазилатлари, айниқса ватан олдидаги буюк жасорати ҳақиқатан ҳам мӯгуллар истилоси вақтида катта синовдан ўтган эди.

Маълумки, XII аср бошларида қудратли империяни ташкил қилган Чингизхоннинг 1218—1219-йилларда Жебе бошчилигидаги қўшинлари Еттисув ва Шарқий Туркистон ерларини эгаллаб, бутун Моварауннаҳр, қисман Эрон, Афғонистон, Олд Осиё ва Кавказгача кенг террииторияни ўзига бўйсундириб Хоразм давлати чегараларига яқинлашади. Мӯгуллар 1220 йилнинг бошларида дастлаб Сирдарё бўйидаги Ўтрорни, кейин Бухоро ва Самарқандни босиб оладилар. Истилочилар шаҳар ва қишлоқларни талон-тарож қилиб, аҳолининг кўпчилигини қириб, бир қисмини қулликка махкум этганлар. Муқаддас Бухоронинг ҳимоячилари бутунлай қирилган, истеҳкомлар яксон этилиб, шаҳарга ўт қўйилган. Самарқанд аҳолиси ҳам қаҳрамонлик билан ўз шаҳрини ҳимоя қилган, шаҳар аҳолисининг тўртдан бир қисми тирик қолган, холос. Хоразмликлар ҳам шундай мусибатни бошидан кечирганлар. Араб тарихчиси Ибн ал-Асир бу воқеаларнинг жонли гувоҳи сифатида шундай деб ёзади: «Улар (мӯгуллар — И.Ж.) ҳеч кимсани аямас эдилар, аёлларни, қарияларни, болаларни қатл этдилар..., орқада бирон шаҳарни қолдирмай ер билан текислаб ўтар эдилар».

Чингиз қўшинларнинг нисбатан енгил ғалабаларининг бош сабабларидан бири Хоразм империясининг ички низолар, бетўхтов урушлар, эзилган ҳалқ норозилиги каби омиллар иқтисодий ва сиёсий инқирознинг бошланиши эди. Қудратли афригийлар сулоласининг охирги вакиллари маъмунийлар ўрнига келган турк ҳокимлари ҳомонидан тайинланган, янги сулолага асос солган Қутбиддин Муҳаммад ибн Ануштегин (1117—1127) анча улдабурон ва матонатли ҳукмдор бўлсада, унинг фарзандлари, невара-чеваралари даврида мамлақат бироз тушкунликка юз ўгиради. Унинг ўғли Отсиз (1127—1156)нинг муваффақият билан ҳукмронлик қилган йиллари шиддатли воқеаларга тўла бўлган. Айниқса даҳшатли ташқи

кучлар билан ички тахт ва мансаб талашувлар давлатни анча бўшаштирган. Сўнгти «Улуг салжуқий» сulton Санжар ва Шарқдан кириб келган қорахитойлар эса буюк хоразмшоҳлар давлатини инқизозга учрашига дастлабки омиллардан эди.

Отсизнинг набираси Аловиддин Текеш ибн Ил-Арслон (1172—1200) Хоразм давлатини мустаҳкамлаш, кўшимча ерларни босиб олиш сиёсатини амалга оширишга ҳаракат қилган. Агар Отсиз Хоразмнинг чинакам мустақиллигига ва улуғдавлатчилик сиёсатига замин яратган бўлса, Текеш ўз империясининг ҳақиқий асосчиси, деб танилган. Унинг ўели ва валиаҳди Аловиддин Мұхаммад II отасининг сиёсатини давом қилдиришга ҳаракат қилиб, қорахитойларга қарши сабрматонат билан муваффақиятли кураш олиб борган. Унинг подшолик қилган даврида (1200—1220) Самарқанд ва Ўтрор қорахонийлар кўлидан тортиб олинган, узоқ Фазнагача (Афғонистон жанубида) ўз чегарасини кенгайтириб Farбий Эрон ва Ozарбайжонни бўйсундиради, Даشت Қипчоқнинг ичларига кириб боради. Аловиддин Мұхаммад қорахитойлар билан муваффақиятли курашиб, уларни таслим бўлишига мажбур қиласди. Хоразм шоҳи ўзини «Иккинчи Искандар», деб эълон қиласди. Айрим маълумотларга кўра, шоҳга тобе бўлган 27 мамлакатнинг ҳокимлари ёки бу ҳокимларнинг гаров тарзида юборилган ўғиллари Мұхаммаднинг саройи қошида тилла ногора чалганлар.

Шундай бўлса-да, феодал монархияларга хос ички зиддиятлар, айниқса саройдаги ва унинг атрофидаги низолар бу ерда ҳам мавжуд эди. Мўгуллар истилоси арафасида Хоразмда асли иккиси ҳокимлик ўрнатилган деса бўлади. Бутун мамлакатда шоҳ ва сulton деб Аловиддин Мұхаммад ҳисобланса-да, ички ва ташқи сиёсатни олиб борицда иккинчи ҳоким шоҳнинг онаси Туркан-хотун ҳисобланган. У ҳаттоқи айрим масалаларни ҳал қилишда биринчи бўлган, сultonнинг баъзи фармон ва буйруқларини инкор этган ва ўз номидан фармонлар чиқариб истаган масалаларни ҳал қилиш қурратига эга бўлган. Шоҳ ҳеч вақт эътиroz билдиримаган, чунки бир томондан она ҳурмати, иккинчидан Туркан-хотуннинг тарафдорлари унинг уруғидан чиқсан турк амирлари кўпчиликни ташкил этган. Замондошларининг таърифича, Туркан-хотун «Худованди-жаҳон», яъни «жаҳон ҳокими», деб ном қозонган, фармон чиқара олган, ўзининг тугруси

(муҳри)га эга бўлган. Уни «Исмат ад-Дунё ва-д-Дин уруф Туркан Малика нисаъ ал-аламайн», яъни «Улуг Туркан дунё ва диннинг ҳомийси, икки дунёдаги аёлларнинг маликаси», деб улуғлаганлар. У ўзига «Фақат Оллоҳ менинг маададкорим», деган сўзларни бош шиор қилиб олган. Туркан-хотун пойтахт Урганчда истиқомат қилган, ўзининг маҳсус кўшки ва иккита мулкига эга бўлган, шоҳ ўғли эса Самарқандга кўчиб шу ердан ҳукмронлик қилган. Малика нафақат сulton устидан ҳукмронлик қилибгина қолмай, молия масалаларига ҳам аралашиб хўжайнлик қилган, олий амирлар ва амалдорларга ҳукмини ўтказган. Туркан хотун ҳатто тахт меросхўрини ўзи белгилаган. Бундай ҳолат, шубҳасиз, Хоразм давлатини бўшаштиришга ва унинг инқирозини кучайишига олиб келган.

Хоразм шоҳининг катта хатоси Чингиз томонидан савдо-сотиқ масалаларида чўзилган қўлни рад қилиши эди. У мўғул подшоси билан дастлабки даврларда яхши муносабатда бўлиб, ўзаро элчи ва савдогарлар, бой совға-саломлар олишган. Аммо 1218 йилнинг охиридан бошлаб алоқалар бузила бошлайди, хоразм лашкарлари билан мўғул отрядлари орасида биринчи ҳарбий тўқнашувлар рўй беради. Меркитларга қарши урушга чиқсан Чингизнинг ўғли Жўчи лашкарлари, Хоразм шаҳзодаси Жалолиддин Мангуберди лашкарлари орасида хоразмликларнинг ташабbusи билан дастлабки жанг бўлади. 20 мингдан ортиқ кишини йўқотган Жалолиддин голиб чиқиб, Жўчи қўшиллари чекинади ва Чингизхонга ноҳуш хабарни етказади. Аммо мўғул шоҳи бунга эътибор бермай яна савдо-сотиқни ривожлантириш таклифини қайталайди. Жалолиддин отаси Алавиддин Муҳаммадга юмшоқ ва мудойим бўлишни, элчи ва савдогарларга нисбатан шавқат ва ҳурмат билан муносабат қилишни таклиф этган. Жаҳидор шоҳ Чингиз юборган кўпсонли савдо карвонининг Ухун бошчилигида ҳибсга олишни буорган. Ўтрор амири Файрихон Имол эса элчиларни айғоқчи деб айблаб ҳаммасини қатл қилдирган, барча молларини мусодара этган. Одат бўйича элчиларни ўлдириш мумкин эмас эди. Элчилар билан Чингизхон юборган 450 савдогар асли мусулмон бўлган. Илгари Муҳаммад қатл қилдирган элчи Кушлухон ҳам мусулмон эди.

Ўтрордаги Чингизхоннинг 450 савдогаридан тирик қолган биттаси келиб хонга бўлган фожиани батафсил гапириб берган. Мўғул солномаларида қайд қилингага-

нидек, Чингизхон ўзига яқин кишиларни йифиб шундай деган экан: «Сартаул халқига қарши юриш бошлиман ва қонуний равища Ухун бошчилигида юзлаб қатл қилинган элчи кишиларимиз учун қасос оламан. Сартаул халқига бизнинг тиллашоҳли жиловимизни бежазо юлиб ташлашга йўл қўйиш мумкинми?» Хон уч кечаю уч кундуз якка ибодат қилиб худога шундай илтижо этган: «Э, парвардигор ва оламни яратгувчи! Тозик ва туркларни яратган! Бу фалаённинг сабабчиси мен эмас! Менга қасос учун куч-қувват ҳадя қилгин!».

Чингизхон лашкарларининг хоразмшоҳлар давлатига қарши чиқишининг яна бир сабаби Алавиддин Муҳаммаднинг ортиқ даражада манманлик қилиб ўзини олами бошқарадиган якка подшо деб ҳисоблашидир. У бўйсундирган мамлакатларда маҳаллий ҳокимларни қатл қилдириб, барча ерларни иккита қилиб, ўз қариндошлири, амирлари ва амалдорларига бўлиб берган. Оқибатда илгариги ҳокимларга хизмат қилиб келган ҳарбий бошлиқларни, тўра ва бекларни ўзига қарши норози қилиб қўйган. Илгари салжуқийлар эса, аксинча, эски амалдорлардан фойдаланиб уларни ўз ўрнида қолдириб рафбатлантириб келган. Хоразмшоҳнинг учинчи катта хатоси йирик қўшин резервларини Амударё орқасига олиб ўтиб, қолган қисмларини қалъаларга бўлиб юборган.

Муҳаммад шоҳнинг Чингизга қарши тузган стратегик режаси мутлақо яроқсиз чиқди. Бир қанча шаҳарлар чинакамига мардларча ҳимоя қилиниб (айниқса империя пойтахти Урганч), мӯғулларнинг кучлари кўп ойлаб тийиб турилганига қарамай, бу қалъалар биринкетин таслим бўла бошлади. Асосий зарбанинг йўналиши империя шарқий чеккасининг энг заиф ҳалқаси яқиндагина қўшиб олинган ва сиёсий фалаёнлар ниҳоятда авжига минган бой шаҳарлар, Ўрта Осиё ва Хитой билан савдо алоқалари бўлиб турган муҳим қалъалар бўлганлиги тасодифий эмас эди. Чунки бу ердаги савдогарларнинг юқори табақалари ичida кучли гуруҳлар ажralиб чиқиб, мӯғуллар билан яқин алоқада бўлиб, уларнинг муваффақиятларидан манфаатдор эдилар. Бундай ҳолат империянинг катта шаҳарларидан Бухоро ва Самарқандга ҳам хос бўлиб, мазкур шаҳарларнинг ичida «бешинчи колонна» сотқин-хоинлардан иборат гуруҳларнинг мавжудлиги бу даврда рўй берган воқеаларда маълум роль ўйнади. Бухоро ва Самарқандга берилган зарба туфайли пойтахт Урганч яккаланиб

қолди. Оқибатда Чингизнинг олдин кўшинлари тез орада Амударё соҳилига етиб келди ва Хоразм шоҳининг кучли ҳисобланган улкан армиясини парокандаликка солди. Оқибатда сон жиҳатдан кам бўлган Чингизхон кўшинлари ғалаба қозонди. Лашкар бошлари Жебе ва Субутойнинг йигирма минглик энг яхши корпуси Алавиддин Муҳаммадни Каспий денгизи томон чекинишга мажбур қилди ва у ердаги ороллардан бирига яширинган буюк шоҳ ўша ерда ўлиб кетади. Тарихий манбаъларда қайд қилинганидек, Хоразм шоҳи 1220 йилнинг декабрь ойида вафот этади ва унинг жасадини кўмиш учун ҳатто кафан топилмаган.

Шундай қилиб, «Энг буюк жаҳон ҳокими», деб танилган Хоразм шоҳи Алавиддин Муҳаммад хору-зор бўлиб оламдан ўтган. Манбаъларнинг таърифика, бу жаҳонгир шоҳ қорахитойларнинг ерлари, Мавароуннахр, Хоразм, Исфахон, Мазандорон, Кармона, Мекрон, Кеш, Фазна, Гур, Сижистон, Бамён, Форс, Ўтрор, Озарбайжон, Ироқ, Тобористон, Журжон устидан ҳукмронлик қилган. Унга бўйсунган территория жанубда Ҳиндистонга, Фарбда Турклар юртига, шарқда Хитойгача чўзилган. Унинг номи Дарбанд ва Ширвон, Хурсон ва бошқа мамлакат ва шаҳарлардаги мачитларда хутба номозида тилга олинган. Алавиддин Муҳаммаднинг бойлиги ҳисобсиз бўлиб, мӯгуллар қўлига 10 млн. динор, 1000 қоп атлас ва бошқа газлама, 30 минг от ва хачирлар, сон-саноқсиз турли моллар ўтган.

Хоразм пойтахтини қамал этган Чингиз лашкарлари турли найранглар билан шоҳнинг онаси Туркан хотунни таслим бўлишини талаб қилган. Урганчдаги қўшин ва ахолиси мудофаа кучига эга бўлсада Туркан хотун ватанни душманга ташлаб қочган ўғли Муҳаммаддан кейин ваҳимага тушади. Шоҳ хотинлари ва фарзандларини, хазинадаги бойликларни ва бошқа қимматбаҳо буюмларни олиб шаҳарни тарқ этади. Бераҳм малика шаҳарда қолган барча султонлар, ҳокимлар ва уларнинг ўғилларини — жами 26 кишини қатл қилдирган эди. Уларни Амударёга чўқтирган. Бундай шармандалик Туркан-хотундан кўп тарафдорларини юз ўгиртирган, у фақат ўз хизматкорлари, вазир Муҳаммад ибн Солиҳ ҳам йўл кўрсатувчи Умархон билан қочган.

Ношукр малика Илол шаҳри Мазандаронга етгач йўл бошловчини ҳам қатл қилдиради. Чингиз лашкарлари Туркан-хотунни изидан бориб Илол шаҳрини

кун утмаи уни ҳам босиб олади. Малика Хоразмшохнинг бутун ҳарами болалари билан асирга тушади. Мӯгуллар шоҳ болаларини ўлдириб, ҳарам аёлларини хотин қилиб оладилар, Туркан-хотун эса Чингизхон қароргоҳига жўнатилади ва у ерда хору-зорликда 1233 йили вафот этади.

Империянинг пойтахти аҳолиси етти ой марданавор курашгач сulton Xумар-Тегин бошчилигига таслим бўлишига мажбур этилган. Шунча қаршиликка ҳеч қаерда учрамаган мӯгуллар бутун аҳолини (100 минг хунармандларни ажратиб Мӯгулистонга жўнатиб) ёшуқарини аямай қирганлар. Тарихчиларнинг ёзишича, қамал қилган 50 минг мӯгул лашкарларининг ҳар биттаси 24 та урганчликни ўлдирган. Пойтахтни бутунлай ёмириб, ер билан яксон қилиш буюрилган. Ваҳший истилочилар аҳолини бутунлай қириб бўлгач Амударё тўғонини бузиб пойтахтни сувга бостиради. Оқибатда ажойиб тарихий обидалар, минглаб ноёб китоблар сақланган кутубхоналар барбод этилган эди.

Хоразм шоҳи шармандалик вафотидан кейин донги чиққан бир вақтлар энг қудратли ҳисобланган катта империя ёмирилади ва у, тарихчи Жувайнинг таърифича, «Бошқа мамлакатлар ўртасида арқони қирқилган капага ўхшаб қолди». Бу Аловиддин Муҳаммад Хоразм шоҳи вафотидан олдин онаси тайинлаган валиахд тўғрисидаги фармонни бекор этиб, Жалолиддин империянинг тахт вориси деб эълон қиласди.

Буюк Хоразм давлати тарихида сўнгги шоҳ Жалолиддиннинг империяни сақлаб қолиш учун олиб борган марданавор курашининг ўн йиллик жангномаси бу шиддатли даврнинг энг фожиали ва улуғвор саҳифаларидан бири. Ўз вактида Туркан-хотун томонидан тан олинмаган жасур, истеъодли Жалолиддин отаси ўрнига маликанинг иродаси билан тахтга ўтқазилган акаси Кутбиддин Ўзлоф шоҳ бошчилигига сарой атрофида тўплаган ношуд тўдаларнинг фитналарига қарамай, мӯгулларнинг муносиб рақиби бўлиб чиқди. У ўзига қараашли Фазна вилоятини истилочиларга қаршилик кўрсатиш марказига айлантирган эди. Жалолиддин фитнанинг уясига айланган пойтахтни ташлаб, бу ерга қочиб келишга мажбур бўлган. У қариндош-уруғлари томонидан уюштирилган сунқасдга қарамай, ҳатто душманлари тан берган бу қаҳрамоннинг шон-шуҳрати кенг тарқалган.

Жалолиддин Урганчдан 300 отлиқ билан қочиб, Нисо шаҳри остонасида унинг йўлини беркитиб қўйган 700 отлиқ мўфул қўшинларини енгади. У Газнага келиб янги куч тўплаб, карвон яқинида бўлган жангда мўгуллар устидан яна бир ажойиб фалаба қозонган. Мард лашкарбози Жалолиддин бу жангда ҳарбий фан тарихида биринчи бўлиб отдан тушиб, пиёдага айланган ўқёйчи (ёйондоз)лар сафини тузиб мўгулларнинг отлиқ аскарларига қарши қўйиб, уларга қаттиқ зарба берган. Бундай жасурликка тан берган Чингизхон ўзининг асосий кучлари билан Жалолиддинга қарши отланишга мажбур бўлган.

Мўфул лашкарларига қарши мардонавор курашгандар ичида ҳақиқий ватанпарвар лашкар бошлиқлар ва садоқатли сultonлар билан Хоразмшоҳнинг ўғиллари Ўзлоғ-шоҳ ва Оқ-шоҳ ҳам бўлган. Улар Хуросон тупроғини мудофаа қилишда ўз лашкарлари билан таъқиб қилувчилар билан жангвор кураща ҳалок бўладилар. Шоҳнинг учинчи ўғли Рукнаддин Гурганжи ҳам олти ой қамалда қаршилик кўрсатиб, кейин асирга тушади. Мўфул Тоймас-нўён олдига келтирилган шаҳзода тиз чўкишдан бўйин ўтириб, қийноқ билан қатл этилган.

Аммо энг зўр қаршилик кўрсатган ва мардонавор кураш олиб борган Жалолиддин кетма-кет истилочиларга даҳшатли зарба бериб куч тенг бўлмаганлигидан чекинишга мажбур бўлган. Ҳинд дарёси соҳилида 1221 йил ноябрида бўлган охирги шиддатли жангда гарчи ҳарбий устунлик Жалолиддин томонида бўлса-да, Чингизхон кучли резервларни жангга солиб ўз рақибининг қаршилигини синдиришга муяссар бўлган. Албатта Жалолиддин қўшинлари орасида ҳам бир хил қаҳрамонона курашгандар бўлмаган, айрим жанглардаги фалаба туфайли ўлжа талашган бир қанча кўчманчи ҳарбий бошлиқларнинг хиёнати ва қочоқлиги ҳам Чингизхонга қўл келган.

Ҳинд дарёси соҳилига сиқиб келинган Жалолиддин уч кунлик даҳшатли жангдан сўнг мағлубиятга учрашиб, яқинда Чингизхон томонидан асирга тушган саккиз яшар ўғлиниң ваҳшиёна қатл қилдирилганлигини эслаб сувдан кечиб ўтиш воситаларидан маҳрум бўлганлиги туфайли ҳарамдаги хотинларини асирга тушиб номусга қўймаслик учун уларни дарёга чўқтириб ўлдиритиради. Чингизхон Жалолиддинни тириклай қўлга киритишни буюрган эди. 1221 йили 25 ноябрда бўлган бу жангда унинг 700 га яқин қўшини қолган эди.

Жалолиддин асирга тушмаслик учун жўшқин дарёга

бутун қурол-яроғи билан от солади ва мӯғуллар ўқининг жаласи остида бошқа соҳилга ўтиб олади. Чингизхон бундай жасурликдан ҳайратда маҳлиё бўлган сultonни таъқиб қилмасликни буюради. У ўғиллариға қараб шундай деган экан: «Ота ўғли фақат шундай бўлиши керак! Шундай даҳшатли жангдан ва жўшқин дарё қаъридан соҳилга соғомон чиққан киши ҳали жуда кўп улуф ишлар ва фаолият кўрсатади!» Унинг билан бирга дарёнинг у соҳилига учта отлиқ амир ва тўрт мингга яқин қўшини ўтади.

Анча ҳолсизланган ва пачоқланган Жалолиддин оч ва ҳориган озгина сафдошлари билан нотаниш ва душманларча кутиб олган Шимолий Ҳиндистон аҳолиси орасида пайдо бўлган. Маҳаллий ҳоким (рана) уни оғир аҳволидан фойдаланиб бир минг отлиқ ва беш минг пиёда аскарлар билан Жалолиддинга қарши хужум қиласди. Моҳир ва тажрибали лашкарбоши олдида ожизлик қилган ҳинд қўшинлари тор-мор қилиниб қочиб кетадилар. Оқибатда Шимолий Ҳиндистон Жалолиддинга тўла бўйсунади ва унга қарам бўлади. Сulton ўзининг аҳволини яхшилаб олади, ҳатто ўз номидан танга чиқариб, барча вилоятларда унинг исми билан хутба ўқиладиган бўлади. Жалолиддин Ҳиндистонда ҳар хил жанглар ва фитналарни бошидан кечириб уч йил ҳукмронлик қилган.

Жалолиддиннинг Хоразм давлатини сақлаб қолиш ва истилочилардан озод қилиш учун олиб борган мардонавор, аммо самарасиз курашининг кейинги ўн йиллик жангномаси энг фожиали ва улувор саҳифаларидан. Ҳиндистонда ҳукмронлик қилган даврда унга қарши фитналар ва мӯғулларнинг янги таъқиб васвасалари сultonни Ироқ томон юришга ундаган. У дастлаб Кармана, кейин Шероз ва Исфаҳонга буриб маҳаллий хон ва амирлар билан келишиб бир оз мустаҳкам кучга эга бўлади. Аммо бу ерлар укаси Фиёсиддинга тегишли бўлганлиги учун у акасининг келишидан норози эди. Жалолиддиннинг келиши маҳаллий аҳоли томонидан яхши кутиб олинган, чунки Фиёсиддин даврида ўзбoshimchaliq ва зўровонлик авжига чиққан эди.

Жалолиддин 1225 йили Озарбайжонни босиб олиб ўз қўшинларини Бағдод томон юришга тайёрлади. Озарбайжоннинг охирги ҳокими (Отабеги) Ўзбек давлат ишларидан чекланган, асли бу ишларни унинг хотини кейинги салжуқийлар сultonни Тўғрулнинг қизи Малика-хотун бажариб турган. Ўша вақтдаги пойтахт Марага Жалолиддинга қаршиликсиз таслим бўлгач

Озарбайжон Отабеги Ўзбек Табризга қочади ва у ердаги хоразм қўшинларининг вакилларини ўлдиритиради. Хоразмшоҳи Табризга қўшин билан боради ва етти кунлик қамалдан кейин босиб олади. Шу ерда ўзининг ноибини тайинлаб, Грузияга қарши юриш бошлайди. Ўзбек хонлиги емирилгач, грузинлар Жалолиддинни Ozарбайжондан ҳайдаб бу ерларни ўзига қаратиб Бағдодга юриш ташкил қилмай, унда ўзининг католикосини ҳалиф қилиш, барча мачитларни черковга айлантиришни режалаштирганлар. Аммо Грузия аҳолиси асли ўз ватанини мудофаа қилиш тарафдори бўлиб, Жалолиддин эълон қилган урушга қарши эканлигини билдирган. Хоразмшоҳи Гарни яқинидаги жангда грузинларни тор-мор қилдириб, мамлакатни талон-тарож қилган. Бу жангда 20 минг грузин лашкари ҳалок бўлган, қолганлари асир қилинган.

Жалолиддин Табризга қайтиб Отабегининг хотини Маликага уйланади, кейин Тифлисга юриш қилиб йўл бўйи Ганжа, Бойлаган, Шанхур, Шутун каби шаҳарларни ўзига бўйсундиради. Отабеги Ўзбек бундай нохуш хабарлардан сўнг касал бўлиб вафот этади. Шундан сўнг отабегилар давлати тугатилиб Ozарбайжон, Ширвон ва Грузия 1231 йилгacha Хоразм шоҳи Жалолиддин ҳукмронлигига қолган. Жалолиддин қўшинлари босиб олинган юрт ва шаҳарларни талаганлар, сulton ҳокимлик қилган Форс, Шарқий Эрон, Ozарбайжон аҳолиси орасида норозилик кучаяди. Хоразмнинг Ўрта Осиё ва Хурасондаги асосий мулклари вайроналикка айланади. Жалолиддиннинг Шарқда янги қаршилик кўрсатиш кучларини ташкил қилишдаги уринишлари пучга чиқади.

1230—1231 йили исмоилийлар тақлифи билан келган мўгуллар Ozарбайжонни босиб оладилар. Жалолиддин барча ҳоким ва ноибларга мурожаатнома жўнатади, аммо ҳеч ким унга жавоб бермайди ва ёрдамга келмайди. Ҳатто унинг вазири Шароф ал-Мулк сultonга қарши фитна уюштира бошлайди. Ўша вактда Ганжада қўзғолон кўтарилади, сulton амалдорларини қатл қилиб, ундан юз ўғирганлигини мўгуллар хабар қиласилар. Хоразмийлар қўзғолонни бостириб, унинг раҳбарларидан 30 кишини ўлдирадилар, саркардаси Бандарни оломон олдида қатл қилиб, жасадни чопиб ташлаганлар. Ганжага келган Жалолиддин 17 кун сақланиб, ўз лашкарларини мўгулларга қарши қўймайди. Уларни

талон-тарож ва босқинчилек қилишига рухсат берган. Шу ердан султон озгина куч билан Кичик Осиёга ўтиб Исфахонга қайтиб келади.

Шундай кунлардан бирида Исфахонга мӯғул бостириб келади, Жалолиддин чекинишга мажбур бўлади. У кичик бир отряд билан Тавратоғларида яширинади. Жалолиддин Холам яқинидаги Айндор номли қишлоққа етиб боргач, бир гуруҳ курдлар томонидан таланади ва шу ердаги бир курд хоразмликларга қасд қилиб хун олиш учун (унинг акасини жангда ўлдирганлар) Жалолиддинни найза билан саншиб ўлдиради. Бу воқеа 1231 йил 15 ё 17 августда рўй берган. Шундай қилиб, буюк хоразмшоҳлар сулоласининг охирги вакили оламдан ўтган ва машҳур улуф империя бутунлай инқирозга учраб емирилган.

Жалолиддиннинг ўлимидан кейин ўша замон воқеаларининг гувоҳи бўлган ибн ал-Асирийнинг ёзишича, мусулмон шарқидаги ҳалқлар бу жасур лашкарбоши ва улуф султонни юксак баҳолаб, анча йиллар унинг ҳалок бўлганига ишонмай келганлар. Ватанни бераҳм мӯғуллар томонидан истило қилишга қарши қаҳрамонона қаратилган саркарда ҳаракатларини унутмаган мусулмонлар, ул истилочиларга ҳал қилувчи зарба беришга янги кучлар тўпламоқда, деган турли афсоналар пайдо бўлган. Аммо бу умидлар пучга чиққан, Ҳулагу бошчилигидаги мӯғул галалари Ўрта ва Шарқ мамлакатларига қарши қонли юришларини давом қилдириб, Ироқ, Эрон, Озарбойжон ва Грузияда пайдо бўлганда, ҳеч ким бу ваҳший босқинчиларга қаршилик кўрсата олмаган.

Олд Осиё мамлакатлари ва вилоятларида жуда кўп парчаланиб кетган Хоразм шоҳи лашкарлари, айниқса ҳар хил туркий қабилаларнинг вакиллари мӯғуллардан қочиб жойлашиб қолган. Одатда бундай кишиларни тарихий манбаълар, хоразмликлар деб тилга олади. Бу кишилар баъзан шунча кўп бўлганки, маҳаллий ҳокимлар буни инобатга олишга мажбур бўлган, чунки улар катта ҳарбий куч бўлган. Жалолиддиннинг айрим амирлари ва лашкарбошилари Олд Осиё, ҳатто Миср, Ироқ каби мамлакатларнинг подшолари ва ҳокимларида хизматда бўлган ва ҳатто, маҳаллий хукмдор, хон ва сultonлар орасидаги кураш ва фитналарда хоразм ҳарбий кучлари таянч ролини ўйнаган. Шунинг учун салжуқийлар ва айюбийлар валиаҳдлари хоразмликларни хизматга олиб, уларга ер-мулк ажратганлар. Шарқий Анатолийдаги айрим вилоятларда ўша даврда қолиб кетган

хоразмликларнинг авлодлари ҳозиргача яшаб келмоқда ва хоразм номи уларда сақланган. Уларга мазкур вилоятда Суриядан қочиб келган хоразмликларнинг шу номидаги учта қишлоғи ҳозир ҳам мавжуд.

Шарқда, Ўрта Осиёда илк пайдо бўлган айрим феодал монархиясининг емирилиши, бу ердаги ҳалқларнинг мўфул истилоси туфайли фожиали қора кунларни бошидан кечириши тарих тақдири билан ҳукм қилинган эди. Жалолиддин мусулмон давлатларнинг маданиятини ваҳший мажусийлардан ҳимоя қилувчи бир қалқон бўлиб хизмат қилган. Аммо XII—XIII асрларда юксалиб келаётган Хоразм империясига кирган ёки қарам бўлган мазкур мамлакатлар Farb ва Шарқнинг мустабид монархияларига хос бўлган барча кучли ва заиф томонларини ўзида мужассамлаштирган.

Бу даврдаги воқеаларнинг заминида ўрта аср Хоразм иқтисодий құдратининг юксалиш жараёни, империянинг мўфул ғалабалари зарбаси остида қулагунга қадарли ва ундан кейинги тарихий ривожи хоразмликларнинг нақадар зўр истеъдод, куч-ғайрат ва иродаси мустаҳкамлигидан далолат беради. Тарихий-археологик курашлар ҳам бу фикрни тасдиқлайди. Тарихий обидаларни ўрганиш орқали биз бу антикий ўлканинг илк ўрта асрлар давридаги йирик монархия скелетининг сүякларини гўё пайпаслаб ушлагандек бўламиз, ўша даврдаги барча воқеаларнинг гувоҳи бўлган харобаларни тилга киритиб, ўзимиз ҳам шуларнинг жонли гувоҳидек сезамиз. Кенг кўламда олиб борилган қазишималар туфайли, минглаб гектар унумдор ерларга ҳаёт қайтарган катта сув иншоотлари, чўл четидаги қалъя ва истеҳкомларнинг курилишлари, Хуросон, Мавароуннахр, Даشت қыпчоқ ичига олиб борадиган йўлларнинг мустаҳкамланиши, шаҳар ҳаётининг жонланиши, хунармандчилик, савдонинг янгидан гуркираб ўсиши, «Хоразм ренессанси» (уйғониш даври) санъатининг шукуҳи ва бой ривожи кўз ўнгимиизда бирма-бир намоён бўлади.

Мазкур воқеаларнинг энг салбий ва даҳшатли оқибати, С.П. Толстовнинг доно илмий фикрларига таяниб айтиш мумкинки, мўфул истилоси фақат ҳарбий вайронагарчиликлар келтириш билангина, забт қилинган мамлакатларнинг сиқиб сувини ичувчи ҳарбий-қулдорлик ҳокимиятининг ўрнатилиши билангина кифоя қилиб қолмайди. Бу истилолар яқиндагина муваффақият билан бартараф қилинган феодал тарқоқликка қайтишга,

истиличиларга таянган ҳолда ўз халқига қарши иш ту-  
түвчи келгиндиларнинг куч-қувватидан ўзининг тор шах-  
сий манфаатларини амалга ошириш йўлида фойдала-  
нувчи феодал зодагонлар, айниқса маҳаллий ҳоким ва  
хонлар мавқеининг мустаҳкамланишига, ярим қулдор-  
лик тузумининг қайта тикланишига олиб келган эди.

Олимнинг энг муҳим холосаси шундай: «Тарих фи-  
дирагининг кейинги айланишлари Хоразм империяси-  
нинг юксалиши тасодифий бўлмаганлигини, бу юкса-  
лиш Ўрта Осиё халқлари тарихий ривожининг ижобий  
тенденцияларига мос бўлиб тушганлигини кўрсатади...». Тадқиқотчиларнинг одилона қайд қилишича, Амир Темур империясининг асосий ўзаги територия жиҳатидан Хоразмшоҳ Муҳаммаднинг давлатига қарийб мос келган. Мазкур империя мўғуллар истилоси туфайли 1218 йили узилиб қолган жараённи кейинчалик давом этти-  
риш йўли билан вужудга келтирган эди. Темурнинг орқасида ҳам Муҳаммад орқасида турган айни ўша иж-  
тимоий кучлар турган, у ҳам ўзининг хоразмлик ўтмиш-  
доши сингари худди ўша янги шаклдаги зиддиятларга дуч келган. Хоразм шоҳи урганчлик Муҳаммад ҳам, янги империянинг шоҳи шаҳрисабзлик Темур ҳам ўз пойттахтларини Самарқандга кўчирганлар.

Темур даври меъморчилигининг ажойиб обидалари-  
да айни Хоразм бадиий анъаналари янада яшнаб тўла-  
тўқис гуркираб ўсдики, бу ҳол тасодифий эмас эди, албатта. Фақат Амир Темур мутлақ ҳокимиятигина вай-  
ронагарчилик тенденцияларини вақтинча тўхтатиб тур-  
ган, аммо бу тенденция Жаҳонгирнинг вафотидан ке-  
йин ниҳоятда авжига минади, кўп ийллик таҳт талашув  
ва социал низолар, иқтисодий таназзул ва маданий  
тушкунликнинг қоп-қоронғу даври бошланади. Бундай  
фожиали воқеалар Улуғбеклар ва кейинги ўзбек хон-  
ликлари замонида айниқса авжига минади ва бутун  
Ўрта Осиёда тарихий турғунликка сабаб бўлади. Маз-  
кур аҳвол дастлаб чор Россияси томонидан, кейин ок-  
тябр тўнтаришларидан сўнг Совет тузуми ўрнатилган  
мустамлакачилик сиёсати туфайли янги шаклда намо-  
ён бўлади. Собиқ совет империясининг парчаланиб ке-  
тиши, мустақил Давлатларнинг ташкил этилиши Ўрта  
Осиё минтақасида ҳартомонлама равнақ топишига кенг  
имкониятлар яратиб, бу ерда XXI аср бўсафасида Янги  
Ренессанс, яъни қайта Уйғониш даври бошланётган-  
лигини алоҳида қайд қилса бўлади.

# ИПАК ЙЎЛИ ЧОРРАҲАСИДАГИ КЎҲНА ДАВЛАТ

Ватан — ажиг севимли достон,  
Унда битта варақ Хоразм.  
Шаффоғ нурлар эли бу бўстон,  
Унда битта ҷароғ Хоразм.

Эркин Самандаров

Ҳозирги замон юксак цивилизацияси асрлар давомида турли ҳалқ ва элатларнинг ўзаро иқтисодий, сиёсий ва маданий алоқаларининг самарали таъсири туфайли юзага келган. Бунинг негизида асли инсонга хос бўлган қўни-қўшничилик, дўсту-биродарлик каби олий фазилатларнинг мавжудлиги ўтади. Инсонлар ирқи, дини, миллатидан қатъий назар доимо бир-бира га интилиб келганлар, ўзаро алоқалар ўрнатиб, борди-келди қилиб туришни ҳамиша орзу қилганлар. Бундай яқин мулоқотда бўлиш эҳтиёжи умуминсоний қадриятлар заминида юзага келган ва унинг учун социал-иқтисодий, маданий ва ҳатто оиласвий сабаблар ҳам доимо мавжуд бўлган. Тарихий жиҳатдан тақдири бир, дини ва турмуш тарзи яқин Ўрта Осиё, жумладан Ўзбекистон ҳалқлари Мағрибдан Машриқгача турли туман элатлар билан кўпминг йиллар давомида ҳар хил алоқа йўллари ва воситалари кашф этганлар. Шундай ажойиб кашфиётлардан бири жаҳон тарихида машҳур «Буюк ипак йўли» десак ҳеч муболага бўлмайди.

Буюк ипак йўли нақадар муҳим тарихий воқеа эканлигини, Бирлашган Миллатлар Ташкилоти (ЮНЕСКО) қарори билан Ўрта Осиё ва Қозоғистон республикалари бўйлаб 1991 йили ёзида ҳалқаро экспедиция ташкил қилиниши буни тасдиқлайди. Мазкур экспедицияда 24 мамлакат вакиллари: тарихчи ва шарқшунос, археолог ва этнограф, фолклорчи ва тилшунос, географ ва санъатшунос олимлар, журналист ва киночилар, хуллас турли касбдаги, ҳар хил тил ва ирқдаги 120 га яқин киши иштирок этган эди. Экспедиция катта илмий муаммоларни ҳал қилибгина қолмай, балки у эълон қилган «Буюк ипак йўли — мулоқот (диалоглар)лар йўли» деган инсонпарварлик шиорига тўла амал қилиниши бу тадбирнинг нафақат илмий, балки муҳим сиёсий аҳамиятга эга эканлигини исботлайди. ЮНЕСКОнинг бош директори Фе-

дерико Майор шундай деган эди. «Бир вақтлар даштлар, денгизларни кесиб ўтган Ипак йўли турли маданият (цивилизация)лар орасидаги диалог яратилишига ноёб имконият туғдирди ва уларнинг ўзаро бойишига ёрдам берди. Бу диалог бугун қайта тикланиши зарур. Бизда ҳамжиҳатликни янги поғонага кўтариш учун тарихий имкониятлар мавжуд — ЮНЕСКОнинг янги лойиҳаси худди шу мақсадни кўзлайди». Мазкур экспедиция асли ўз олдига кўйган узоқ Шарқ ва Фарб халқлари орасидаги қадимий йирик савдо йўлларини қайта ўрганиб, улар ўртасидаги тарихий муносабатларни тиклаш каби муҳим вазифани бажарибина қолмай, халқаро дўстлик алоқаларини яна ҳам мустаҳкамлашга хизмат қиласди.

Ҳозирги мураккаб бир даврда ҳар бир мамлакат ёки давлат ўзининг сиёсатида инсон, жамият ва табиат мувозанатини сақлашга интилса ижтимоий тараққиётга йўл очиб беради. ЮНЕСКОнинг мазкур тадбири ҳам мана шу мувозанатга таяниб халқлар орасида маданий муносабатларни ҳар томонлама ривожлантиришини мақсад қилиб қўйган. Ҳар бир мамлакатнинг ҳозирги социал тараққиёти ўтмиш билан узвий боғлиқ бўлган ҳолда аждодлар тажрибасига таянса анча самарали бўлиши шубҳасиз.

Шунинг учун Европа ва Осиё мамлакатлари кўпчилик раҳбарлари яқинда Озарбайжон пойтахти Бакуда тўпланиб Кавказ минтақаси орқали Европа-Кавказ-Осиёни боғлайдиган ТРАСЕКА лойиҳаси, яъни ўзининг тежамкорлиги ва самарадорлиги билан эътиборни жалб қиладиган муқобил транспорт коммуникациясини яратиш хужжатларини имзоланиши бежиз эмас. Асли мазкур тадбир Буюк Ипак йўлини тиклаш мақсадида ўтказилиб, бугун дунёвий жараёнлар глобаллашаётган, турли давлатлар ва бутун-бутун минтақаларнинг интеграциялашуви тезлашаётган бир даврда Европа ва Осиёни боғловчи кўприк бўлиб хизмат қиласди. Юртбошимиз Ислом Каримов мазкур анжумандагириб одилона қайд қилганидек, «Ипак йўлини тиклаш фояси айрим шахслар фаолиятининг маҳсули эмас, балки, бу ҳаётини заруратдир. Дунё тараққиёти талаблари шуни тақозо этмоқда. Бу йўл 2000 йилдан ортиқроқ вақт мобайнида Шарқ билан Фарбни савдо-иқтисодий ришталари билан боғлади. Мазкур минтақада яшовчи халқларнинг маданий-маънавий алоқаларини мустаҳкамлади».

Буюк Ипак йўли чорраҳасидаги бизгача етиб келган

ноёб обидалар узоқ ўтмишдаги аждодларимиз ҳаётини ўрганишга ёрдам беради. Ўзбекистонда тўрт мингдан ортиқ тарихий обидалар мавжуд. Улар ибтидоий жамият неолит давридаги маконлардан ва ундаги топилмалардан то ҳозиргача сақланиб келган ҳашаматли бинолардан, ноёб ашё ва буюмлардан, турли иншоотлар ва санъат намуналаридан иборат. Бундай ажойиб ёдгорликларнинг энг бой хазинаси Хоразм воҳаси.

Кўхна Хоразм ўлкаси бир неча минг йиллар муқаддам кўчма қум орасида дайди Аму этакларида пайдо бўлиб, ўзига хос табиий-географик қиёфага эга бўлган. Ҳар хил ҳайвон ва паррандаларга бой бўлган ажойиб тўқайзорлар, дарё қолдирган ўзанларда бунёдга келган хилма-хил балиқларга тўла қамишзор кўллар шу ўлканинг яқин-яқин замонлардаги қиёфасини кўрсатар эди. Ўша даврда Хоразм ва бутун Ўрта Осиё иқлими ҳозиргига нисбатан анча нам бўлган.

Бундай табиий ҳолат узоқ ўтмишда ибтидоий одамларнинг ящаши ва илк цивилизациялар пайдо бўлиши учун анча қулай бўлган. Шу сабабдан хоразмликларнинг энг қадимги аждодлари болалик, яъни ибтидоий тузумни ўз замонасига хос бир шароитда босиб ўтиб, антик даврдан Мағрибдан Машриққача машҳур буюк сиймолар, жасур саркардалар, ноёб санъат яратган юксак маданиятли давлат бунёд қилганлар.

Ҳозирги Хоразм воҳаси, инсон тарихи бошланишидан илгариги даврга нисбатан анча фарқ қиласи. Орол денгизи қуримасдан олдинги Ўрта Осиё харитасига бир назар ташлайлик. Минтақада Помир тоғларидан бошлиган ва бутун жоноворларга чинакам ҳаёт бағишлаган икки дарё Аму ва Сир бир вақтлар Орол денгизига тўлиб тошиб қўйилиб турганлиги ва қўйи оқимида гўзал воҳа мавжуд бўлганлиги кўзга ташланади. Учбурчак шакли яшил рангдаги воҳа икки томондан Қизилқум ва Қорақум даштлари исканжасига олинган, шимолий-гарбий томондан Устюрт яssi тоғи бўйлаб денгиз сувлари билан ювилиб турган, жанубий-шарқий қисмida унча баланд бўлмаган Султон Увайс тоғлари қад кўтарган, қовжираб ётган Султон Санжар баландликлари узоққа чўзилган. Амунинг ўнг соҳили бўйлаб Қипчоққа яқинлашган сайин Қоратов тизмалари, ундан сўнг дарёнинг чап соҳилида Жумуртов ва Кубатов тепаликлари ўзига хос гўзал манзарани намойиш қилади.

Хоразм воҳаси асли учта узвий боғлиқ манзарани кўз олдингизда намоён қиласи: биринчидан, аллювиал серунум тупроқ жуда кенг террииторияни эгаллаган, дашту-биёбонлар айрим жойларда учрайдиган текис тақириклар ва баланд-паст адирлар, дарёнинг ўнг соҳили бўйлаб чўзилган Шоббозга етгач тонг шуълалари қад кўтараётган Султон Увайс чўққилари Қизилкўм уюмлари билан чатишиб кетганлиги; иккинчидан, инсоннинг кўп асрлик меҳнат фаолияти туфайли яратилган кўркам бофу-роғлар, кўшку-биёбонлар, шаҳар ва қишлоқлардаги қадимиј ва замонавий бинолар, онда сонда учрайдиган кўнгирали баланд девор ҳовли олдида теварагида баланд чўгирма шаклида серсояли гужум (сада) дарахти экилган ҳовузлар, шаҳарликлар чиқиб дам оладиган гўзал ёз-ёвонлар; учинчидан, бутун воҳага гўё қон томирлариdek дарёдан бошланган сунъий каналлардан тарқаган катта-кичик ёб (ариқ) ва солмалар, экин далаларига ҳаёт бағишлаб турган ариқ олдида шилдираб оқаётган сувлар, ариқларнинг этакларида тўпланган балиқларга тўла кўл ва кўлчалар.

Маълумки Хоразм воҳаси Ўрта Осиёнинг энг катта дарёси Амударё ҳавзасида жойлашган. Бу ҳавза жуда ҳам кенг бўлиб, эллик минг квадрат километрга яқин майдонни ишғол қилиб келган. Уни фарбда Устюрт тепалиги, шарқда Султон Увайс тоғи ҳамда Қизилкўм, жанубда ва жануби-фарбда Қорақум саҳролари ўраб олган.

Ҳавзанинг шимолий томонларида яқин даврларгача Орол денгизи тўлқинлари урилиб турар эди. Амударё ҳавзаси бутун Евроосиёда энг катта ҳавза бўлиб, Волга ҳавзасига нисбатан уч ярим ҳисса, қадимги Нил ҳавзасига нисбатан икки ҳисса кўпроқ майдонни эгаллаган. Ўлка тупроғи унумли бўлиб, дехқончилик учун жуда ҳам қулай. Бу ҳудуд иқлими эса Ўзбекистоннинг бошқа ерларига қараганда кескин континентал иқлим ҳисобланади. Яъни ёзи жуда иссиқ, қиши эса анча совуқ келади, ҳатто кечки ҳарорат билан қундузги ҳарорат ўртасида ҳам анчагина фарқ бўлади.

Бетайин ва инжиқ иқлимли Хоразм табиати ўзининг қуруқлиги, ҳаётбахш Амударё сувининг лойқалиги билан маҳаллий аҳолига асрлар давомида бир қатор қийинчиликлар туғдирган. Бинобарин, узоқ ўтмишда пайдо бўлган Хоразм дехқончилиги Ўрта Осиёнинг

бошқа худудларига нисбатан анча кўп меҳнат талаб қиласр эди, дайди Аму оқими маҳаллий аҳолига қўшимча ташвиш ва хавф туғдирни турган, унинг лойқалари сув иншоотларини саёзлантириб юборган.

Хоразм воҳасида яшовчи халқлар тер тўкиб вояга етказган гўзал ўлкасини чин қалбдан севиб ва уни ўз ижодида достон қилиб куйлаб келмоқда. Бундай афсонавий ўлкани Буюк Ипак йўли чорраҳасида юксак маданият яратган қадимий давлат, ноёб санъат, улуғ сиймолар ва саркардалар Ватани бўлиб жаҳонга танилиши табиийдир.

Машҳур Хоразм экспедициясида иштирок қилиб, билб олган энг муҳим илмий хуносаларимдан бири, барча ёзма, оғзаки афсона ва ривоятларда Хоразмликлар шажараси ниҳоятда узоқ ва мураккаб тарихга эга эканликлари ва катта авлиёлар билан боғлиқлиги бўлди. Масалан, ажойиб тарихчи, олий насаб ва тожу тахт соҳиби Абулғозихон ўзининг «Шажарий турк» номли асарида Хива хони аждодларини келиб чиқишини илк пайғамбар даври, ҳатто Одам сафиоллоҳгача олиб боради.

Нафақат Абулғозихон, Огаҳий, Баёний, Мунис ва бошқа маҳаллий тарихчилар ёзид қолдирган ноёб қўлёзмаларини ва тарихий оятларни ўқиб, ўрганиб, Қизилқум ва Қорақум бағрида кўмилиб ётган обидаларни, юзлаб баҳайбат кўхна қалъаларнинг харобаларини текширишга мусассар бўлган Хоразм археология-этнография комплекс экспедиция билан босиб ўтган йўлларим ва қазилма ишларида жазира маисида қатнашган унутилмас талабалик ва аспирантлик чоғларимни доимо эслайман.

Этнограф ва тарихчи сифатида жонкуярлик билан халқимиз ўтмишига катта эътибор бераётган юртбошимиз Ислом Каримовнинг одилона қайд қилган фикрини тўла қувватлайман: «Тарихимиз каби, — дейди у, — қадим маданиятимиз яратилишида ҳам кўплаб этник гуруҳлар, элатлар ўз улушларини қўшган. Бу табиий ҳол. Чунки, ҳеч қачон, ҳеч қаерда фақат битта миллатга мансуб маданият бўлмайди. Ҳар қандай цивилизация кўпдан кўп халқлар, миллатлар, элатлар фолиятининг ва самарали таъсирининг маҳсулидир». Бундай муҳим илмий хуносаларни нақадар тўғри эканлигини кўп йиллик Хоразм экспедициясининг самарали натижалари исботлаб беради.

Хоразмликлар тўғрисида ҳам оғзаки ва ёзма манбаъларда камина иштирокида экспедиция ходимлари тўплаган ниҳоятда бой ҳам хилма-хил афсона ва ривоятлар мавжуд. Шуниси қизиқки, мазкур маълумотлар археологик кашфиётлар ва этнографик тадқиқотлар билан асосан тўғри келади. Ўз қулоғим билан эшитиб, тарихий асарлардан ўрганиб, қазишмалардан топилган ашёларни ва иншоотларни қиёс қилиб Хоразмда яшаган аждодларимизнинг этномаданий тарихини тиклаш мумкинлигига тўла ишонч ҳосил қилганман. Мисол тарзида X асрда яшаган атоқли араб географи Мақдисий асарларида келтирилган, ҳалқ орасида кенг тарқалган қадимий бир афсона диққатга сазовор.

Мақдисий хоразмликларнинг келиб чиқишини қуидагича ҳикоя қиласди: »Қадим замонларда Шарқ подшоси ўз мамлакатида яшовчи 400 га яқин кишига нисбатан дарғазаб бўлиб, уларни аҳоли яшайдиган жойдан 100 фарсаҳ ерга элтиб қўйишини буюради. Кос (Қадимги Хоразмнинг маркази, ҳозирги Қорақалпоғистондаги Беруний район маркази — И. Ж.) ана шундай узоқ жой ҳисобланган. Бир неча вақт ўтгандан кейин подшо ўша одамлардан хабар олиб келишни буюради. Подшо одамлари келиб, уларнинг ҳаммаси ҳаётлигини, чайла куриб балиқчилик билан кун кечираётганликларини кўради. Бу ерда ўтин ҳам кўп экан. Подшо одамлари қайтиб кўрган билганларини тасвирлаб берганларида подшо: «Улар гўштни нима дер эканлар?», — деб сўрабди, — «Хор» (ёки хвар) деб жавоб берибдилар. Уяна: «Ўтинни-чи?»— деб сўрабди. Улар «разм» деб жавоб қилибдилар. Кейин подшо: «Ушбу мавзени шуларга тақдим қилдим. Уни Хоразм (хваразм) деб аталсин» — дебди. Ҳамда уларга 400 та турк қизларини олиб бориб тўй қилиб беришни буюрибди. Шу тарзда афсонавий ўлка пайдо бўлган эмиш.

Бу афсонадан хоразмликларнинг келиб чиқишида ҳар хил қабила — уруғларнинг аралашганлиги ва уларнинг хўжалик фаолияти ибтидоий даврдаги қалтами-норликлар маданиятига ўхшашлиги афсонанинг қимматини анча ортиради.

Хоразмликлар тўғрисида мавжуд эртак ва ҳикояларда келтирилган маълумотлар гарчи афсонавий характерга эга бўлса ҳам, Амударё воҳасининг аҳолиси турли уруғ-аймоқлардан ташкил топганлигидан дарак беради. Хоразм ҳудудида ўтказилган археологик ҳамда

палеоантропологик текширишлар ҳам бу фикрии тасдиқлайди. Атоқли антрополог Т. А. Трофимови ибтидоий ва антик даврга оид бўлган калла суюклари текшириб, қадимги хоразмликларнинг тузулишида бир томондан Яқин Шарқ ва Шимолий Ҳиндистон, яъни дравидоидлар қўшимчаси борлигини исботлаб берди. У хоразмликларнинг антик даврдаги антропологик тузилишда ўрта асрларнинг охирида шу воҳада яшаган ўзбек, қорақалпоқ ва туркманларнинг ирқий жиҳатдан бирлигини қайд қиласди. Ирқи, келиб чиқиши, дини, маданияти ва маънавияти бир бўлган қадимий цивилизация яратган Ўрта Осиё халқларининг неча минг йиллар давомида бирга бунёд қилган сон-саноқсиз тарихий обидалар минтақада яшовчи барча элатларнинг тақдиди бир эканлигини ёрқин ва ишончли далилидир.

Қадимий Хоразм ҳали Буюк-Ипак йўли кашф этилмасидан минг йиллар аввал сув ва қуруқлик орқали Европа ва Шарқ билан, Сибир ва Жанубдаги юксак маданият марказлари билан алоқадор бўлган. Бу ерда жаҳон маданият марказлари Қораденгиз бўйи, Крит-микен (эллин), Мохенджаро (Шимолий Ҳиндистон, Афғонистон ва Жанубий-Шарқий Эрон) ва Хитой қадимий маданиятлари чатишиб кетган. Фарб ва Шарқни боғлаб турган икки буюк сув магистрали Аму ва Сирдарё бўйлаб, Қизил ва Қоракум саҳролари, Султон Увайс тоғ тизмалари этаклаб ўтган карvon йўллари Ўрта Осиёда, жумладан Хоразмда, қадимий даврлардан деҳқончилик ва хунармандчиликнинг ривожланишида, илк давлатлар ва шаҳарларнинг пайдо бўлишида, цивилизацияни юксалишида муҳим омил бўлиб хизмат қилган.

Археологлар кашф этган ибтидоий маконлардан Калтаминон, Сувёрған, Тозабоғёғ ва Амиробод маданиятлари бирин кетин алмашиниб эрамиздан аввалги I минг йилликларга келиб Хоразмда антик давлатларнинг пайдо бўлишига замин яратган. Биринчи жаҳон дини зардўштийликнинг ватани ҳисобланган Кўҳна Хоразм Ўрта Осиё халқлари билан нафақат иқтисодий-сийёсий, балки маънавий жиҳатдан ҳам ўзаро яқин алоқада бўлганлигини тасдиқлайди. Олд Осиёда эрамиздан аввалги I минг йиллик ўрталарида юзага келган яхудийлар дини иудаизм ва христианликнинг ақидаларига таъсир қиласган оташпарастлик калимаси Авесто фоялари мазкур

динларнинг муқаддас китобларида ўз ифодасини топган зардўштийлик (маздаизм) таълимоти бўлиб, Фарб ва Шарқни боғлаб турган муҳим ҳалқа Хоразм эканлигини исботлайди. Маданий алоқалар ва этник жараёнлар ҳам қадимги Хоразмни шимолда Сибир билан, Жанубий шарқий томондан Ҳинд океани, жанубда Форс бўғози, жануби фарбда Қизил денгиз ва Араб ярим ороли билан боғлиқлиги тадқиқотлар орқали аниқланган. Аҳамонийлар даврида Дорий I подшолигида эрамиздан аввалги 490 йили Юнон Афина давлатига қарши юришда хоразмликлар сүфдийлар ва бақтрийлар билан иштирок қиласанлиги муҳим аҳамиятга эга. Чунки Дорийнинг юришлари асли жаҳонда ўз ҳукмронлигини ўрнатиш, Кичик Осиёда савдо йўллари ва бозорларини қўлга киритиб жаҳон савдосига эга бўлиш асосий мақсади бўлган. Ўша вақт олтин тангаларни подшо, кумуш тангаларни маҳаллий ҳокимлар босиб чиқаришга ҳақди бўлган. Пул муносабатларини яхши йўлга кўйилиши, катта бозорлар ва ярмаркалар ўтказиладиган шаҳарларнинг мавжудлиги ҳалқаро савдо кенг ривожланганлигидан дарак беради. Дорий I ва Кир номли Эрон подшолари даврида босилган олтин тангалар бутун Ўрта Осиёда тарқалганлиги тўғрисида тарихий манбаларда хабарлар мавжуд.

Ёзма манбалар ва археологик тадқиқотларга қарандан эрамиздан аввалги I минг йиллик бошларига келиб, айниқса VI—IV асрларга оид Хоразмда мустаҳкамланган қасрлар ва қалъалар кўп учрайди. Қумлар орасида қад кўтарган Кўзалиқир ва Қалъалиқир каби қаср шаҳарлар оралиғида ҳар 25—30 км. масофада карвонсаройлар, сардобалар ва бошқа қадимий карвон мавжуд бўлган. Ҳудди шундай йўллар орқали эрамиздан аввалги 328 йилда Македониялик Искандар макон туттган Зариаспга Хоразм шоҳи Фарасман юборган элчилар ташриф буорган. Улар Искандарга дўстлик, иттифоқ ва ёрдам таклифларини изҳор қиласанлар. Бу даврга оид Жонбосқалъя, Бозорқалъя, Кўроғшинқалъя, Қирққизқалъя, Тупроққалъя каби йирик обидалар канал(арик)лар билан ўзаро боғлиқ умумий бир линияни ташкил қиласанлар. Археологлар мазкур обидалар-

дан Қораденгиз бўйи (Оливия ва Керчда), Ҳиндистон, Сурия ва Мисрдан келтирилган ҳар хил тақинчоқларни топганлар. Масалан, Бозорқалъадан топилган мўйинчоқлар ассортименти хоразмликларнинг ташқи савдо алоқаларининг кенг ривожланганлигидан дарак беради. I—IV асрларда Кангюй (Хоразм) подшоси расми тасвиirlанган тангаларнинг узоқ ўлкаларда топилиши, хитой манбаъларида кўрсатилганидек, жуда кўп шаҳар ва қишлоқларнинг борлиги ҳамда уларнинг қарвон ва почта йўлларининг Қораденгиз бўйлари ва жануби-шарқий Ҳиндистон билан боғлиқ бўлганлиги Буюк Ипак йўли чorraҳасидаги бой давлат мавжуд эканлигини исботлайди.

Ўзбек давлатчилиги ва давлат тузуми Ўрта Осиё-нинг туб аҳолиси яшаётган ҳудуддаги антик замонларда юксак маданият яратган хоразмликларнинг тарихи билан узвий боғлиқ бўлган. Жамият тарихининг ҳар бир босқичи айрим халқ ва элатлар ўзига хос моддий ва маънавий маданияти заминида муайян қонун-қоидалар тизимини, оиласиий ва ижтимоий турмуш, урф-одат ва расм-удумлар тартибини ишлаб чиққанлар. Ўзбек халқининг ниҳоятда хилма-хил ва ранг-баранг тарихий меросининг таркибий қисми ҳисобланган кўҳна Хоразм ҳам жаҳон цивилизациясига зўр ҳисса кўшган қадимий давлатлардан бири бўлган.

Кўп йиллик тарихий-археологик ва этнографик изланишлар туфайли Аму ва Сир ҳавзаларида каашф этилган обидаларни ўрганиш натижасида тўпланган материаллар, бизгача етиб келган битиклар ва ёзма манбаълар асосида асли Хоразм давлатчилик ришталари бронза (жез) даврига, яъни эрамиздан аввалги III—II минг йилларга боради, деб фараз қилишга имкон беради. Машхур сиймо Беруний асарлари, «Авесто» ва бошқа манбаъларга қараганда бу ерда илк давлат афсонавий сиёвушийлар сулоласи давридан, яъни уч минг йиллар муқаддам пайдо бўлган. Аммо мазкур давлат тизими мулқчиликнинг юзага келиши, ибтидоий жамиятда табақаланиш натижасида социал тенгсизлик туфайли патриархал типидаги ўзига хос шарқона давлатчилик шаклана бошлади.

Шуни алоҳида қайд қилиш лозимки Хоразмда Буюк Хоразмшоҳлар империясининг охиригача икки минг йил давомида фақат иккита сулола—сиёвшлар ва афригийлар ҳукмронлик қилган давр жаҳон тарихида кам учрайди-

ган воқеа. Бундай ҳолат моддий маданият намуналарида ҳам ўз ифодасини топган. Масалан, Хоразм қишлоқ манзилгоҳлари ва турар жойларини африйилар даври (эрэмизнинг бошларидан мӯгуллар истиносигача), яъни биринчи минг йилликдаги тарихини ўрганиш натижасида ер эгалити ва мулкчилик эволюциясини, хоразмликларнинг меъморчилик ва бинокорлик техникасининг теран илдизларини аниқлаш имконига эга бўлдик. Шуниси қизиқки, қишлоқ турар жойларини режалаштиришнинг деярли минг йилдан ортиқ давр мобайнида барқарор сақланиб ҳозиргача етиб келиши оила шаклларининг, кўп кишилик оила жамоаларини ва маҳаллачилик анъаналарининг эволюцияси этногенетик жараёнларнинг давлатчилик билан боғлиқ эканлигини аниқ исботлаб беради.

Мазкур жараён жуда кенг ҳудудга тарқалган кўп асрлик маданий-маънавий умумийликдагина эмас, балки аҳолининг этник бирлигига ҳам ўз изини қолдирган. Буюк шарқшунос олим В. В. Бартольд VIII асрдаги Хоразмни назарда тутган ҳолда шундай деб ёзган эди: «Араблар бу ерда атрофдаги вилоят аҳолисидан кийимкечаги билан ажralиб турувчи ҳамда бошқаларга тушунарли бўлмаган ва ёзма ҳужжатларда ҳам ишлатиладиган алоҳида тилда гаплашувчи ўзига хос аҳолига дуч келдилар». Бундай ўзига хослик Хоразм давлати тизимида ҳам ўз ифодасини топган ва расмий ҳужжатлар ҳам бадиий ижод намуналари маҳаллий тилда ёзилганилиги билан намоён бўлган. Беруний ҳам ўзининг илмий фаолиятида она тилидан фойдалана олмаганлигидан афсусланганлигини айтади.

Мӯғул истилоси арафасида Хоразмда шаҳар маданияти гуркираб ўсган. Ёзма манбаълар ҳам, археологик қазишлар ҳам бундан далолат беради. Урганч, Хива каби йирик шаҳарларда янги меъморий иншоотлар қад кўтарган, янги масжид ва мадрасалар қурилган, карвонсаройлар барпо этилган, қалъа деворлари таъмирланган. Аммо, тадқиқотчилар қайд қилганидек, «бутун Ўрта Осиёдаги каби, Хоразмда ҳам VII—XII асрларда шаҳарлар янгиларини қуриш ҳисобига эмас, балки, асосан эскиларини тиклаш ҳисобига ривожланди. XI—XII асрларда воҳа сарҳадларида қалъалар жадал қурилганлиги, янги шаҳарлар бунёд қилинганлиги археологик жиҳатдан қайд этилган. Бироқ янги шаҳарлар майдони катта бўлмаган». Шундай бўлсада, археологларнинг

сўнгги тадқиқотларидан маълум бўлишича, бу қалъялар атрофида камида 1—1,5 км. кенгликда анча зинч ҳовли-жойлар қурилган, улар алебастр ва сирли коншин билан безатилган. Мўфул истилоси келтирган вайроначиликдан қаддини кўтарган Хоразм давлатида осойишталик ва барқарорлик бўлганлиги учун Олтин Ўрда хонлиги даврида ҳам, мустақил Хива хонлиги ўрнатилгандан сўнг ҳам янги қалъалар, карvonсаройлар, турар жой (ҳовли)лар анча жадаллик билан қурилган, деҳқончилик ва ҳунармандчилик ривожланган. Кейинги Рус мустамлакачилиги воҳанинг иқтисодий-ижтимоий ўсишига жиддий путур етказган эди. Совет даврида ўрнатилган янгича мустамлакачилик сиёсати ҳам ўлка аҳолисининг ҳар томонлама равнақ топишига, унинг табиий қобилияти ва истеъодини тўла намоён қилишга имконият бермади.

Ўзбекистон мустақиллиги эълон қилиниши билан нафақат бутун Республиканинг, балки ҳар бир вилоят, алоҳида шаҳар, ҳатто қишлоқнинг иқтисодиёти, маданияти, турмуши ва маънавияти ривожланишида янги босқич бошланди. Мустақиллик йиллари миллий давлатни, фоявий-сиёсий бўшлиқни йўлга қўйиши, миллий ўзлиқни англашнинг ўсиши, асрий маънавий-ахлоқий қадриятларнинг қайта тикланиши маданият ва маърифатнинг замонавий услубда юксалиши даври бошланди.

Мустақиллик йилларида бутун Хоразмда давлат амалга ошираётган буюк ислоҳотлар туфайли саноат ишлаб чиқаришни янгилаш ва ривожлантириш учун моддий-техник асос яратилди. Инвестиция дастури амалга оширилмоқда. Янги замонавий корхоналар бунёд этилмоқда, эскилари қайта қурилмоқда ва янги технология асосида йўналиши ўзгартирилмоқда ҳам янги тармоқлар вужудга келтирилмоқда. Масалан, Ҳивадаги замонавий технология билан жиҳозланган «Хива гилами» фабрикаси ҳар йили 1 миллион 700 минг квадрат метр гилам буюмлари ишлаб чиқаради. Қадимий аньяналарни янгича технология негизида қайта тиклаган маҳаллий кулоллар, мисгарлар ва тўқувчилар тайёрланган буюмларнинг шуҳрати оламга кетган. Бозор муносабатларига ўтиш вилоятда нафақат саноатда, қишлоқ хўжалигига ҳам хусусий тадбиркорликни ривожлантиришга ёрдам бермоқда.

Изчиллик билан давлат амалга ошираётган қишлоқ

хўжалигидаги иқтисодий ислоҳотлар туфайли вилоятда 50 дан зиёд давлат хўжаликлари мулкчилик шаклини ўзгартириди, 110 дан ортиқ чорвачилик фермаси акционерлик жамиятига айлантирилди. Ҳозир Хоразмда мингга яқин деҳқон фермер хўжаликлари мавжуд бўлиб, улар ишни хўжалик юритишнинг замонавий услубла-рида олиб боришга интилмоқдалар.

Ёш демократик давлат олиб бораётган изчил социал сиёсат янги ижтимоий муносабатларни шакллантириш ҳамда одамлар онгини ўзгартиришнинг муҳим омили бўлиб хизмат қилмоқда. Вилоятда фақат маблагларининг 40 фойизидан зиёди аҳолининг ижтимоий эҳтиёжларига, чунончи илм-маърифатга, соғлиқни сақлашга, маданиятга, ҳар хил нафақаларга сарфланмоқда. Ҳозир Хоразмда 320 умумий таълим мактаблари ҳамда лицейларида 300 мингга яқин ўқувчи, 32 ҳунар-техника билим юртида ва еттита маҳсус ўқув юртларида 18 мингдан зиёд йигит-қиз таълим олмоқда.

Мамлакатни ислоҳ қилишнинг янги босқичида мустақил Ўзбекистоннинг ёш давлати олдида турган асосий вазифалардан бири маънавий жиҳатдан бой инсонни тарбиялаш, таълим ва маориф тизимини такомиллаштириш, ахлоқий ва маънавий жиҳатдан янги авлодни миллӣ мағқура ғояларига мувофиқ садоқатли қилиб тарбиялаб етиштиришдан иборат. Хоразм вилояти раҳбарияти, унинг зиёлилари ва барча аҳолиси-нинг бутун фаолияти айни шу олижаноб вазифаларни амалга оширишга йўналтирилган.

## **МУНДАРИЖА**

Муқаддима . . . . .	3
Ибтидоий жамоа тузуми ва илк давлатчилик ришталари . . . . .	11
Антик маданият, шаҳар ва қалъалар яратган давлат . . . . .	33
Қадимий хоразмшоҳларнинг ҳомий авлиёлари ва маъбудалари . .	59
Минг йиллик сулола ва буюк хоразмшоҳлар шажараси . . . . .	80
Машҳур сиймолар, жасур саркарда ва шаҳзодалар тақдиди . .	108
Ипак йўли чорраҳасидаги қўхна давлат . . . . .	131

## БУЮК ХОРАЗМШОҲЛАР ДАВЛАТИ

(Қадимий тарих саҳифалари)

«Шарқ» нашриёт-матбаа концерни  
Бош таҳририяти  
Тошкент — 1999.

Муҳаррир Г. Зокирова  
Рассом X. Зиёхонов  
Техник муҳаррир Л. Хижова  
Мусаҳҳиҳ Ж. Тоирова

Теришга берилди 29.11.1999. Босишга рухсат этилди 30.12.1999.  
Бичими 84x108  $\frac{1}{32}$ . Офсет босма. Таймс гарнитураси. Шартли босма  
табоби 7,56. Нашриёт ҳисоб табоби 8,61. Адади 4000 дона.  
Буюртма № 4833. Баҳоси шартнома асосида.

**«Шарқ» нашриёт-матбаа концерни босмахонаси, 700083,  
Тошкент шаҳри, «Буюк Турон» кўчаси, 41.**